

অন্যের গাণের প্রতিশোধ প্রদান করিবে—তাহা করিও না। কেননা, তাহারা লোকান্তরের জন্য আত্ম-ত্যাগের কলভোগের উপায়ান সংগ্রহ করিতেছে। তোমার কর্তব্য যে তাহাদের প্রতি ঘৃণা না করিয়া, বিবেচনা করিয়া, অমুগ্রহ করিবে, স্নেহ করিবে, যথাযোগ্য সদয় ব্যবহার করিবে। তুমি যেমন নিজ কল্যায়নিষ্ঠ কলভোগের হস্ত অতিক্রম করিতে পারিবে না, সেই রূপ উহারও পারিবে না, তুমি যে পথে আলোকের সাহায্যে চলিতেছ—সে পথ তাহাদের অজ্ঞাত—সে আলোক তাহাদের হৃদয়ে অদ্যাপি প্রকাশিত হয় নাই। তাহাদিগকে তুমি কৃপা করিও এবং তাহাদিগকে নিজ চরিত্রের দৃষ্টান্ত দেখাইয়া শিক্ষা দিও পবিত্র, সত্যনিষ্ঠ, সদাশয় ও অকোষ হইয়া কিরূপে জীবনের কর্তব্য কৰ্ম সকল সমুপেচিতে নিৰ্বাহ করিতে হয়।

তোমার দৃষ্টির চতুর্দিকে প্রত্যহই শত শত কুমুদার কলুষিত শূন্যক্রিয়া কলাপের অন্তর্ধান হইতেছে তুমি তাহাদিগকে ভাল বাস বা প্রত্যাশিত কর—অথবা সন্ধান কর—তাহাদিগের মধ্যে যদি কাহাকে শূন্যক্রিয়া কলাপের অন্তর্ধান করিতে দেখ—তাহা হইলে তৎকার্য উপলক্ষে তাহাদিগকে বিক্রম বা অবজ্ঞা প্রদর্শন দ্বারা বিরক্ত করিও না। অন্যের মনঃপীড়ার কারণ হইবে না, সতর্ক হইয়া আপনি আপনার কর্তব্য সাধন

করিবে এবং পরমাত্মায় চিত্তকে অটন করিয়া রাখিবে।

কাত্য।। তুমি ও আমি এক যোগে স্বামি-সেবা করিয়াছি, কিন্তু তোমার হৃদয় না জানি কি এক অন্ততাবে পরিপূর্ণ হইয়াছে। আমার হৃদয় অমন হইতেছে না। ইহার কারণ কি?

মেত্রেয়ী। আমারও অনেক ক্রটি আছে, তবে একথা সত্য পবিত্রতা লাভ সকলের ভাগ্যে সমানরূপে ও সমান শীঘ্র ঘটে না। মনুষ্যের প্রকৃতির ভিন্ন-তা এই উহার কারণ। যে ব্যক্তি জীবনের প্রথমাবস্থায় জীবিত থাকিবাব প্রয়োজন বোধিতে পারে, সেই ব্যক্তিই সহজে আধ্যাত্মিক উন্নতি লাভে সমর্থ হয়। আর যে ব্যক্তি বহুকাল ধরিয়া পাপাত্ম্যের অধীনে কালযাপন করিয়াছে, সে ব্যক্তি ক্রেশ, যন্ত্র ও কষ্টের মনঃসংযম না করিলে আধ্যাত্মিক পথে যাইতে পারে না। ফল, সকলেই ভাল হইতে পারে, সকলেই জ্ঞানসিদ্ধান্ত হইতে পারে, সকলেই জলয়ের পার্শ্ব কলক ও কুমুদারের আবর্তন দূর করিতে পারে। প্রভেদ এই যে, কেহ বা কিছু শীঘ্র, কেহ বা কিছু বিলম্বে। নিম্নলিখিত আত্মা যতদিন পর্যন্ত এই ভৌতিক দেহে আবদ্ধ থাকিবেন, ততদিন পর্যন্তই তিনি কিছু না কিছু পরিমাণে ভৌতিক কলকে কলঙ্কিত থাকিবেন। কিন্তু এত কলঙ্কময় ভৌতিক দেহের এমন একটা গুণ আছে যে, ইহা থাকিতে থাকিতে যদি চেষ্টা

করা যায়, তাহা হইলে সেই ভৌতিক কলঙ্কের ভবিষ্যৎ অপনোদনের উপায় করিয়া রাখা যায়। সকল ব্যক্তিরই ইহা বিবেচনা করিয়া, তৎকলঙ্কের মূল শিথিল করিয়া রাখা আবশ্যক।

কাত্য। আমরা এক্ষণে ভৌতিক কলঙ্কে অগ্রসর আছেন, ইহা উত্তমরূপে বুঝিতেছি, তথাপি আমার চিত্ত সে কলঙ্ক উপার্জন করিবার জন্য অগ্রসর হইতেছে না। কেন হইতেছে না ? তাহা আমায় বুঝাইয়া দাও।

মৈত্রেয়ী। ভৌতিক সুখের ও আকাঙ্ক্ষার চাকচিক্য ও সৌন্দর্য্য না ভুলিতে পারিলে চিত্ত আত্মকলঙ্ক উন্মোচনে অগ্রসর হইবে না। পরন্তু ভৌতিক সুখের বিস্মরণ আপাততঃ কষ্টকর বলিয়া বোধ হইবে। কিন্তু কষ্ট ও পরিশ্রম ব্যতীত ইহালোকের কিছুই লভ্য হয় না; এমনকি পৃথিবীর অতি যৎসামান্য শূন্য গৌরবও ক্লেশ ব্যতীত উপার্জিত হয় না, ইহা বিবেচনা করিয়া প্রথমে কিছু কষ্ট করা আবশ্যক। কিছুকাল পরে দেখিবে যে, যারার ক্লেশক দিন দিন হ্রাস হইতেছে এবং নির্বিকার শান্তির পথ দৃষ্টিগোচর হইতেছে। তখন তুমি মনে মনে এই স্তাবিষ্য বিস্মিত হইবে যে, কেন আমি এমন সুগম ব্রতকে ইত্যাগ্রে করিন বা কষ্টকর মনে করিয়াছিলাম।

কাত্য। “পরকালে দুঃখ আছে” ইহা মনে হইলে ইহালোকের সুখ তুচ্ছ বলিয়া বোধ হয়—ইহা আমি স্বীকার করি,

কিন্তু পারত্রিক সুখটী আশা-কল্পিত। একদা তাহার সহিত বর্তমান সুখের বিনিময় তত বাঞ্ছনীয় হইয়া উঠে না।

মৈত্রেয়ী। সত্য বটে, কিন্তু উক্ত সমগতি লাভের জন্য একটু বিশেষ জ্ঞানালোচনা আবশ্যক। “আমরা অতি অল্প দিন যাত্রা সংসারে থাকিব, তাহার পরেই সেই অনন্ত লোকে, অনন্ত ফলভোগের গৃহে যাইব।” ইহা সর্কাদাই মনে মনে আদোষন ও সিদ্ধান্ত করা এবং যেন সেই অনন্ত সুখরাশির বিনিময়ে আমরা সংসারের ছায়াবাজি ক্রয় না করি, এতৎপক্ষে সতর্ক থাকা আবশ্যক।

কাত্য। কি উপায়ে পার্থিব সুখ সম্বন্ধের আকাঙ্ক্ষার বেগ নিবৃত্তি হয় ?

মৈত্রেয়ী। তোমার নিজের প্রকৃত অবস্থা কিরূপ, তাহা একবার তপস-চিত্তে বুঝিয়া দেখ। ইহা জীবনে তুমি যে কিছু কার্য্য করিতেছ, তৎসমুদায়ের ভবিষ্যৎ ফলাফল হ্রদয়ঙ্গম করিবার জন্য যত্ন কর, তাহা হইলে আর তুমি পার্থিব সুখসম্বন্ধে মুগ্ধ হইবে না এবং নিজের পরিশুদ্ধির জন্য তোমাকে বাকুল হইতে হইবে না। তখন তোমার মনে ইহালোকের সুখসম্বন্ধের নিমিত্ত যত্ন ও আকাঙ্ক্ষা করা অসম্ভব বলিয়া স্থির হইবে। ইন্দ্রিয়তৃপ্তিকর কার্য্য্য কলাপ হইতে বিরত হওয়া উচিত বলিয়া প্রতীতি হইবে। প্রকৃতির অশোভন দৃশ্য, বিহঙ্গমের মূলগত মন্দীত, পুষ্পের

সৌভ মনকে উল্লসিত করে বটে, কিন্তু সেই উল্লাসে মাতিয়া পুনঃ পুনঃ তাহারই অহুন্নান করিতে গেলে তুমি আর পরলোকের পথ খুঁজিবার অবসর পাইবে না; ক্রমেই সেই সুগভীর মোহ-কূপের অধস্তন প্রদেশে গিয়া পতিত হইবে। অতএব প্রকৃতির ক্রমকে ভুলিয়া গন্তব্য পথ হারান অপেক্ষা সমধিক বিড়ম্বনার বিষয় আর কিছুই নাই।

কাত্য। শিক্ষিত জীবনের আনন্দের সহিত মুক্ত জীবনের আনন্দের যদি কিছু প্রভেদ থাকে, তাহাইহলে ঘেটী বলবান, সেইটী প্রবল হইতে পারে, কিন্তু আমি অদ্যাপি তত্ত্বের আনন্দের তারতম্য বুঝিতে সক্ষম হইলাম না।

মৈত্রেয়ী। মুক্ত জীবনের সুখ অভিক্রম করিয়া যোগ জীবনের শান্তি হৃদয়ঙ্গম করিবার জন্য অগ্রে প্রস্তুত হইতে হয়; পরে ক্রমেই তাহা অপ্রভূত হইতে থাকে। আমরা আপাততঃ যে সকল সুখ সম্ভোগ করিতেছি, তাহার অধিক মুখ্য বিবেচনা করাই মোহের কার্য। একরূপ ভাবে উপহিত সুখ ভোগ করা আবশ্যিক যে, আবশ্যিক হইলে তাহা বিনা আয়া-সেই পরিত্যাগ করা যাইতে পারে। যে সুখকে ইচ্ছা পূরক পরিত্যাগ করিলে অথবা কাৰ্য্যসূরোহে ত্যাগ করিলে, তাহার অন্য যেন পুনরায় চিন্তা না হয়। যে সুখ বদৃচ্ছাক্রমে সমাগত হয়, তাহাকে অনাসক্ত চিত্তে গ্রহণ কর। আর যাহা উপযুক্ত রূপে অথবা পারলৌকিক সুখের

অধিরোধীরূপে উপস্থিত হইল না; কিংবা সমাগত হইয়াই প্রস্থান করিল; তাহার প্রতি দৃষ্টিপাতও করিও না। কেন না, যে কিছু সাময়িক সুখ—সমস্তই কণ্ঠভঙ্গুর ও স্বপ্নবৎ অস্থায়ী। যে দিন তোমার হৃদয় আধ্যাত্মিক পথে অগ্রসর হইবে—আধ্যাত্মিক বস্তুতে আকৃষ্ট হইবে—সেই দিনই তুমি বুঝিতে পারিবে যে, মুক্তজীবন ও মুক্ত জীবনের তারতম্য কি। সেই দিন হইতে হৃদয় মেঘ-নির্মুক্ত চল্লমার ন্যায় স্বন্দর ও হৃদয়তল হইবে। সেই দিন হইতে তোমার আর অসদালাপ, বৃথালাপ, অকাৰ্য্য, অপকথা কিছুই ভাল লাগিবে না। সেই দিন হইতে তোমার হৃদয় সদা সর্কাদা কেবল সদা-লাপ, সংকাৰ্য্য, সংকথা ও সজ্জিস্যার আকাজকা করিবে। উক্ত প্রকার সদা-চীন সমূহ এবং অপর সাধারণের নিঃস্বার্থ হিতনাশন প্রকৃতির দ্বারা যাহার সুখ হয়, তাহার হৃদয় এমন এক অনি-র্ধ্বচনীয় আনন্দ উপার্জন করিয়া থাকে, যাহার নিকট কাল, অদৃষ্ট, এমন কি মৃত্যু পর্যন্তও পরাকৃত হয়। তোমার সমুখে যে অনন্ত ভবিষ্যৎ বিদ্যমান আছে, উক্তপ্রকারে তাহার সমুখে ক্রমে এক এক পদ করিয়া অগ্রসর হও, দেখিতে পাইবে বা বুঝিতে পারিবে যে মুক্ত জীবনের কি সুখ। যতই উক্ত পথে অগ্রসর হইবে, ততই সে সুখ বৃদ্ধি প্রাপ্ত হইবে।”

তপস্বিনী মৈত্রেয়ী এইরূপে কনিষ্ঠা

সপত্নীর সহিত কথোপকথন করিতে
করিতে ক্রমে দেখাযাত্রা নিকাহের কাল
উপস্থিত হইল। তখন তিনি প্রিয়

ভগিনীকে সম্মুখে আলিঙ্গন করিয়া
বসিলেন, আজ থাক—আবার কাল
বলিব।

সংযুক্তাহরণ ।

(২১৪ সংখ্যা ২৪৫ পৃষ্ঠার পর)

হস্তিনায় গিয়া সোম শ্রবণে কোশলে,
ভেটিলেন পুথুরাজে, কহিলা বিরলে,
পরিচয় দিয়া নিজ ভ্রমণ-কারণ ;
প্রথমতঃ সাবিলেন করিতে গমন
স্বয়ম্বর সভাস্থলে নিমন্ত্রণী বেশে,
নতুবা গোপনে যেতে অজুরোধ শেষে ।
কিছুতে সম্মত ভূপ নাহিলা যখন,
সংযুক্তার হস্তলিপি দিলেন তখন ।
পত্র পড়ি পুথু আর থাকিতে নারিলা,
টলিল অটল মন, অস্থির হইলা,
আকুল হৃদয় প্রাণ, তিত্তি গণ্ডস্থল
কাঁদিলা নীরবে অঁাধি, গোলাপের দল
হিমালী নিগার যেন কান্দয়ে নীরবে ।
কতক্ষেপে দীর্ঘবাস তাজি, "মহাহবে
বে হৃদয় কড় টলে নাই, একি আজ
টলিল লিখনাঘাতে, পাইলাম লাজ !
সোমাচার্য্য ! যুক্তবাকো ভব যেই মন
হেছে নাই, বর্ণ আগে হেলিল এখন ।
বুঝিলাম বিধাতার যোজনা এসব,
তাই তবে পরাভব করে মনোভব ।
জুগুপ্তীর অঙ্গ বাশি কৌমুদী পরশে
বেলা বিলুপ্তিত তাই জলদ উরসে,
ক্ষীণ ক্ষণপ্রভা ভাতে মাতে ইরশ্বদ,

কোমল কমলদলে বদ্ধ ষটপদ ।
তথাপি প্রতিজ্ঞা মম না হবে ধগুন,
হবোনা কনোজাধীন, থাকিতে জীবন ।
দাঁও ফিরে সোমাচার্য্য, সন্দেহ লইয়া
রাজ্যী মারে আমার প্রণাম জামাইয়া
বুঝাইয়া বিশেষিয়া বলিও সকল
যাব আমি দেখিবারে স্বয়ংবর স্থল,
করিব গ্রহণ কতদুর্গমতে আর,
সংযুক্তার পাণি শুভ আশীর্বাদে তাঁর ।"

এত বলি পুনর্বার গড়ি লিপি খান,
প্রত্যুত্তর লিখি তাঁরে করিলা প্রদান,
যোগ্য মত পূজ্যকরি লজ্জমে তুষিলা,
তুট হসে সোমাচার্য্য বিদায় লইলা ।
রাজ্যী মারে নিবেদিলা আদি সমুদয়,
হরিষে রিবাদ রাণী পাইলেন ভয় ।
মনে করেছিল পুথু গোপনে আগিয়া
লয়ে বাবে সংযুক্তারে, যেরূপে হরিয়া
রুক্মিণীরে নিলা হরি দ্বারাবতী ততে,
শুভদ্রারে পার্শ্ব কিম্বা হরিলা যেমতে ।
একে আর হল ভাবি আকুল জীবনে,
সব দিক্ রক্ষা এবে হইবে কেমনে ?
না পারেন ফুটতে মন্ত্রণা ভেদ ভয়ে,
প্রমাদ গড়িল বড় সংযুক্তারে লয়ে ।

নানা মন্ত ভাবি শেষে শাস্ত কৈলা মন,
বিধাতার লিপি কত না হবে খণ্ডন,
যা আছে তাঁহার মনে বাটবে নিশ্চয়
ভবিষ্যৎ ফলাফল অন্যথা কি হয় ?
কুহকী সাস্তুনা হেন কিবা আছে আর,
মানবের প্রেরণঃ কল্পে পেলা করনার।
মুরলারে ডাকি সোমে সংযুক্তা সদন
পাঠাইয়া দিলা বার্তা জ্ঞাপন কারণ।

সোমাচার্য্য দেখি বালা দম্ভমে উঠিয়া
প্রণমিলা, স্বস্তি বাক্যে আশীষ করিয়া,
জিজ্ঞাসি কুশল আর বিশিষ্ট বিদানে,
দাণ্ডাইলা সোমাচার্য্য যোগ্য মন্ত স্থানে।
উত্তরীতে আচ্ছাদিত সমস্ত শরীর,
অধোমুখ, নত আঁখি, প্রকৃতি গম্ভীর,
সহজে মনের ভাব বুঝিবার নয়।
নিরখিয়া নৃপসুতা পাইলেন ভয়।
অভীষ্ট সংসিদ্ধি আশে মনেহ জন্মিল,
আকুল হৃদয় প্রাণ, কানিয়া উঠিল;
নিরাশায় আত্মা বুধা ঢাকিতে প্রয়াস,
বাহিরিণী দীর্ঘশ্বাস, হইল প্রকাশ।
শিহরিল কলেবর নয়ন মুদিল।

ভাব দেখি সখিগণ ঘরে বসাইল।
সোমাচার্য্য অবসর বুঝিয়া তখন,
হস্তিনার বিবরণ করিলা জ্ঞাপন,
পুণ্ডরিক লিপি শেবে করিয়া প্রদান,
সমস্ত্রমে তথা হুতে করিলা প্রদান।

আগ্রহে অস্থখী লিপি করিয়া গ্রহণ
পড়িলেন, মৃত দেহে পশিল জীবন।
হাসিল কমল আঁখি, হৃষ্য প্রসন্নতা
বিভাসিল বিধুমুখে, বিভাসিত যথা
বিকট কমল কণি, প্রাতঃ নন্দীরণে,

সরসী উরসে ঢলে কনক কিরণে।
নিদাঘ সন্ধ্যাহে ঘোর প্রাস্তরে পড়িয়া
নির্মের গগন পানে সতৃষ্ণে চাহিয়া
কান্দে ববে চাতকিনী, সহসা তখন,
মনোরথ পুরে তার উঠে যদি ধন;
তৃষিত চাতকী হয় কত স্থখী তাহ,
তদধিক স্থখী বালা গেয়ে লিপিকায়।
আনন্দের দ্বারা বহে যুগল নয়নে,
তিতিল লিখন, পুনঃ পুনঃ অধ্যয়নে,
তৃপ্তি না হইলা, শেষে মুরলার করে
প্রদানিলা, হস্ত পাতি অচুরাগ ভরে,
গ্রহণিলা লিপি যথা, স্নেহদ হাসিলা,
সুমধুর মুত্বরে পাঠ আরম্ভিলা;
“সরলে।

আশঙ্কা এত কিসের কারণ ?
তরঙ্গিনী মহার্গবে চালিণে জীবন,
সিদ্ধ কি নিশ্চিন্ত রহে ? রমাল কোথায়
উপেক্ষরে আগ্রহাণী স্বরণ লভায় ?
চূর্ণিত রমণী বহু ভারত-ভূষণ,
কক্রিয় সৌরব মণি, পৃথুর জীবন
আজি হৈতে নিয়োজিত হইল সেবার,
পবিত্র চোহান কুলে বরিণু তোমার।
বহুদিনে মনোবাহা পূবা লা বিধি
মিলাইলা ভাগ্যে ভাট তোমা হেন নিধি।
কত সাধনের ধন, তুমি বিনোদিনী,
যে দিন হইতে তব গুণের কাহিনী
জুনিয়াছি পিতৃমুখে তর, হুবিনীতে!
সঁপেছি তোমায় প্রাণ সেইদিন হতে,
সেইদিন হতে তব ঘোহিনী মুরতি
প্রেমময়ী গুণময়ী, কদম্বে নিয়তি,
ধরিয়াছি যতনিয়া, যতনে যেমন

হৃদে গাঁথি রাখে দীন মহার্ঘ রতন ।
 ছিল সাধু পিতা তোমা করি সপ্তদান
 রাখিবেন মান মম, কনোজ চোহান
 মিলি হবে এক জাতি, শুভ পরিণয়ে
 বন্ধিব জীবন দৌহে চির সুখী হয়ে !
 এত সাধে পিতা শেষে সাধিলেন বাদ,
 নিবাইলা আশাদীপ পাড়িলা প্রমাদ ।
 করিলেন অপমান আবাতিয়া প্রাণে,
 বুঢ়ালেন বত সাধ স্বয়ংর ভাণে !
 তবু কি হৃদয়-আশা নিবিশ্রাছে প্রিয়ে ?
 ধরিয়াছি প্রাণ অধু তোমার ভাবিয়ে ?
 তোমা আলমিত প্রাণ মঁপি তব করে,
 কৃতার্থ হলেম আজি এতদিন পরে !

পুখুর মর্ষন্ব তুমি, অদেয় তোমার
 কি আছে পুখুর বল ? মনঃ প্রাণকায়,
 সকলি লইলে আত্ম সমর্পণ ছলে,
 কোথায় শিথিলে হেন কৌশল সরলে ?
 তব অগ্রে প্রিয়ে, করিলাম স্থির পণ,
 স্বয়ংবর সত্যাদিদ্ধ করিব মন্থন,
 লভিব রাটোর লক্ষী, কনোজাদিপতি
 বিবাদের যদি মিলি নুপতি সংহতি,
 প্রবোধিব সবে, পাণি করিব এইণ
 তব, স্বয়ংবর ব্রত হবে উদ্‌বাপন !
 সিদ্ধিদাতা করুণ বিধান সিদ্ধি তিনে,
 প্রের্যসি,
 তোমার পুখু তিরপ্রেমাবীন ।*

সুখসন্মিলন ।

তৃতীয় পরিচ্ছেদ ।

(২০২ সংখ্যা ৫৩ পৃষ্ঠার পর)

দেখিতে দেখিতে “নিতাগামী রথচক্র”
 পাঁচবার “স্বানুর পথে” ঘুরিয়া গেল ।
 কত সুখী সুখ-শয্যার পার্শ্ব পরিবর্তন
 করিতে করিতে দেখিলেন নিমেষের
 মধ্যে পাঁচবৎসর—সুখময়, সন্তোষময়
 পাঁচবৎসর—জীবনের অন্ধে অভিনীত
 হইয়া গেল ; সুখের দিন ফুরাইল । কত
 দুঃখী দিন গণিতে গণিতে দুঃখের
 পাঁচটা বৎসর অভিবাহিত করিয়া, আশা-
 পূর্ণমুখে, উৎফুল্লনয়নে চাহিল । এইরূপে
 কাহারও হতাশ, কাহারও উচ্ছ্বাস
 উদ্দীপন করিতে করিতে বর্ষ বৎসর

আগিল । আহা পার্থিকা ! এত দিনে
 আমাদের সেই অপছন্দা শৈলবালা
 যে কি দশা হইয়াছে, তাহা কে জানে ?
 বৃষ্টি, অবিশ্রান্ত রোদনে, সেই হাস্যময়
 সরল, চঞ্চল, নীলোজ্জ্বল চক্ষুর্ময়, বিষাদময়,
 স্থির এবং আরক্তিম হইয়া গিয়াছে ।
 কতদিন শৈলবালা প্রাণ ভরিয়া মা বলিয়া
 ডাকে নাই ; তবে ব্রি সে ক্ষুদ্র প্রাণ
 খানি ছতাসে শুকাইয়া গিয়াছে ! আর
 কোথায় সেই শৈলবালার দুঃখিনী

* প্রভাবসিদ্ধি, মন্ত্রসিদ্ধি, ও উৎসাহ সিদ্ধি—
 রাজাবিশেষ এই ত্রিবিধ সিদ্ধি ।

জননী ! এতদিন যদি 'শৈলবালা' 'শৈলবালা' বলিয়া কানিতে কানিতে সে প্রাণ বাহির না হইয়া থাকে, তবুও কি আর তাহাতে মুখ আছে ? আমরা তাঁহাকে বালক দেবেজ্ঞ এবং তাঁহার ব্লেহময়ী মাতার যন্ত্রে পীড়িতাবস্থায় সেবিত হইতে দেখিয়াছি তাহার পর আর কোন সন্ধান পাই নাই। আজ একবার তাঁহাদের আবাসস্থানে প্রবৃত্ত হওয়া ষাউক।

যে গ্রামে দেবেজ্ঞ এবং তাঁহার মাতা বাস করেন, তাহার প্রকৃত নাম অপ্রকাশ্য রাখিয়া আমরা ঐ গ্রামটা লক্ষ্মীপুর নামে অভিহিত করিব। শৈলবালার মাতা আরোগ্য লাভ করিয়া লক্ষ্মীপুরেই আছেন। দেবেজ্ঞের মাতার সহিত তাঁহার বড় মৌহর্দ্দ হইয়াছে। শৈলের মাতা জানিতে পারিয়াছেন পরিবারটা ব্রাহ্ম পরিবার এবং তিনি নিজেও তাঁহাদিগকে আনুল আশ্বপরিচয় প্রদান করিয়াছেন। দেবেজ্ঞের মাতা তখনও শৈলের মাতার প্রতি আদরের ক্রটি করেন নাই; কিন্তু আবার যখন জানিলেন শৈলের মাতা ব্রাহ্মিকা এবং শঠচক্রে ঘোর দুর্দশায় পতিতা, তখন তাঁহার সহানুভূতি দলগুণ বাড়িয়া গেল। দেবেজ্ঞনাথ শৈলের মাতাকে 'মালি মা' বলিয়া ডাকেন, আর কত শ্রদ্ধা করেন !

শৈলের মাতুলেরা হিন্দু ছিলেন, তাঁহাদিগেরই ষড়যন্ত্রে জুড় পরিবারটা অশেষ ক্লেশ পাইয়াছিলেন। তাঁহাদের

মনের ধারণা ছিল যে, অন্নবস্ত্রের ক্লেশ হইলে শৈলের মাতা আর ধর্ম্য ধর্ম্য করিয়া চূপ করিয়া থাকিতে পারিবে না অবশ্যই আসিয়া হিন্দুসমাজের শরণাগত হইবে। কিন্তু যখন দেখিলেন শৈলের মাতা ধর্ম্যের নামে মরিতেও কুন্তিতা নহেন, তখন কন্যাটিকে হিন্দুমতে বিবাহ দিবার সংকল্পে অপহরণ করিয়া-ছিলেন; শৈলের মাতা তাহা বেশ বুঝিতে পারিয়াছিলেন। কিন্তু নিজের চেষ্টায় কন্যা উদ্ধারের কল্পনা বিকল মনে করিয়া কলিকাতায় ব্রাহ্মদিগের বাহাণ্য প্রার্থনার আশায় কলিকাতাভিমুখে যাইতেছিলেন। পথে পীড়িতা হইয়া লক্ষ্মীপুরে থাকিতে বাধ্য হইলেন। যখন জগদীশ্বরের ইচ্ছায় আরোগ্য লাভ করিলেন, তখন সকলে মিলিয়া কন্যাটির অনেক অহুসন্ধান করিলেন। অহুসন্ধানে জানিলেন, শৈল তাহার মাতুলালয় হইতে একদিনই রজনীযোগে অদৃশ্য হইয়াছিলেন, তাহার পরে আর কেহ তাহার কোন সন্ধান পায় নাই। শৈলের মাতা ভাবিলেন এখন পীড়াপীড়ি করিলে তাঁহার ভ্রাতাদিগের কিছু বিপৎপাত হইতে পারে এই মাত্র, কিন্তু কোন ফল লাভ হইবে না, কাজেই, সেরূপ অহুসন্ধান হইতে বিরত হইলেন। কিন্তু তাঁহার প্রাণ স্থির হইতে পারে নাই। শৈলের মাতা যখন দেখিতেন পথহারা কন্যা পথ খুঁজিতেছে, তখনই তাহার মুখের দিকে চাহিয়া থাকিতেন; যদি

কেহ কাহাকে 'শৈল' বলিয়া ডাকিত, তাঁহার সর্বাঙ্গ সিহরিয়া উঠিত। হায় হায়। কোথায় তঃখিনী শৈলবালা। পাঁচবৎসর অতিবাহিত হইল : শৈলবালা নিরুদ্দেশ হইয়াছে। তখন সেই অগ্রমেষ দেবতার বিধান মস্তক অবনত করিয়া দেবেস্ত্রের গৃহে বাস করিতে লাগিলেন। তাঁহার পরোপকারিতা এবং সহনশীলতার গুণে গামবাণী সকলেই তাঁহাকে মাতার মত শ্রদ্ধা করিত। যদি কেহ পরের সম্বন্ধে ভাল করিয়া আদর করিত, তবে গ্রামের লোকে বলিত যে অমুক শৈলের মাতার মত পরকে আপন ভাবিতে জানে।

পাঠিকা : এ জগতে সুখী কে ? যে জগদীশ্বরের করুণায় নাম সুখ চুঃখের সম্বল করিয়াছে। ঐ দেখ সংসারে কত জন ধর্মকে তচ্ছ করিয়া সুখী হইবার প্রয়াসে কত সুখসেবা পদার্থে গৃহ সংসার-পূর্ণ করিল, অস্বাস্থ্যী বালুকা-ময়ভিত্তির উপর সমুদয় ভবিষ্যতের আশা ভরসা বাঁধিয়া তুলিল, কিন্তু হায়, "নিশ্বাস পবনে উড়িল বালুকা।"

সমস্ত সংসার ধসিয়া গেল।"

আর ঐ দেখ আর এক জন অবনত মস্তকে ছাঁচের ছাঁচের বশবর্তী হইয়া জীবনতরী ডাসাইয়াছে, কত ঝড় কত বাত্যা, কিন্তু ঐ তরঙ্গী ক্ষুদ্র হইলেও অটল হইয়া রহিয়াছে। সংসারের অবিচলনী লোকে ভাবিল এই বারের ঝড়ে আর তরী রক্ষা পাইল না,

কিন্তু দয়াময়ের নাম করিতে করিতে তরঙ্গীনাঁচ বিপদ হইতে উদ্ধার লাভ করিল। তাই বলি যে ব্যক্তি সুখে চুঃখে জগদীশ্বরের চরণ ধরিয়া থাকিতে, জ্ঞান, তাঁহার সংসারে কোন ভয় নাই : সে রাজ্য অপেক্ষা সহস্রগুণে অধিক সুখী। শৈলের মাতার প্রত্যেক শাস্তি প্রণাম পরীক্ষা কর : দেখিলে প্রতি শাস্তি কত বিশ্বাস সঞ্চিত হইতেছে, প্রতি প্রণাম কত ভক্তি স্বর্গের সিংহাসন স্পর্শ করিতে ছুটতেছে। অবিচলী জগৎ এ সুখ চুঃখের অর্থ বুঝিলে না ; না বুঝুক, কিন্তু শৈলের মাতার মুখে সেই একই সঙ্গীত লাগিয়া রহিয়াছে : "তুমিহে ভরসা মম অকুল পাথারে আর কেহ নাহি যে বিপদ ভয় বাবে, এ আঁধারে যে তারে"

আর একদিকে আমাদেরই সেই দেহনয় বালক দেবেস্ত্রনাথ। দেবেস্ত্র আর বালক নাই। তিনি তখন বিংশতিবর্ষ বয়স্ক যুবক। এই বার দেবেস্ত্রনাথ বিশ্ববিদ্যালয়ের বি এ পরীক্ষায় উত্তীর্ণ হইয়াছেন। দেবেস্ত্রনাথ, যেকল্প বিদ্যা, সেইকল্প ঈশ্বর-ভক্তি, পরোপকার এবং বিনয়াদি গুণে কলিকাতার ব্রাহ্মমণ্ডলীর মধ্যে সকলেরই প্রিয়পাত্র হইয়া উঠিলেন। কলিকাতার ব্রাহ্ম পরিবারের মধ্যে গভীর যাত করিতে করিতে এইসময়ে দেবেস্ত্রনাথের সহিত এই পরিবারস্থ একটা কুমারী রূপায় হইল।

কলিকাতায় এমন অনেক ব্রাহ্ম পরিবার
আছেন, যেখানে অনেক হিন্দুবিধবা
এবং অনাথ বালক বালিকা প্রতিপালিত
এবং শিক্ষিত হইয়া থাকেন। এই
কুমারীও কলিকাতার কোন ব্রাহ্ম পরি-
বারের কন্যা নহেন; দেবাজন হইতে
আগত এক জন ব্রাহ্মের পালিতা কন্যা।
ইহার নাম অবলা। কল্পে পরস্পরের
মধ্যে প্রথম সঞ্চারিত হইল, উভয়ে
উভয়কে কেমন ভাল বাসিতেন, সে
সমুদায় চিত্র আমরা আঁকিব না।
পরস্পরের বিবাহ হইবার কথা হইতে
লাগিল; কিন্তু যে বিবাহে দম্পতি
ঈশ্বরের পবিত্র সমক্ষে হৃদয় বিনিময়
করে, যে বিবাহে ত্রীপুরুষ পরস্পরকে
ভালবাসিতে শিখিয়া আত্মত্যাগ শিক্ষা
করে, বিশ্বজনীন প্রীতি লাভ করে, যে
বিবাহে নীতি শৃঙ্খলিত পায়, চরিত্র বিকশিত
হয়—এক কথায় যে বিবাহের ফলে মানব
চিত্র আরাধ্য, চিরপ্রার্থনীয়, অনন্ত সুখ
পথের প্রথম সোপানে পদার্পণ করে,
সে পবিত্র বিবাহবন্ধনে হৃদয় দুইটী বন্ধ
হইয়াছিল। এক্ষণে যাহাকে সামাজিক বা
লৌকিক বিবাহ বলে, তাহারই অনুষ্ঠান
হইবার কথা আরম্ভ হইল। বিবাহ
কলিকাতায় হইবে, উছাই স্থির হইল।
দেবেজনাথের মাতা, শৈলের মাতাকে
লইয়া কলিকাতায় আসিলেন। তাঁহা-
দিগের জন্য একটি রতন বাড়ী ভাড়া
করা হইল; বিবাহ এই বাড়ীতে
হইবে। আজি বৈশাখের শুক্ল পক্ষের

চতুর্থী তিথি; আজি বিবাহের রাত্রি।
এই উৎসবের দিনে, এই আনন্দের দিনে,
শৈলের মাতার হৃদয়ে বহু দিন-বিস্মৃত
ভ্রূণ স্বপ্নের আচ্ছন্নিত পুনরুদয়বৎ কি
একটা কথা জাগিয়া উঠিল! আজ
বৈশাখের শুক্ল পক্ষের চতুর্থী তিথি।
এই চতুর্থীর রজনীতে পাঁচবৎসর হইল,
তাঁহার ক্রোড়ের নিধি অপহৃত হইয়া-
ছিল; তিনি ভাবিলেন “আজ যদি
শৈলবালা বাঁচিয়া থাকিত!” শৈলের
মাতার হৃদয় আলোড়িত হইল; বিষম
মনে গৃহের কোণে বসিয়া এক অথেষ্ট
স্বপ্নদেখিতে দেখিতে হৃদয় বিবাদময় হইয়া
উঠিল; চিন্তার বেগ প্রবল হইল, শরীর
অবসন্ন হইয়া পড়িতে লাগিল। তখন
আর বসিয়া থাকিতে পারিলেন না;
শয্যা শয়ন করিলেন। ক্রমে চিন্তের
চঞ্চলভার, মনের গুরু ভারে শরীরে অর
আসিল। দেবেজের জননী আসিয়া
দেখিলেন শৈলের মার অর হইয়াছে।
“তাইত দিদি! আজকার দিনে তোমার
অর হইল!” এই বলিয়া দেবেজের মাতা
শৈলের মাতার গায় মাথার হাত বুলা-
ইতে লাগিলেন; অর কিছু বেশী বোধ
হইতে লাগিল। কিন্তু এ দিকে বিবাহের
সমুদায় উদ্যোগ করিতে হইবে। কি
করেন শৈলের মাকে একটা গৃহে
রাখিয়া বিবাহাদির উদ্যোগ করিতে
লাগিলেন। শৈলের মাতা অভিজ্ঞতার
ন্যায় শয্যা পড়িয়া আছেন। বিবাহ
সমাধা হইলে দেবেজের জননী পুত্র

এবং পুত্রবধূকে শৈলের মাতার পার্শ্বে লইয়া গেলেন। শৈলের মাতা এতক্ষণ কি এক স্বপ্ন দেখিতেছিলেন। দেখিতে-ছিলেন তিনি তাঁহার পূর্বাভাসে শয়ন করিয়া আছেন, তাঁহার নয়নপুতলী নবমবর্ষীয়া শৈলবালা তাঁহার সম্মুখে দণ্ডায়মান। তিনি শৈলের দিকে নির্নিমেঘ দৃষ্টিতে চাহিয়া আছেন; দেখিতে দেখিতে ক্ষুদ্র বালিকা বেন বড় হইয়া উঠিল, তাহার অঙ্গ প্রত্যঙ্গ বৃদ্ধি পাইল। শৈলের মাতা বিস্মিত হইয়া ভাবিতে লাগিলেন এ কি হইল। বিশ্বাসের উপর আরও বিশ্বাস; যে জানা-লায় বসিয়া শৈল গৃহপার্শ্বস্থিত বৃক্ষে মাছুব দেখিয়াছিল, গৃহের সেই জানালা দিয়া একজন যুবক গৃহে প্রবেশ করিয়া শৈলবালার পার্শ্বে দাঁড়াইল। এই সময়ে বর কন্যা তাঁহার শয্যা পার্শ্বস্থিত হইয়াছেন; শৈলের মাতা নিদ্রিতাই ছিলেন, স্বপ্নদৃষ্ট যুবককে লক্ষ্য করিয়া জিজ্ঞাসা করিলেন “তুমি কে গো আমার ঘরে?” দেবেশ্বরের জননী উত্তর করিলেন—বলিলেন “দাদি, বর কনে।” “বর কনে?” শৈলের মাতা নিদ্রিতাবস্থার চমকিলেন; চমকিয়া বলিলেন “শৈলবালা, শৈলবালা, তুমি আমাকে না বলিয়াই বিবাহ করিলে? ছি! ছি! বড় হইলে কি মাকে ভুলিয়া যাইতে হয়?” গৃহে উজ্জন প্রাণীপ জলিতেছিল। দেবেশ্বরের মাতা কি কথা বেন কহিতে যাইতে ছিলেন, এমন সময়ে দেবেশ্বরের নব-

পরিণীতা অবলা ছুটিয়া শয্যাভিত্তার গলা জড়াইয়া ধরিয়া চিৎকার করিয়া কাদিয়া বলিলেন “মা, মা, এই আমি, এই আমি তোমার শৈল।” শৈলের মাতার নিদ্রাভঙ্গ হইয়াছে; তিনি স্বপ্নে বস্তুতাবস্থা শৈলের যে মুক্তি দেখিয়া-ছেন, দেখিলেন সেই মুক্তি তাঁহার কণ্ঠলগ্ন হইয়া কাদিতেছে। আর ভ্রম নাই। মাতা কাদিতেছেন, কন্যা কাদিতেছেন, দেবেশ্বরের ও তাঁহার মাতাও কাদিতে বসিয়াছেন। এক চমৎকার ব্যাপার। পাটিকা এতদিন পরে আজি সহসা এই স্তব্ধ সম্মিলন হইল। বাষ্প-গদগদ কণ্ঠে শৈলের মাতা গাইয়া উঠিলেনঃ—

“তুমি হে ভরসা মম অকুল পাথারে,
আর কেহ নাহি যে বিপদ ভয় বারে,
এ আঁধারে যে, তারে।”

উৎস্রুতা পাটিকা! স্তব্ধসম্মিলন সমাধা করিবার পূর্বে সংক্ষেপতঃ একবার শৈলের ভাগ্য বিপর্যাসের কথা উল্লেখ করি। শৈল এক রজনীতে মাতুলালয় হইতে নিরুদ্দেশ হইয়া যান, ইহা আপনারা শুনিয়াছেন। শৈলবালা এই সময়ে পথে ধূতা হইবার ভয়ে নাম পরিবর্তন করেন। পথে নৈহাটীতে একজন ব্রাহ্মের সহিত সাক্ষাৎ হয়, তিনি ইহার অবস্থার কথা শুনিয়া দয়া করিয়া দেয়াতনে কণ্ঠস্থানে লইয়া যান। তাহার পর তিনি শৈলের মাতার অনেক অনুসন্ধান করিয়াছিলেন; কিন্তু সকলি

নিষ্কল হইয়াছিল। তাহার পর তিনি কলিকাতায় আসিয়া বাস করিতেছিলেন, শৈলবালাও অবলা নামে তাঁহার পরি-
বারের মধ্যে থাকিয়া বহুবয়ে পালিতা হইতেছিলেন। আমরা ইহার পরবর্তী সমুদায় ঘটনা মূল গমে এই মাত্র বিবৃত করিয়া আসিলাম।

জগদীশ্বর! ভারতের গৃহে গৃহে হৃদয়ে হৃদয়ে শৈলবালার মতের মত ভক্তি বিশ্বাস এবং নির্ভয় প্রদান কর। চিরজুখী দেশের সকল রত্ন—সকল ধন পরে অপহরণ করে করুক, ভারত যেন নিত্যকাল এই ধর্মধনে ধনী হইয়া থাকে।

বঙ্গমহিলা সমাজের উৎসব।

১০ই মার্চ ব্রাহ্মিকা সমাজের উৎসব ও বঙ্গ-মহিলা সমাজের বার্ষিক অধিবেশন। অদ্য প্রত্যুষে ব্রাহ্মিকা ভগিনীগণ আসিয়া উপস্থিত হইলেন। দিবসের প্রারম্ভে সুন্দর প্রশান্ত সময়ে প্রভাত হৃদয়ের তরল কিরণের অপূর্ণ শোভা, বিহঙ্গের সুস্বাদু কাকলি, গায়িকাগণের সুমধুর গায়ন পবিত্র ধর্মমঙ্গীতসহরী ব্রাহ্মিকা গণের চিত্ত আকর্ষণ করিয়া সেই দেব দেবের উপাসনার জন্য প্রস্তুত করিল; দেখিতে দেখিতে অনেক গুলি আনন্দ পূর্ণ হইয়া গেল; ঈশ্বরের প্রিয় কন্যাগণ (প্রায় দুইশত মহিলা প্রাতে ও অপরাহ্নে উপস্থিত ছিলেন) প্রশান্ত চিত্তে পবিত্র হৃদয়ে বিখ্যাত পূজনীয় দেবতার পূজায় নিবিষ্ট হইলেন। বৎসরান্তে সকল ভগিনী একপ্রাণে মিলিত হইয়া তাঁহার পবিত্র সহবাস হৃদয়ে উপলব্ধি করিতে লাগিলেন; সাংসারিক সমুদয় চিন্তা দূরে রাখিয়া হৃদয় কবাট উন্মুক্ত করিয়া ভক্তিপূর্ণ হৃদয়ে গিতকে ডাকিতে

লাগিলেন। ভক্তিভাজন ত্রীযুক্ত শ্রীযুগোপাধ্যায় শাস্ত্রী মহাশয় আচার্য্যের কার্য্য নিরূপণ করেন; তাঁহার সুন্দর উপদেশে সকলের মন একেবারে আর্দ্র হইয়াছিল। সার্ক দশ ঘটিকার সময় উপাসনা শেষ হয়। উপাসনান্তে বহুদিন পরে ভগিনীগণ একত্র সম্মিলিত হইয়া পরস্পর পরস্পরের সহিত আলাপ করিয়া সুখী হইয়া ছিলেন। উপাসনান্তে প্রীতিভোজন হইয়াছিল; কয়েকজন ভগিনী বিশেষ প্রশ্ন স্বীকার পূর্বক আহ্বারের সমুদয় আয়োজন করিয়াছিলেন।

অপরাহ্ন তিন ঘটিকার সময় বঙ্গ-মহিলা সমাজের বার্ষিক অধিবেশন হয়, ইহাতে মহিলাগণ ভিন্ন কয়েকজন পুরুষও উপস্থিত ছিলেন। প্রথমে একটি সঙ্গীত হইয়া সভার কার্য্য আরম্ভ হয়। কুমারী কাদম্বিনী বসুর সংক্ষিপ্ত প্রার্থনার পর অন্যতর সম্পাদিকা ত্রীযুক্তা গিরিজাকুমারী বন্দ্যোপাধ্যায় বার্ষিক কার্য্য বিবরণ পাঠ করেন;

তৎপরে কুমারী কান্থিনী বহু, বি, এ, ও কুমারী লাবণ্যপ্রভা বহু যথাক্রমে দুইটা প্রবন্ধ পাঠ করেন। তৎপরে একটি সঙ্গীত হইলে সভাপতি শ্রীযুক্তা স্বর্ণপ্রভা বহু শিক্ষাসম্মুখে একটি মৌখিক

বক্তৃতা করেন। নিম্নে বার্ষিক কার্য বিবরণ প্রকটিত হইল, আগামী মাসে পণ্ডিত অন্যান্তর প্রবন্ধ ও সভাপতি মহাশয়ের বক্তৃতার সারাংশ প্রকাশ করিবার মানস রহিল।

বঙ্গমহিলা-সমাজের বার্ষিক কার্য-বিবরণ ।

১০ই মাঘ ১৮০৪ শক ।

দেখিতে দেখিতে এক বৎসর অতীত হইয়া গেল। আবার আমরা ঈশ্বর-কৃপায় সকল ভগিনীতে একত্রিত হইয়া আমন ও উদ্যমের সহিত সাংসারিক উৎসবে যোগদান করিতে আসিয়াছি। আর এক বৎসরকাল আমাদের প্রিয় সভা বাঁহার করুণার ও আশীর্বাদে জীবিত থাকিয়া নূতন বর্ষে পদার্পণ করিল, আজ আমরা সন্মিলনে সেই মঙ্গল বিধাতা ঈশ্বরকে কৃতজ্ঞ অন্তরে স্মরণ করি। আজ আমাদের হৃদয় আনন্দে পূর্ণ। অনন্ত জ্ঞানময় পিতার দর্যতেই আমরা কুসংস্কারাকার পরিত্যাগ করিয়া জ্ঞান লাভ করিতে পারিতেছি। তাহার বিশেষ আশীর্বাদ অন্তরে ধারণ করিয়া গত বর্ষের কার্য বিবরণ সংক্ষেপে বলিতে প্রবৃত্ত হইলাম।

গত ফেব্রুয়ারি মাস হইতে আমাদের সভার কার্য আরম্ভ হইয়াছে। এ সময়ের মধ্যে গ্রীষ্ম ও শারদীয় অবকাশে নয় সপ্তাহ সভার কোন অধিবেশন হয় নাই। বৎসরের আরম্ভে প্রথম কর মাস সভার

অর্থ সম্বলতা, ততদূর না থাকায় তিন বার করিয়া তাহার অধিবেশন হইত, কিন্তু কিছুকাল পরেই আবার পূর্বমত চারিবার করিয়া সভার কার্য চলিতেছে।

একটি দেশের শাসন সম্বন্ধে বিচার করিতে গেলে সাধারণ ধনাগারের আয়-ব্যয়ের সম্বলতার প্রতি দৃষ্টি পড়ে, কারণ সমুদয় রাজনীতিজ ব্যক্তিরাই লামেন, যে রাজ্যের সুব্যবস্থার জন্য ইহা অত্যন্ত আবশ্যিক। সেই প্রকার একটি সভার জীবনেও আয় বিষয়ে সুব্যবস্থা, অনেক পরিমাণে তাহার স্থায়িত্ব, সভ্যদিগের উৎসাহ ও কার্যক্ষেত্রের প্রশস্ততা সম্পর্কে পরিচয় দেয়। বৎসরের আরম্ভে অল্পমাত্র আয় লইয়া আমরা কার্য ক্ষেত্রে প্রবেশ করি। তাহিলে উৎসাহিত হইতে হয় যে এ সময়ের মধ্যে আমাদের নিকট নগদ ১১২ টাকা এবং পুস্তক হিসাবে ২৫০০ স্থিত হইয়াছে। পূর্ববর্তী বৎসরের মজুত ১৪০ ও পুরস্কারের জন্য ২০ টাকা সমেত আমাদের আয় এবংসরে ৩৪১৮/৩ হইয়াছে। যে সকল

স্বদেশীরা ও বিদেশীরা মহিলা সভার কার্যে নির্বাহ জন্য অর্থ সাহায্য দ্বারা আমাদের সহায়তা করিয়াছেন, তাঁহাদিগকে আমরা স্বদয়ের সহিত ধন্যবাদ প্রদান করি।

নারী জীবনের উদ্দেশ্য বিষয়ে একটা উৎকৃষ্ট প্রবন্ধ লেখাতে কুমারী লাবণ্য-প্রভা বসুকে এবং সন ২০ টাকা পারিতোষিক প্রদান করা গিয়াছে। এখন হইতে স্থির হইয়াছে যে রচনা পরিতোষিকের পরিবর্তে, এই টাকা দ্বারা সভ্যদের মধ্যে পরীক্ষা গ্রহণানন্তর, তাঁহাদিগকে পুরস্কার প্রদত্ত হইবে।

গত এপ্রিল মাস হইতে একটা বালিকাকে বিদ্যালয়ে পড়িবার ব্যয় দেওয়া হইতেছে, শীঘ্রই অন্য একটা ছাত্রীকে এ প্রকার সাহায্য প্রদান করা হইবে স্থির হইয়াছে। সভা আশা করেন যে অধিকতর আর হইলে এ বিভাগের কার্য ক্রমে ক্রমে বিস্তৃত করিবেন। এমন কি যদি সুব্যবস্থা অনুসারে জ্ঞান শিক্ষার্থে একটা বালিক-বিদ্যালয় খোলা হয়, তাহা হইলে সভা সাধারণসারে তাহার সাহায্য করিতে পরাজুখ হইবেন না।

সাধারণতঃ সভার কার্য নিম্নলিখিত রূপে নির্বাহিত হইয়া থাকে। প্রথম সপ্তাহে উপাসনা, দ্বিতীয় সপ্তাহে প্রবন্ধ পাঠ ও তদ্বিষয়ে মতামত প্রকাশ, তৃতীয় সপ্তাহে সংক্ষিপ্ত উপাসনা ও তৎপরে ধর্ম বিষয়ক গ্রন্থ পাঠ বা আলোচনা। শেষ বা চতুর্থ শনিবারে জ্ঞানগর্ভ

বক্তৃতা। একতরফ প্রাতি তিন মাস পরে সভ্য ও তাঁহাদিগের আত্মীয়দিগকে লইয়া সামাজিক-সম্মিলনী সভা হইয়া থাকে।

মাসে যে ছুইবার করিয়া উপাসনার কথা উল্লিখিত হইল, তন্মধ্যে অন্ততঃ একবার, এবং আবশ্যক হইলে ছুইবার, মহিলারা কার্যে নির্বাহ করিয়া থাকেন। সময়ে ইচ্ছাধারা সভ্যদিগের মধ্যে ধর্ম-ভাবের উদ্বোধন, মতের প্রীতি ও ঈশ্বর-নিষ্ঠার উদ্রেক হইবে, তাহার আর কোন সন্দেহ নাই। কি উপায়ে যে ঈশ্বর আমাদের হৃদয় গ্রহণ করিয়া আমাদের দিগকে তাহার সেবিকা হইবার উপযুক্ত করেন, তাহা আমরা জানি না আমাদের মধ্যে হয়ত এ প্রকার সভা সকল প্রস্তুত হইতেছেন, যাঁহারা ঈশ্বরের প্রিয় কার্য সাধনকেই জীবনের মুখ্য উদ্দেশ্য করিয়া লইবেন।

আলোচনা সভায় যে যে রচনা পাঠিত হইয়াছে, তন্মধ্যে নারীজীবনের উদ্দেশ্য, কার্যোপেই নবত্ব, ও একতা, এই কয়টি বিষয় উল্লেখ করা যাইতে পারে। জ্ঞান-শিক্ষা বিভাগে তাপ, সরাস্থপ আদি প্রাণীর বৃত্তান্ত, শিক্ষার স্কুল, প্রাচীন ও আধুনিক মিসরদেশ, বর্তমান সময়ে আমাদের কি কর্তব্য, ও ভ্রমশক্তি প্রভৃতি বিষয়ে উপদেশ প্রদত্ত হয়। এ সকল উপদেশের সঙ্গে দেশীয় ও বিদেশীয় নানা জাতির মধ্যে সময়ে সময়ে জ্ঞান, নীতি, ধর্ম ও সাধারণ হিতকর কার্য

বিষয়ে যে যে ঘটনা হইয়া থাকে, তাহার উল্লেখ করা হয়। বাঁহাদের সময় অল্প বা সংবাদ কাগজাদি পড়িবার সুবিধা নাই, তাঁহারা এ সকল সম্বাদ শ্রবণে অনেক উপকার লাভ করিতে পারেন। বিজ্ঞান ও দেশাবিকার সম্বন্ধে কোন নূতন ঘটনার উল্লেখ বা দেশীয় রাজ-নৈতিক সংবাদও কখন কখন জ্ঞাপন করা হইয়া থাকে। এই বৃহৎ পৃথিবীর নানা স্থানে পাপ, অজ্ঞানতা, রোগ, দরিদ্রতা দূর করিবার জন্য যে সকল উপায় উদ্ভাবিত হইয়া থাকে, সে সকল বিষয় বিশেষরূপে বিবৃত করা হয়। স্বার্থ দূর করিয়া বাহাতে পরের কার্যে জীবন উৎসর্গিত হয়, সে ভাবটা এই সকল সম্বাদ শ্রবণে ও আলোচনায় জাগ্রিত হইতে পারে। এবংগরের প্রারম্ভে সভ্যদের পাঠের সুবিধার জন্য একটি পুস্তকালয় স্থাপিত হইয়াছে। ইহাতে পাতনামা দেশীয় অনেক প্রকার তাঁহাদের পুস্তক প্রদান করিয়া বন্যাবাদ হইয়াছেন। এ উপলক্ষে লণ্ডনস্থ কুমারী ম্যানিংকে তাঁহার প্রদত্ত গ্রন্থ ও সহায়ত্বের জন্য সভা বিশেষ কৃতজ্ঞতা জানাইতেছেন। সভার কার্যালয় ব্রাহ্ম পরিষে আনিবার কথা হইতেছে, ইহাতে অনেকের অনায়াসে পুস্তকালয় হইতে গ্রন্থ পাঠের উপকার লাভ করিতে পারিবেন।

ইংরাজী ১৮৭৯ অক্টোবর ১লা আগষ্ট তারিখে এই সভা সংস্থাপিত হয়,

তজ্জন্য জন্ম দিবস উপলক্ষে একটি উৎসব হইয়া থাকে। গত উৎসব সমারোহের সহিত সুস্থান হইয়াছিল। তাহাতে বাগ্মনিক কার্য বিবরণ পাঠ, আবৃত্তি, রচনা পাঠ ও অবশেষে রাসায়নিক ক্রিয়া প্রদর্শিত হয়।

এবংগর, সামাজিক সম্মিলনী সভার অবিবেশন তিনবার হইয়াছে। এ সকল সমিতিতে সকলে সমবেত হইয়া আলাপ পরিচয়াদি, সঙ্গীত শ্রবণ, নানা স্থানের দৃশ্য ও সাময়িক সচিত্র পত্রিকা দর্শন প্রভৃতিতে সুখে সময় কাটাইয়া থাকেন।

সংক্ষেপে বিশেষ বিশেষ কার্যের বিবরণ উল্লিখিত হইল। আমাদের চেষ্টা অতি দুর্বল। ঈশ্বর মহান ও মঙ্গলময়, সকল প্রকার সংকারণের সহায়। আমাদের নিজের অভাব শ্রবণ করিয়া তাঁহার আশ্রয় গ্রহণ করি-
য়াছি। তাঁহার কৃপায়, পৃথিবীর নানা স্থানে, অমঙ্গল ও অজ্ঞানতার মধ্যে জ্ঞান ও মঙ্গল ভাব বর্দ্ধিত হইতেছে। আমা-
দের কার্য অতি মৃৎ। আমাদের আত্মাকে অজ্ঞানতা ও কুসংস্কার হইতে উদ্ধার করিতে হইলে কত প্রয়াস উদ্যম, ও তাগ স্বীকার প্রয়োজন। আমরা উন্নতির আভাস দেখিয়া আশ্বাসিত হইতেছি। যদিও আমাদের অনেক অভাব রহিয়াছে, তথাপি তাঁহার বলে, অবশেষে নিশ্চয়ই আমরা উন্নতির পর উন্নতিতে উত্থান করিতে পারিব, তাহার আর সন্দেহ নাই! আরম্ভে

মৌহার নাম লইয়াছি, উপসংহারে সেই
অসহায়ের সহায় শুভ কাণ্ডের ফল দাতা
অখিল বিবাতার নাম স্মরণ করিয়া কার্য্য

বিবরণ পাঠ শেষ করিতেছি । দয়াময়
ঈশ্বর আমাদের সমস্ত মঙ্গল বিধান
করুন ।

নূতন সংবাদ ।

১। লণ্ডন বিশ্ববিদ্যালয়ের গত
বার্ষিক পরীক্ষার রমণীগণের কৃতকার্য্য-
তার বিষয় আমরা উল্লেখ করিয়াছি । এ
বৎসরও ইহা যার পর নাই সমস্তোৎকর্ষ হই-
য়াছে । বি. এ. উপাধির পরীক্ষার পর যে
“Honor” পরীক্ষা হয়, এ বৎসর তাহাতে
সর্ব্বশুদ্ধ ৪৮ জন উত্তীর্ণ হইয়াছেন,
তন্মধ্যে ১৪টী স্ত্রীলোক । গণিতে প্রথম
বিভাগে ২জন মাত্র উত্তীর্ণ হন, তন্মধ্যে
একটী রমণী । মনোবিজ্ঞান ও ধর্ম্মনীতিতে
৫ জন উত্তীর্ণ হন, তন্মধ্যে ৪টী রমণী ।
গ্রীক ও ল্যাটিনে উত্তীর্ণ ১১ জনের মধ্যে
২ জন, ফরাসিতে ৭ জনের মধ্যে ৩ জন,
জর্মন ভাষায় ৮ জনের মধ্যে ৫ জন
স্ত্রীলোক । আমরা এ বৎসর বঙ্গ
রমণীদিগকে বি. এ. পরীক্ষোত্তীর্ণ দেখি-
লাম, আগামী বর্ষে “অনর” পরীক্ষার
কৃতকার্য্য দেখিবার আশা করিতে
পারি ।

২। মাজাজ প্রেসিডেন্সীর রাজ-
মন্ত্রীতে সম্প্রতি দুইটা বিধবাবিবাহ
হইয়া গিয়াছে । একটাতে বর কন্যা

উভয়েই ব্রাহ্মণজাতীয়, আর একটাতে
সম্ভ্রান্ত নিরোগী বংশীয় । রাজমন্ত্রীতে
সর্ব্বশুদ্ধ ৫টী বিধবা বিবাহ সম্পন্ন হইল ।

৩। আমরা কয়েকবার বরিশালের
শ্রীযুক্ত মনোরমা মজুমদারের ধর্ম্মোপ-
দেশ দান ও বাগ্মিতা শক্তির উল্লেখ
করিয়াছি । এ বৎসর মাঘোৎসবের সময়েও
বরিশাল ব্রাহ্মসমাজে সমবেত পুরুষ
মণ্ডলীর মধ্যে দেবী গ্রহণ করিয়া তিনি
অতি প্রশংসিতরূপে আচার্য্যের কার্য্য
নির্ব্বাহ করিয়াছেন ।

৪। ফ্রান্সে রাজ্য-সংক্রান্ত গোলযোগ
পুনরায় বাধিয়াছে । নেপোলিয়ন
বেনাপার্টির অন্যতর জ্যৈষ্ঠপুত্র রিক্টর
নেপোলিয়ন আগুনাকে সাম্রাজ্যের
প্রকৃত উত্তরাধিকারী বলিয়া ঘোষণা
করিয়াছেন, অন্যদিকে সাধারণতন্ত্রের
ঐহাকে বিদ্রোহী বলিয়া ধৃত করিয়া
বিচারাদীন করিয়াছেন । ফরাসীদিগের
মধ্যে বোরতর দলাদলি উপস্থিত
হইয়াছে । ইহার পরিণাম কি হয়,
চিস্তার বিষয় ।

পুস্তকাদি সমালোচনা ।

১। প্রাণিব্যবহার—শ্রীকুড়চন্দ্র বিশ্বাস প্রণীত, মূল্য ১/০ আনা। গৃহপালিত পশু-দিগের বিবরণ এবং তাহাদিগের প্রতি সদ্যবহার শিক্ষা করা বালক বালিকা-দিগের গক্ষে বিশেষ কর্তব্য। এই বিষয় শিক্ষা দিবার নিমিত্ত সরল ভাষায় এই পুস্তক খানি লিখিত হইয়াছে এবং ইহাতে সুন্দর সুন্দর ছবিও আছে। ইহা বিদ্যালয়ের পাঠ্য হইবার যোগ্য।

২। কুসুমহার—ধর্মবন্ধু পত্র হইতে ধর্মভাবোদ্দীপক সুন্দর সুন্দর বচন সকল সংগ্রহ করিয়া পুস্তকাকারে প্রকাশিত হইয়াছে, মূল্য ১/০ আনা। ইহা দ্বারা ধর্মচিন্তা ও ধর্মসাধনের সহায়তা হইতে পারে।

৩। আর্ধ্যকীর্তি, শ্রীরত্ননীকান্ত গুপ্ত প্রণীত—মূল্য ১/০ আনা। ইহাতে কয়েকটি রাজপুত্র বীরপুরুষ ও রমণীর ইতিবৃত্ত বর্ণিত আছে। বর্ণনা উদ্দীপনাপূর্ণ ও কদম্ব হইয়াছে।

৪। বুদ্ধদেবচরিত ও বৌদ্ধ ধর্মের সংক্ষেপ বিবরণ, শ্রীকৃষ্ণকুমার মিত্র প্রণীত, মূল্য ১/২ টাকা। এই পুস্তক খানি নীতি ও ধর্মভাবপূর্ণ এবং অতি পাণ্ডিত্য সহ-কারে বিরচিত হইয়াছে। বঙ্গভাষায় বুদ্ধদেবের একটি উৎকৃষ্ট জীবনী যে অভাব ছিল, ইহা দ্বারা তাহা পূর্ণ হইয়াছে।

একপ পুস্তক বিদ্যালয়ের উচ্চশ্রেণীর পাঠ্য হওয়া উচিত। অন্তঃপুরকাগণও এতৎ পাঠে উপকৃত হইবেন, ইহাতে কয়েকটি সুন্দর শ্রীচরিত্র চিত্রিত হইয়াছে।

৫। মার্টিন লুথারের জীবনচরিত—শ্রীকেদার নাথ মুখোপাধ্যায় কর্তৃক প্রকাশিত, মূল্য ১/০ আনা। লুথারের জীবন ক্রিয়াকলাপ জলন্ত ধর্মোৎসাহে পূর্ণ ছিল এবং ক্রিয়াকলাপ যত্ন ও ক্লেশ স্বীকার পূর্বক তিনি কুসংস্কার ও অসত্যের সহিত ঘোরতর সংগ্রাম করিয়া সত্যের জয় ঘোষণা করেন, ইহা দ্বারা তাহার পরিচয় পাওয়া যায়।

৬। বেদবতী (চম্পু নাট্য)—শ্রীহরিশচন্দ্র হালদার প্রণীত, মূল্য ১/০ আনা। গ্রন্থ-কার একজন সুলেখক এবং তাহার লেখায় কবিত্ব-শক্তিরও পরিচয় পাওয়া যায়। বেদবতী একটি আদর্শ পতি-প্রাণা রমণী; স্বামীর জন্য এককালে আত্ম-বিশ্মৃতি ও আত্মবিসর্জন বাহ্যকে বলে, ইহার জীবনে তাহা সম্পূর্ণরূপে লক্ষিত হয়। একপ পাতিব্রত্যে অবশ্য ভ্রম ও কুসংস্কার আছে, কিন্তু ইহাতে নারী-জীবনের নিঃস্বার্থতার পরাকাষ্ঠা প্রদর্শিত হইয়াছে।

৭। বোঁঠাকুরাণী—আগামী বারে সমালোচ্য।

বামাবোধিনী পত্রিকা।

THE
BAMABODHINI PATRIKA.

“কন্যাধিবঁ দান্ননীয়া যিচ্ছণীয়াতিযল্লতঃ।”

কন্যাকে পালন করিবেক ও যত্নের সহিত শিক্ষা দিবেক।

২১৮
সংখ্যা।

ফাল্গুন ১২৮৯—মার্চ ১৮৮৩।

২য় কল্প
৪র্থ ভাগ

সাময়িক প্রসঙ্গ।

এ বৎসর বিশ্ববিদ্যালয়ের ভিন্ন ভিন্ন
পরীক্ষার ফল এইরূপ হইরাছে—

প্রবেশিকা পরীক্ষায় ১৪৫৮, ফার্স্ট আর্টস্
৪৫৩, বি.এ. ১১৭ এবং বি.এল্. ৯৬ জন
শাস্ত্র।

এবার প্রবেশিকায় ৫টী এবং বি.এ.
পরীক্ষায় ২ টী রমণী উত্তীর্ণ হইয়াছেন।
তৎপরে বিষয় ফার্স্ট আর্টে কাহারও নাম
দৃষ্ট হইল না।

দাক্ষিণাত্যে রাজমন্ত্রী উপর শনির
দৃষ্টি পড়িয়াছে। মহীশূরের রাজমন্ত্রী
রাজা চালু এক জন বিশেষ উপযুক্ত
লোক ছিলেন, কিছু দিন হইল মৃত্যু-
গ্রাসে পতিত হইয়াছেন। হাইদ্রাবাদের
নিজামের প্রধান মন্ত্রী সার সালার জঙ্গ,

যিনি ভারতবর্ষের মধ্যে অদ্বিতীয় রাজ-
নীতিজ্ঞ বলিয়া প্রসিদ্ধ এবং ২৫ বৎসর
কাল উক্ত রাজ্যের ত্রীভুজি শাসন করিয়া
আগিতেছিলেন, গত ৮ই ফেব্রুয়ারি
তাহারও মৃত্যু হইয়াছে। বরদার সুবি-
খ্যাত দেওয়ান সার টি মাদনবাবও এ সময়
তাঁহার পদ পরিত্যাগ করিয়াছেন।

যে রাজপুতেরা এক সময় কন্যা
সন্তানকে বধ করিয়া আপনাদিগকে
দায়মুক্ত বিবেচনা করিতেন, এক্ষণে
কন্যাসন্তানদিগের শিক্ষার উন্নতির জন্য
তাহারা বিশেষ ব্যত্ ও অচ্যুত প্রদর্শন
করিতেছেন, এ সংবাদে কে না আন-
ন্দিত হইবেন? রাজপুতানার অন্তঃপাতী
আলবার রাজ্যে বালকদিগের জন্য

যেমন ১৮টি বিদ্যালয়, তেমনি বালিকা নিগের জন্য ১৪ টি বিদ্যালয় প্রতিষ্ঠিত হইয়াছে। বালক ও বালিকাদিগের শিক্ষার প্রতি এরূপ তুল্য যত ভারত-বর্ষের আর কুত্রাপি দৃষ্ট হয় না।

এ বৎসরের মত শীত অনেক কাল হয় নাই। সিমলা ও দার্জিলিঙে না কি ৪৫ ফিট পুরু বরফ জমিয়াছে, এবং কয়েকটি শোকের মৃত্যু হইয়াছে।

আমরা সোমপ্রকাশ পাঠে একটি আনন্দকর সংবাদ অবগত হইলাম, গত মাসে বোম্বাইয়ের সর্ব্ব স্বত্ব ৪০০ বিধবা-বিবাহ হিন্দুমতে সম্পন্ন হইয়াছে। ইহা কি সত্য না জনরব?

ভারতেশ্বরী একটি সফল করিয়াছেন চিকিৎসাবিদ্যা পারদর্শিনী কতকগুলি মহিলাকে ভারতবর্ষে নিযুক্ত করিবেন এবং তাঁহাদিগের সাহায্যার্থ একটি বিশেষ ফণ্ড থাকিবে। পানার মহারানীর আবেদন এতদিন পরে সফল হইতে চলিল।

মান্যবর উইলসন নাহেব কলিকাতা বিশ্ববিদ্যালয়ের সহকারী সভাপতির পদ পরিভ্রাণ কৰাতে মান্যবর এচজে রেণল্ড তাঁহার পদে নিযুক্ত হইয়াছেন।

মাক্সাজের ইউরেশীয় ও আংলো ইণ্ডিয়ান সভা তাঁহাদিগের আকিসের

মুদ্রাকার্য্য নির্বাহার্থ কতক গুলি ফিরিস্তী মহিলাকে প্রিন্টারী কার্য্য শিখাইভেছেন, বহুদেশে এ প্রকার চেষ্টা করা অসাময়িক নহে।

জয়পুর রাজ্যের অন্তর্গত উজ্জরা নামক গ্রামের ঠাকুর শ্যাম সিংহের পত্নী সহ-মৃত্যু হইয়াছেন। জয়পুরের রাজসভা এই সহমরণের প্রধান সহকারীদিগকে ৭ বৎসর করিয়া মেয়াদ দিয়াছেন।

দ্রিতব্যয়িতাধারা কত সামান্য বস্তু হইতে প্রচুর লাভ হইয়া থাকে। জন্ম-নির কোন কোন প্রকাশ্য রাতার মোড়ে বাক্স থাকে, তাহাতে পথিক লোক চুরাট খাইয়া তাহার গোড়া গুলি ফেলিয়া দেন। এই গুলি এক বৎসর জমাইয়া বিক্রয় করিয়া ১২ হাজার টাকা লাভ হইয়াছে এবং তদ্বারা অনাপ বালকবালিকাদিগের বস্ত্র কিনিয়া দেওয়া হইয়াছে।

ঢাকার বাবু নিশিকান্ত চট্টোপাধ্যায় জন্মনির বিশ্ববিদ্যালয়ে দর্শনশাস্ত্র পরীক্ষা দিয়া প্রথম শ্রেণীতে উত্তীর্ণ হইয়াছেন এবং ডাক্তার উপাধি পাইয়াছেন। ইনি কিছুকাল সেন্টশিটার্স বিশ্ব-বিদ্যালয়ে পূর্বদেশীয় ভাষার অধ্যাপকতা কার্য্য নির্বাহ করেন এবং ইংরাজী ও জন্মণ ভাষায় অনেকগুলি বস্তুতা ও প্রস্তাব প্রচার করিয়া ইউরোপে বিশেষ খ্যাতি লাভ করিয়াছেন। ইনি ৮।১

বৎসর পরে প্রচুর বিদ্যা ও খ্যাতি লাভ করিয়া ভারতে প্রত্যাগত হইয়াছেন, এ সংবাদে সকলেই আনন্দিত হইবেন মনেহ নাই ।

ট্রাবানকোরের মহারাজা সম্প্রতি মাদ্রাজে গমন করেন । তাঁহার জ্যেষ্ঠা এবং কনিষ্ঠা মহিষী তাঁহার সমভিব্যাহারে যান, তাঁহারা উভয়েই ইংরাজীতে কথোপকথনে বিশেষ পটু । ইহারা সন্মত নিদ্রিষ্ট করিয়া রাখিয়াছিলেন, সেই সময়ে ইউরোপীয় মহিলাগণ ইহাদিগের সহিত সাক্ষাৎ করিয়া শ্রীত হইয়াছেন ।

ইংলণ্ডে গত বৎসরে একটি আইন হইয়াছে তদ্বারা স্ত্রীলোকগণ টাউন

কৌন্সিল অর্থাৎ নাগরিক সভার সভ্য হইবার অধিকারিণী হইয়াছেন ।

আয়স্বরের কুমারী বাকটীর ডাণ্ডি নগরে একটি কলেজের সাহায্যার্থ লক্ষ টাকা দান করিয়াছেন । কিছু দিন পূর্বে তিনি এবং তাঁহার এক মহোদর এই কলেজ সংস্থাপনার্থ ১৫ লক্ষ টাকা দান করেন ।

আমাদিগের ভারতেশ্বরী মহারানীর নাতি নাতিনীর সংখ্যা ইতি পূর্বেই পঞ্চবিংশতির অধিক হইয়াছিল, সম্প্রতি রাজকুমার কনটের ডিউকের একটি পুত্র সন্তান হইয়া এই সংখ্যা বৃদ্ধি হইল । মহারানী ইতিমধ্যে প্রমাতামহীও হইয়াছেন । তিনি এই বহু গোষ্ঠীর সহিত দৈনন্দিন রূপার চিরজীবিনী হউন ।

স্ত্রীজাতির সদগুণ বিষয়ে কথোপকথন ।

প্রমদা । দিদি ! অনেকদিন পরে আজি তোমার নিকট আসিতে পারিলাম । তোমাকে দেখে আমার প্রাণ নীতল হল ।

নির্মলগা । প্রমদা ! ভগবান্ তোমাকে কুশলে রাখুন, তুমি বিদেশে গেলে আমি বড় কষ্টে ছিলাম । অনেকদিন পরে মিষ্ট কথা শুনে সুখী হলাম ।

প্র । দিদি ! তুমি আমাকে ভাল বাস, তাই আমার কথা মিষ্ট লাগে । তোমার হাতে ও হানি কি পুস্তক ?

নি । এখানির নাম লক্ষীচরিত, পদ্মপুরাণ ইত্যে অম্ববাদ করিয়া লিখিত আছে । স্থানে স্থানে মহাভারতেরও অম্ববাদ আছে ।

প্র । কি লেখা আছে ?

নি । বিষ্ণু লক্ষীকে জিজ্ঞাসা করিতেছেন যে, হে লক্ষ্মি ! তুমি কোথায় বাস কর এবং কাহাকে ভালবাস ? লক্ষী তাহার উত্তর করিতেছেন ।

প্র । দিদি ! লক্ষ্মীত বিষ্ণুর স্ত্রী ?

নি । তাহাও কি জান না ? একথা

শুনিলে লোকে নিন্দা করিবে। বলিবে হিন্দুর মেয়ে লক্ষ্মীনারায়ণের কথা জানে না।

প্র। আমি জানি, তবে কিনা, শুনেছি শাস্ত্রে আছে যিনি জগতের সৃষ্টিকর্তা ভগবান, তিনি নিরাকার, তিনিই এক মাত্র আর দ্বিতীয় ঈশ্বর কেহ নাই। তবে তাঁহার স্ত্রী কিরূপে হইল ?

নি। ভগবান নিরাকার, সত্য কথা এবং তিনি একমাত্র। তাঁহার আদি নাই অন্ত নাই, জন্ম নাই মৃত্যু নাই। তিনি অসীম অনন্ত সর্বব্যাপী সর্বসাক্ষী। তাঁহার পিতা মাতা নাই, স্ত্রী পুত্র নাই, সমস্ত জীবজন্তুই তাঁহার পুত্র কন্যা। অল্প লোকে নিরাকার ঈশ্বরকে বুঝিতে পারিবেন এই জন্য পণ্ডিতেরা ঈশ্বরের রূপ করণা করিয়া বর্ণনা করিয়াছেন। ঈশ্বর সর্বব্যাপী, তাঁহাকে বিষ্ণু বলিয়াছেন। ঈশ্বর চতুর্দিকে আছেন, এজন্য বিষ্ণুর চারি হস্ত। রস, জ্যোতিঃ, শক্তি ও শোভাকে লক্ষ চতুর্দশ গুণ পঞ্চরূপে বর্ণনা করিয়াছেন। পণ্ডিতেরা ঈশ্বরকে পুরুষপ্রকৃতিরূপে করণা করেন। ঈশ্বর যখন স্থিরভাবে থাকেন, তখন তিনি পুরুষ, তাঁহা হইতে যখন জগতের উৎপত্তি হয়, তখন তিনি প্রকৃতি। এই পুরুষ স্বামী, প্রকৃতি স্ত্রী। যাহারা শাক্ত, তাহারা পুরুষকে শিব বলেন, প্রকৃতিকে ভগবতী দুর্গা বলেন। যাহারা বৈষ্ণব তাহারা পুরুষকে বিষ্ণু অথবা কৃষ্ণ বলেন, প্রকৃতিকে লক্ষ্মী

অথবা রাধা বলেন। এ সকল কেবল কবির করণা। ঈশ্বর স্ত্রীও নহেন, পুরুষও নহেন। তিনি সচ্চিদানন্দ স্বরূপ। বিষ্ণু ও লক্ষ্মীর নাম করিয়া কোন পণ্ডিত লিখিয়াছেন। যাহা হউক লক্ষ্মীচরিতে অনেক উপদেশ পাওয়া যায়।

প্র। পড় না দিদি! অত বিচার আচারে আমার প্রয়োজন নাই, যাহাতে উপদেশ পাই সেই ভাল। পড় দিদি! পড়।

নি। প্রথম একটু মন দিয়া শুন, উপদেশ গুলি খুব ভাল।

সুমেধ পরেতে লক্ষ্মীনারায়ণ বাস করিতেছিলেন। এক দিন বিষ্ণু লক্ষ্মীকে জিজ্ঞাসা করিলেন। হে কন্যাণি, শোভনে লক্ষ্মি! তুমি কোন কোন কার্য দ্বারা মনুষ্যাগৃহে নিশ্চল হও, এবং কাহাকে এহ কর, তাহা আমার নিকট প্রকাশ করিয়া আমাকে সুখী কর।

লক্ষ্মী বলিলেন প্রভো! আপনি সর্বজ্ঞ সকলই জানেন, তথাপি দাসীর মান বাড়াইবার জন্য দাসীকে প্রশ্ন করিতেছেন। আমি আপনাকে কর-ঘোড়ে প্রণিপাত পূর্বক নিবেদন করিতেছি শ্রবণ করুন।

যে ব্যক্তি বিভাগ করিয়া ভোজন করে, দোভী ঔদরিকের ন্যায় একাকী ভোজন করেনা, প্রিয় বাক্য দ্বারা সর্বদা মনুষ্যকে সুখী করে, বুদ্ধ দেখিয়া সম্মান করে, অন্ন বাক্য

ব্যবহার করে, দীর্ঘকালী নহে অর্থাৎ কর্তব্য কার্যে অলস্য করে না, এক্রপ মনুষ্যে আমি বাস করি ।

যে ব্যক্তি ধর্মশীল, জিতেন্দ্রিয়, বিদ্বান্ হইয়াও বিনীত, পরপীড়ার বিরত, অহংকারহীন, লোকাভ্যাগী এক্রপ মনুষ্যে আমি সর্বদা বাস করি ।

দান, নতাপ্রিয়তা পবিত্রতা এই তিনটি মহাশুণ বাহার বর্তমান, সে আমার অতীব প্রিয় ।

সমস্ত গুণের মধ্যে দান অর্থাৎ দয়াই শ্রেষ্ঠ । সেই দান দেশকাল পাতি বিবেচনা পূর্বক হইলে অধিক উপকারী হয় । যে দেশে যে সময়ে যে ব্যক্তির ধর্মার্থ অভাব উপস্থিত, তাহা-কেই দান করিবে ।

যে নারী গুরুজনকে ভক্তি করেন, পতিবাক্য সমাদর পূর্বক প্রতিপালন করেন, পতির ভোজনের অবশেষে ভোজন করেন, সেই নারীতে আমি বাস করি ।

যে নারী সর্বদা সজ্জা, বীর, প্রিয়-বাদিনী এবং পরিষ্কার, আমি তাহাতে বাস করি ।

যে স্ত্রীলোক ধলস্রাব, পাপ কার্যে রত, স্বয়ং কর্তা হইয়া পতিকে পরাজব করে, সর্বদা ক্রোধযুক্ত, কুচরিত্রা সেই প্রেতমুখী স্ত্রীকে আমি পরিত্যাগ করি ।

যে ব্যক্তি আমাকে লাভ করিতে আশা করে, সে ব্যক্তি পরধন ও পর স্ত্রীর প্রতি দৃষ্টিপাত করিবে না । হিংসা

করিবে না, স্বর্বাদয়ের পূর্বে গাত্রোপান করিবে, নখ, কণ্টক, বস্ত্র, মুক্তিকা, জল, অঙ্গার এই সমস্ত জব্য দ্বারা ভূমিতে ব্রথা লিখিবে না ।

যে ব্যক্তি মালা গাথিয়া চন্দন বসিয়া স্বয়ং ব্যবহার করে, নাপিতের গৃহে গিয়া ক্ষৌর হয়, সে ব্যক্তি ইন্দ্রতুলা হইলেও লক্ষ্মীছাড়া হয় ।

যে ব্যক্তি পদদ্বয়ের নর্জন করে, স্ত্রীলোকের প্রতি ক্রোধ করে, ভোজ-নের পর দস্তধাবন করে, সে ব্যক্তি আমার প্রিয় নহে ।

ভিজা পায় শয়ন, দিবাতে স্নান-বাসের ছোট বস্ত্র পরিধান, পাদপ্রক্ষালন না করিয়া ভোজন করা এসমস্ত কু-ব্যবহার পরিত্যাগ করিবে । শরীর ও বস্ত্র মলিন রাখিবে না ।

জাগ্রতের, গাধার পদ ধুলা, ঘাঁটার ধুলা, স্ত্রীলোকের পদধুলা ইত্যেকের লক্ষ্মী-হীন করে ।

যে ব্যক্তি মলিন বস্ত্র পরিধান করে, দস্তধাবন করে না, অনেক ভোজন করে, সকলকে কঠোর বাক্য কহে, স্বর্ঘ্যের উদয় ও অস্ত সময়ে শয়ন করে, — সে ব্যক্তি বিষ্ণুতুলা হইলেও লক্ষ্মীছাড়া হয় ।

সর্বদা হস্তে ভূণ ভাঙ্গা, ভূমিতে নথের আঁচড় দেওয়া, পাদদ্বয় অপবিত্র রাখা, দন্তে মল্য রাখা, মলিন বস্ত্র পরিধান, কেশ পরিচ্ছন্ন না রাখা, প্রাতঃকালে ও সন্ধ্যা-কালে নিদ্রা যাওয়া, বিবস্ত্র হইয়া শয়ন, ঘাস ও হাস্য অত্যন্ত বড় করা, আপন

শরীরে ও আসনে বাদ্য করা—এই সকল কুব্যবহারে ধনপতি ও লক্ষ্মীপতিও লক্ষ্য-
ছাড়া হন।

যে স্ত্রী গৃহকর্মে আলস্য করে, সর্বদা পতির মনে কষ্ট দেয় ও পতিবাক্য লঙ্ঘন করে, আপন গৃহ ছাড়িয়া সর্বদা পরের গৃহে বাস করে, এবং লজ্জাহীনা, একরূপ ত্রীলোককে আমি পরিত্যাগ করি। যে নারী চঞ্চলা, বাভিচারিণী, ধৈর্যহীনা, কলহপ্রিয়, সর্বদা শয়ানা ও নিদ্রাশীলা একরূপ ত্রীলোককে আমি পরিত্যাগ করি।

যে নারী সর্বদা সত্য বাক্য কহে, শরীর ও বস্ত্র পরিষ্কার রাখে, পতিব্রতা এবং কল্যাণশীলা, একরূপ শোভন সৌভাগ্যযুক্ত। নারীতে আমি সর্বদাই বাস করি।*

এইরূপ উপদেশে পুস্তকখানি পরিপূর্ণ। ব্রতউপলক্ষে এই সকল উপদেশ শুনিবার বিধি আছে।

প্রমদা। দিদি। ব্রত কথাটি আমার কৰ্ণে যেন নূতন বোধ হইতেছে, কত কাল হইতে ‘ব্রত’ এ কথা যেন উষ্ণিয়া গিয়াছে।

নির্মলা। জীলোকদিগকে ধর্মশিক্ষা দিবার জন্য ব্রত। এক একটী ব্রতের সঙ্গে সঙ্গে গ্রন্থ প্রবণের বিধি আছে। তাহাতে অনেক উপদেশ পাওয়া যায়।

প্রমদা। একটী কথা মনে হইয়া

হাসি আসিতেছে। শুনেছি কোন গ্রামে একটা পুরোহিত ছিলেন, তিনি আপন শ্রার্থসিদ্ধির জন্য মনগড়া কথা শুনাইতেন। পুঁথি পড়িতেছেন, গা দোলাইতেছেন আর বলিতেছেন। লোকে মনে করিত বুধি পুঁথিতেই লেখা আছে। একদিন একটা বিধবা অনন্ত ব্রত করিয়াছে, তাহাতে পড়িতেছেন, “শুশ্রূষস্তাপি সোত্তরীয়াণি মল-
মশানি পুরোহিতার তুভ্যং মস্ত্রদদে।” মলমলের ধুতিচাদর পুরোহিত মশায় আপনাকে প্রদান করি। বিধবা বলিলেন, পুরোহিত ঠাকুর। এ আপনার মন-
গড়া মন্ত্র, আপনার পিতা ঠাকুরকথনও এ মন্ত্র পড়েন নাই। পুরোহিত ক্রোধ-
ভরে বলিলেন, আচ্ছা তবে বল দেখি রাম শব্দের টাতে কি পদ হয়? বিধবার চক্ষু হির, বলিল পুরোহিত ঠাকুর তোমার টা মা আমি বুঝি না। পূর্বকালে মলমল টলমল ছিল না, তুমি মনে মলমল পাইলে কোথা? পুরোহিত ক্রোধে লজ্জার মিশ্রিত হইয়া পাঁজি পুঁথি বগলে করিয়া বলিল, “তবে তুমি নারী শাস্ত্রের টোল কর। শর্ম্মার প্রস্থান।” সেই তইতে সেই গ্রামের লোক আর ব্রত করায় না। আহা! ব্রত কথার এমন শূন্যর শূন্যর উপদেশ তাহা পূর্বে জানিতাম না।

নির্মলা। পুরোহিতদিগের দোষে অনেক অনিষ্ট হইয়াছে। তাহার কেবল অর্থলোভের জন্যই ব্যস্ত। তাহাতে শাস্ত্রের উদ্দেশ্য সফল হয়, তাহার

* বানাবোধিনী ২০৫ সংখ্যাতে আরম্ভ করিয়া যে গৃহলক্ষ্মী প্রস্তাব লিখিত হইয়াছে, তাহা দেখ।
ব, গো, ন।

সে চেষ্টা করিলে আজি দেশের এত দুর্গতি দেখিতে হইত না। শাস্ত্ররূপ রক্ষাকরে যে সকল মহারত্ন ভূবিয়া আছে, পুরোচিতেরা সে সকল রত্ন না দেখিয়া লোককে শামুক ভগলী দেখাইয়া প্রত্যা-
হীন বিশ্বাসহীন করিয়াছেন।

প্রমদা। ভাষ্য দিদি। শাস্ত্র জানিলে কি উপকার হয়?

নিখালা। প্রত্যক্ষই দেখনা কেন? শাস্ত্রের এক বিন্দু মাত্র অহুবাদ করিয়া প্রকাশ করাতে তুমি কত উপকার লাভ করিতেছ। স্মৃতিকাগার হইতে অত্যন্ত ক্রিয়া পর্য্যন্ত কিরূপে করিতে হয়, শাস্ত্রে সমস্ত ব্যবস্থাই আছে। ধর্ম অর্থ কাম মোক্ষ শাস্ত্ররূপ মহাব্রহ্ম এই চতুর্ভুজ ফল প্রদান করে। যাহা হউক ত্রুত নিয়ম উদ্ভিষা যাওয়াতে অত্যন্ত অনিচ্ছা হইয়াছে। কি ত্রী কি পুত্রয় সকলেই আমোদ প্রমোদে মত্ত। ধর্ম উপহাসের পদার্থ হইয়াছে। পূর্বে

স্ত্রীলোকেরা গৃহকর্ম করিয়া অবকাশ পাঠিলে পুত্রাণ কুনিভেন অথবা নাম জপ করিতেন। এখন স্ত্রীলোকদিগের অবস্থা দেবিয়া ভয় হয়। গৃহকর্মে আস্থা নাই, অবকাশ সময় ত্রাস খেলায় যায়। জামীর সঙ্গে কেবল স্বার্থের সম্বন্ধ। পর পুরুষ বলিয়া সঙ্কোচ নাই, পরলোকে বিশ্বাস নাই, অতিথি সেবায় ভক্তি নাই। আত্মীয় কুটুম্বদিগের প্রতি স্নেহ যত্ন নাই। সময় অতি ভবানক দেখে ভয় হয়।

প্রমদা। দিদি। ত্রিক বলিয়াছ। আগে মনে করিতাম স্ত্রীলোক লেখা পড়া শিখিলেই বুঝি ধর্ম কক্ষে মতি থাকে না। এখন দেখি সকলেরই ঐ গতি। এ কালেরই দোষ। শুনেছি কলিকালে ধর্ম কক্ষ নষ্ট হবে। ভগবান দ্বয় চুট দমন করিয়া সত্য ধর্ম স্থাপন করিবেন। আজি সন্ধ্যা হলো, বাড়ী গাই। আর এক দিন এবিষয়ে আলাপ করিতে ইচ্ছা রহিল।

বল সংগ্রহ।

যেমন ভবিষ্যতের ব্যয়ের জন্য বর্ত-
মানে ধনসঞ্চয় করিয়া রাখা যায়,
তদ্রূপ ভবিষ্যতের ব্যবহারের জন্য
বর্তমানে বলসঞ্চয় করিতে পারা যায়।
ইংরাজী বিজ্ঞানশাস্ত্রে ইহাকে 'Conser-
vation of Energy' বলে। আমরা অন্য
কয়েকটি দৃষ্টান্ত দ্বারা ইহার মূল তত্ত্ব
বুঝাইতে চেষ্টা করিব।

মনে কর একটা পুকুরিণীতে জল
আছে। তখন সে জলের দ্বারা কোনরূপ
গতি উৎপাদন করা যায় না, কারণ
সে জলের নিজের গতি নাই, সুতরাং
সে অন্যকে গতি দিতেও পারে না।
যদি জলোদ্ধরণ যন্ত্রের (Water Pump)
নাথান্যে বা অন্য উপায়ে সেই জল
উচ্চভূমিতে আর একটি পুকুরিণীতে

বা বৃহৎপাত্রে রাখিতে পারা যায়, তাহা হইলে সেই জলের দ্বারা বধন আবশ্যক, গতি উৎপাদন করা বাইতে পারে। কারণ সেই সঞ্চিত জলকে নিম্ন দিকে আসিবার সুবিধা দিলেই পৃথিবীর মাধ্যাকর্ষণ শক্তির গুণে আপনা আপনি তাহার নিম্ন দিকে গতি হইবে এবং একখানি চাকা সেই জলের গতির দ্বারা এমন করিয়া স্থাপন করা বাইতে পারে যে তাহা জলের বলে ঘুরিতে থাকিলে, তখন সেই চক্রের গতিদ্বারা কোনরূপ কল চালাইয়া লইতে পারা যায়। এই যে জল উপরে তুলিয়া ভরিয়াতের জন্য কাথের উপ-যোগী করা হইল, ইহাকে বল সঞ্চয় বলা যায়। ইহাতে অনেক দিকে সুবিধা। প্রথমতঃ এই সঞ্চিত বল যখন ইচ্ছা ব্যবহার করা যাউতে পারে। দ্বিতীয়তঃ ইহা অল্পে অল্পে সঞ্চিত হইলেও কার্য কালে একেবারে প্রভূত বলের কার্য করিতে পারে। মনে কর বার জন লোক একেবারে বলপ্রয়োগ করিলে বস বল উৎপন্ন হয়, তোমার এক ঘণ্টা কালের জন্য সেই পরিমাণে বলের প্রয়োজন, অথচ লোক এক জনের অধিক নাই। এরূপ স্থলে সেই একজন লোক সমস্ত বলের সহিত যদি বার ঘণ্টা কাল জল উত্তোলন করিতে পারে, তাহা হইলে তাহাতে যে বল সঞ্চিত হইবে তাহাতে ঠিক তোমার আবশ্যক মত কার্য হইবে।

সংঘর্ষণ (Friction) ও অন্যান্য কারণে যে বলক্ষয় হয়, তাহা গণনার মধ্যে না ধরিলে বলা বাইতে পারে যে একজন লোক বার ঘণ্টা বলপ্রয়োগ করিয়া যে বল সঞ্চয় করিতে পারে তাহা এক ঘণ্টার জন্য বার জন লোকের কাজ করিতে পারে। তৃতীয়তঃ বলসঞ্চয়ের সময়েই কেবল পরিশ্রমের প্রয়োজন, কাথের সময় আপনা আপ-নিই কার্য হইতে থাকে। চতুর্থতঃ যে স্থলে অল্প পরিমাণ বল অধিক কালের জন্য প্রয়োজন, সে স্থলে অল্পক্ষণের মধ্যে সেই বল সঞ্চয় করিয়া লওয়া বাইতে পারে এবং তৎপরে অল্পে অল্পে সেই বল কার্যে লাগাইতে পারা যায়। একটি বড় ঘড়ীতে দৃশ্য দিতে অতি অল্পই সময় লাগে। কিন্তু এই অল্প সময়ের মধ্যে যে বল সঞ্চিত হইল, সপ্তাহকাল সেই বল জারে অল্পে ঘড়ী চালাইতে থাকে। ঘড়ী সঞ্চিত বলের দ্বারা চালাইতে হয়। ঘড়ীর স্প্রিং চাবি দ্বারা শুটাইয়া দিলে বল সঞ্চয় করা হইল। দোলকটি বদ্ধ করিয়া রাখ বল সঞ্চিত রহিল। যখন ইচ্ছা দোলকটি চালাইয়া দিলেই সেই বলের কার্য আরম্ভ হইল। বায়ু চালন যন্ত্রদ্বারা (air-compressor) একটি পাত্রে মধ্যে যদি বায়ু চাপিয়া রাখা যায়, সেই বায়ু ছাড়িয়া দিলেই তাহাদ্বারা গতি উৎপাদিত হইতে পারে।

যেমন বলা প্রয়োগ দ্বারা বল সঞ্চিত হয়, তদ্রূপ রাসায়নিক সংযোগদ্বারা বল সঞ্চিত হইতে পারে। বৃক্ষলতাদি ক্রমাগত বায়ু হইতে অক্সিজেনের অংশ গ্রহণ করিতেছে ও সেই অক্সিজেন উদ্ভিদ পরীয়ে সঞ্চিত হইতেছে। আবার উপযুক্ত অবস্থায় সেই অক্সিজেন বৃক্ষদেহ হইতে বিচ্ছিন্ন হইয়া উত্তাপ উৎপাদন করিয়া থাকে। এস্থলে বলা আবশ্যিক যে উত্তাপ গতির প্রকার ভেদ মাত্র। এইরূপ জড় ভগ্নতে নিত্য নানারূপে শক্তি সঞ্চিত হইতেছে ও উপযুক্ত সময়ে অন্য আকারে সেই শক্তির কার্য্য হইতেছে।

পূর্বে বলা হইয়াছে উত্তাপ গতির প্রকার ভেদ মাত্র। গতি হইতে উত্তাপ উৎপন্ন হয়, উত্তাপ হইতে গতি উৎপন্ন হয়। স্বর্ঘ্যের উত্তাপ জল-কণাকে বিস্ফিট করিয়া বাষ্পাকারে পরিণত করে। সেই বাষ্প বায়ু অপেক্ষা লঘু বলিয়া উপরে উঠিয়া যায়। সেই বাষ্প হইতে উত্তাপের ভাগ চলিয়া গেলেই জাহা বুটি বা বরফের আকারে উচ্চ ভূমিতে পতিত হইয়া নদীর জ্যোত বর্ধন করে। সেই শ্রোতের মুখে চক্র স্থাপিত করিয়া কল চালাইয়া লইতে পারা যায়। এস্থলে স্বর্ঘ্যের উত্তাপ দ্বারা বল সঞ্চিত হইল।

উপরে যে কয়েকটি দৃষ্টান্ত দেখান হইল, তাহার মধ্যে বৃক্ষদেহ হইতে উত্তাপ উৎপাদন ভিন্ন অপর কয়েকটির

একবিধেই সাদৃশ্য আছে। এই সকল স্থলেই প্রথমে প্রকৃতির বিরুদ্ধে কার্য্য করা হয়, পরে কার্য্যকালে প্রকৃতির অসহায়ী কার্য্য হইয়া থাকে। জলের গতি স্বভাবতঃ নিম্নদিকে, স্রুতরাং জল যখন উপরে উত্থাপিত হয়, তখন তাহাকে তাহার স্বাভাবিক গতির বিপরীত দিকে লইয়া যাওয়া হয়। তৎপরে সেই জল নিজের নিম্নাভিমুখ গতি প্রাপ্ত হইবার সুবিধা পাইলেই আপনা আপনি কার্য্য করিতে থাকে। তখন আর অন্য বল প্রয়োগের প্রয়োজন হয় না। ঘড়ির স্প্রিং যখন শুদ্ধ হইয়া দেওয়া হয়, তখন তাহাকে বল পূর্বক তাহার স্বাভাবিক অবস্থার বিপরীতে লইয়া যাওয়া হয়। পরে সে অবসর পাইলেই সেই স্বাভাবিক অবস্থা পুনঃ প্রাপ্ত হইতে চেষ্টা করে এবং সেই চেষ্টাতে গতি উৎপন্ন হয়। এই উক্ত্য স্থলেই প্রয়োজনানুসারে বলের ভারতম্য করা যায়। তবে সময়ের পরিমাণ অনুসারে বলের আধিক্য বা অন্তত্ব হয়। অর্থাৎ একেবারে অধিক বলের কার্য্য করা হইয়া লইতে হইলে অল্প সময়ের মধ্যেই সঞ্চিত বল শেষ হইয়া যায় এবং অপর পক্ষে অল্প পরিমাণে কার্য্য হইলে অনেককাল পরিমাণে চলিতে পারে। আর একটা কথা এই সংঘর্ষণ (Friction) প্রভৃতি কারণে সঞ্চিত বলের মোট পরিমাণ প্রথম প্রযুক্ত বলের পরিমাণ অপেক্ষা

কিঞ্চিৎ কম হয়। কিন্তু তাহা স্ফুটিত হইয়া যাইতে পারে। রাসায়নিক কার্য দ্বারা আরও নানাক্রম বল সঞ্চিত হয় কিন্তু পাত্তিকাগণের বোধগম্য হইবে না বলিয়া আমরা এখানে তাহার উল্লেখ করিলাম না।

আর এক প্রকারের বল সঞ্চিত আছে, তাহার নাম তাড়িত বল সঞ্চিত। বৈদ্যুতিক বলোৎপাদক যে সকল যন্ত্র আছে, তাহাতে বিদ্যুৎ উৎপন্ন হইয়া-মাত্র তাহার কার্য আরম্ভ হয়। কিন্তু আর এক প্রকারের যন্ত্র উদ্ভাবিত হইয়াছে যাহার দ্বারা বৈদ্যুতিক বলের সাহায্যে তাড়িত বল সঞ্চিত করিয়া

রাখা যায়। অধিক বলশালী বৈদ্যুতিক যন্ত্রের মূল্য অত্যন্ত অধিক ও তাহার বিদ্যুৎ উৎপাদনের প্রক্রিয়াও ব্যয়-সাধ্য। কিন্তু পূর্বোক্ত যন্ত্রের গুণ এই যে অল্প বলশালী বৈদ্যুতিক যন্ত্রের সাহায্যে অল্পে অল্পে এই যন্ত্রকে তাড়িত বলযুক্ত করা যাইতে পারে এবং যখন আবশ্যক তখনই তাহা দ্বারা অধিক বলের কার্য করা ইয়া লওয়া যায়। বৈদ্যুতিক আলোক উৎপাদন ও অন্যান্য অনেক ক্ষুদ্র ক্ষুদ্র কার্যে এই যন্ত্র অনেক উপকারে আইসে। ইহা দ্বারা গরুর ও অনেক লাভ হয় এবং বধন ইচ্ছা তখনই কাজ পাওয়া যায়।

এক খানি চিত্র।

রজনী অবসানপ্রায়, কিন্তু আকাশে এখনও নক্ষত্র মালা বিরাজ করিতেছে এবং পক্ষীদিগের প্রভাতী গান এখনও আরম্ভ হয় নাই—জগতের অধিকাংশ প্রাণী নিদ্রাদেবীর প্রসাদে সন্তোষ করিতেছে। এমনতর সময় বসন্তের প্রদীপ লইয়া গৃহকাৰ্য্যমুরোপে প্রাপ্ত একাকিনী রমণী ইতস্ততঃ বিচরণ করিতেছেন। নিদ্রাভঙ্গে শিশুদিগের মল মূত্র ত্যাগ করাইয়া তাহাদিগকে পুনর্বার ঘুম পাড়াইয়া রাখিয়া আসিয়াছেন, পাছে তাহারা আবার জাগিয়া জন্মন করে, এজন্য সর্বদা সতর্ক রহিয়াছেন, কোন প্রকার শব্দ শ্রবণ মাত্র কর্ণপাতিয়া শয়ন-

গৃহের দিকে তাকাইতেছেন। প্রভাত হইবার পূর্বে গৃহের আবশ্যক কার্য সকল সমাপ্ত করিয়া শিশুদিগের নিজা ভরণ করিলেন। কিয়ৎক্ষণ তাহাদিগকে লইয়া প্রান্তরে বেড়াইবার পর তাহাদিগকে সুখাদ্য ও স্বাস্থ্যকর খাদ্য দ্বারা পরিতৃপ্ত করিলেন এবং নানাবিধ জীড়ার বস্ত্র দ্বারা তাহাদিগকে সাজনা করিয়া স্বামী নিদ্রোখিত হইলে তাহাদিগকে তাহার নিকট রাখিয়া শয্যা উত্তোলন ও গৃহ ধোত করিলেন। তাহার পর রজনশালে গিয়া পাকার্থ অগ্নি ও মসলাদি প্রস্তুত করিয়া স্নানান্তে পাক আরম্ভ করিলেন। মধ্যে মধ্যে এক এক

বার শিতরা কে কি করিতেছে, তাহারও অল্পসকান লইতে লাগিলেন। স্বামী স্নানাদি করিয়া প্রস্তুত হইবার পূর্বে রমণী অন্ন ও দুই তিন পানি ব্যঞ্জন রন্ধন করিয়া শিশুদিগকে ভোজন করাইলেন। স্বামী আহাৰান্তে অন্ন ভক্ষণ বিশ্রাম করিয়া কার্যালয়ে প্রবেশ করিলেন। রমণী তাহার পর স্বয়ং ভোজন করিয়া ভোজন পাত্র ও রন্ধন-শালা ধোত করিলেন। এইরূপে পূৰ্ণাঙ্কের গৃহকাৰ্য্য এক প্রকার শেষ হইল।

অপরাক্তে যখন অন্য কুলকামিনীগণ নিদ্রা যান, তাম জীড়ায় রত থাকেন, অথবা অন্য লোকের কুৎসা লইয়া আমোদ করেন, তখন আমাদিগের রমণী শিশুসন্তানদিগকে নিদ্রিত করিয়া কখন বা নানা প্রকার শিল্প কাৰ্য্য, কখন বা বিস্তৃত নীতিপূৰ্ণ গ্রন্থ পাঠ করিয়া সময় অতিবাহিত করেন। কোন কোন দিন প্রতিবাসীদিগের বাটতে ঘাইয়া কুল-কামিনীদিগের সহিত সন্লাপ অথবা তাহাদিগের কারুকাৰ্য্য শিকার সাহায্য করেন। কখনও কাহাকে ছুঃখিত, বিরক্ত বা উদ্বেগ দেখিলে তাহাকে নানা প্রকার সহপদেশ ও প্রবোধ বাক্য দ্বারা সান্তনা করেন। মধ্যে মধ্যে দরিদ্র পরিবার-দিগের তত্ত্ব লন। যদি কখন জানিতে পারেন যে কোন দুঃখী পরি-বারের অর্থীভাবে আহাৰ হয় নাই, অথবা ঐ বহু পথের উপায় অভাবে

চিকিৎসা হইতেছে না, তাহাহইলে নিজে কারুকাৰ্য্য দ্বারা বাহা উপাৰ্জন করেন, তদ্বারা অসহ্যুচিত চিকিৎসা সেই পরিবারের সাহায্য করেন। আহাৰান্তে গৃহে অতিথি আসিলে কোন কোন কুল-কামিনী কত বিরক্ত হন, কিন্তু আমাদিগের রমণী যখন যিনি আহন, তাঁহার সেবা করিতে কখন ক্লান্ত হন না। যিনি একবার তাঁহার বাটতে আসিয়াছেন, তিনি তাঁহার প্রজা, যত্ন ও অন্যান্য সদৃশ্যের কথা সকলের নিকট ব্যাখ্যা করেন এবং যে কোন স্থানে যান স্ত্রীজাতির ওপরে প্রসঙ্গ উপস্থিত হইলে তাঁহাকে আদর্শ রূপে প্রতিষ্ঠিত করেন। তাঁহার উপর সকলেই সন্তুষ্ট, তাঁহাকে দেখিলে সকলেই সুখী হয়। এই সকল কাৰ্য্যের মধ্যে গৃহ মার্জন ও গৃহ শৃঙ্খলা সাধনে কখন বিমূৃত হন না। গৃহ পানি সামান্য বটে, কিন্তু তাহার পাতি-পাট্য ও শৃঙ্খলা দর্শনে বহু দাসদাসী পরিবৃত, বহু বান্ধবাধ্য অষ্টালিকা-বাসিনীগণকে ধিকার না দিয়া থাকিতে পারা যায় না। শিশুদিগের সম্বন্ধে তাঁহার একগু হৃদয়বস্থা যে তাহাদিগের আহাৰ, পান, নিদ্রা ও মনোহর ত্যাগের এক প্রকার নিদ্রিষ্ট সময় হইয়া গিয়াছে। তাঁহার সন্তানগণের প্রতি ব্যবহারও আদর্শ স্বরূপ। তাহাদিগের প্রতি কখনও তাঁহার প্রেম দৃষ্টির বিরাম নাই। কেহ কখনও তাঁহাকে সন্তানদিগকে প্রহার, তাড়না, অথবা কটুক্তি করিতে দেখেন

নাই। প্রয়োজনীয় বস্তু সকল তিনি একপাশে রাখিয়া রাখিতেন যে শিশুগণ তাহা-
দিগকে নষ্ট করিবার সুযোগ পাইত না।
সুতরাং এজন্য তাঁহাকে তাহাদিগের প্রতি
বিরক্ত হইতে হইত না। শিশুগণের
সদাঙ্গের নিদ্রা ভঙ্গ হইলে কাহাকে
অ, আ, ক, খ, গ, ঘ, ইত্যাদি,
কাহাকে 'পাখী সব করে রব'; 'মায়ের
মন্তন কে আছে এমন' প্রভৃতি কবিতা
পাঠ করাইয়া থাকেন। রমণী বধন
তাহাদিগকে পাঠ শিক্ষা দেন, তখন
মাতা ও শিশুর পরস্পরের প্রতি পর-
স্পরের দৃষ্টিতে যে স্বর্গীয় শোভা বিরাজ
করে, তাহা প্রত্যক্ষ না করিলে কেহ
অনুভব করিতে পারে না। শিশু-
দিগের পাঠান্তে স্বামী ও স্ত্রীমানসিগের
জনা স্নানার্থে প্রস্তুত করিতে প্রবৃত্ত
হন। স্বামী কার্য্যাগম হইতে প্রত্য-
গমনান্তর সন্ধানদিগকে লইয়া একসঙ্গে
আহার করেন। তাহার আহারান্তে রমণী
তাহাদিগকে তাহার নিকট রাখিয়া
সারংকালীন আহারের আয়োজনার্থ
গমন করেন। আহার প্রস্তুত হইলে
অগ্রে স্বামী ও শিশুদিগকে ভোজন
করাইয়া তৎপরে স্বয়ং আহার করিয়া
অবশিষ্ট গৃহকার্য্য সকল সমাপ্ত করেন।
আহার পর শয়ন গৃহে প্রবেশ করিয়া
শিশুদিগকে লইয়া জীপুর্ব্ব উভয়ে
কণ্ঠকণ কোষুক করেন। সে দিবস
যে বাহা শিক্ষা করিরাছে গৃহিণী তাহা
স্বামীর নিকট পরীক্ষা দেওয়াইয়া তাহা-

দিগকে নিদ্রিত করেন। পরে সন্ধ্যাকাগ
আপনার সদাঙ্গাপ করিয়া ও মিষা
ভাগে যিনি বাহা করিয়াছিলেন তাহা
পরস্পরের নিকট বিবৃত করিয়া সর্ব্ব-
সুখবাতা, শান্তিবিবাতা পরস্পরের কল-
ণার জন্য কৃতজ্ঞ হইয়া ও তাহার নিকট
পরিবারের কল্যাণের জন্য প্রার্থনা
করিয়া শয়ন করেন।

স্বীকৃতি স্বভাবতঃ অসঙ্গারপ্রিয়।
অতিশয় রমণী অসঙ্গারের জন্য স্বামীকে
পীড়ন না করিয়া ক্ষান্ত থাকেন। স্বামীর
রমণীর শিতদন্ত ও স্বামিপ্রদত্ত কয়েক
খানি সুবর্ণাঙ্গার ছিল। কিন্তু তিনি গহ-
নার জন্য স্বামীকে কখনও পীড়ন কিম্বা
অনুরোধও করেন নাই। সংসারের আব-
শ্যক ব্যয় নির্বাহের পর মানিক বেতন
হইতে বাহা উদ্ধৃত হইত, তদ্বারা স্বামী
ক ইচ্ছায় মধ্যে মধ্যে এক এক খানি
অঙ্গার দ্রব্য করিয়া দিতেন। অঙ্গার
গুলি সর্ব্বদা ব্যবহার না করিয়া তিনি
যত পূর্ব্বক তুলিয়া রাখিতেন। অঙ্গার
পাইয়া তিনি কখনও তাহার দোষ
বাহির করিয়া বিরক্তি প্রকাশ করিতেন
না, বরং কৃতজ্ঞচিত্তে কত আনন্দ প্রকাশ
করিতেন। স্বামীর অর্থের প্রয়োজন
হইলে তিনি অকাতরে সেই সকল অঙ্গ-
ার বাহির করিয়া দিতেন। কেবল
তাহা নহে, প্রতিদ্বন্দীদিগের বিশেষ
অভাবের সময় সেই সকল অঙ্গার
দ্বারা উপকার করিতে ক্রটি করিতেন
না।

স্বামীর প্রতি এই রমণীর ব্যবহারের কণা শুনিলে অনেক কুলকামিনী লজ্জায় অধোবদন হইবেন। ইনি স্বামীকে ব্যাধি কিম্বা দস্থ্যর ন্যায় দেখিতেন না, আপনাকে স্বামীর দানীকণ্ঠেও মনে করিতেন না। ইহার সংস্কার ছিল যে স্ত্রী ও পুরুষের একত্র যোগ ও একত্র চেষ্টা না হইলে সংসারযাত্রা স্বথে নির্বাহ হয় না। ইনি মনে করিতেন যে স্বামী তাঁহার জন্য, তিনি স্বামীর জন্য এবং তাঁহার উভয়ে স্বেচ্ছায়ের কার্যের জন্য। স্বামীর কোন ক্রটি দেখিলে অনেক রমণী তাঁহার প্রতি খড়্গহস্ত হন এবং রাগান্বিত হইয়া তাঁহাকে কতই কটুক্তি করেন। এই রমণী স্বামীর প্রতি কখনও একরূপ ব্যবহার করিতেন না। তিনি স্বামীর সামান্য ক্রটি গোঁড়া করিতেন না। গুরুতর অন্যায় কাণ্ড করিতে দেখিলে

বীর ভাবে তাঁহাকে নানাপ্রকারে বুঝাইতেন এবং তাড়না বা কোপের পরিপরিবর্তে প্রেম ও সম্ভাব দ্বারা তাঁহার ক্রটি সংশোধন করিতেন। বাহ্যতে স্বামীর সুখ ও আনন্দ হয়, রমণী সর্বদা তাঁহারই চেষ্টা করিতেন। ছদ্মাংশে আপনার কোন দোষ বা ক্রটি হইলে কতই লজ্জিত হইতেন, শত শত বার অনুতাপ করিতেন এবং স্বামীর নিকট পদে পদে অপরাধিনী বলিয়া ক্ষোভ প্রকাশ করিতেন। এই সকল কারণে তাঁহারিগের গৃহে সর্বদা শান্তি বিঘাজ করিত। প্রতিবাদিগণ তাঁহাদের কাছে আসিয়া আপনাদিগের অশান্তি দূর করিত। তাঁহাদের মদুষ্টান্তে অনেক গৃহস্থের সুখ ও শান্তি বৃদ্ধি হইত। বস্তুতঃ এই স্ত্রী পুরুষ উভয়ে চিত্তে ও ব্যবহারে গুণে প্রতিবাদীগণের অনুকরণীয় ছিলেন।

আমেরিকা আবিষ্কার।

(২১৫ সংখ্যা ২৫১ পৃষ্ঠার পর)

কলকাতা পরদিন সেই দ্বীপের উপকূলভাগ পর্য্যবেক্ষণে নিযুক্ত রহিলেন। মার্কোপোলো প্রভৃতি আসিয়ার পর্য্যটকদিগের ভ্রমণ বৃত্তান্ত পাঠে তাঁহার সংস্কার হইয়াছিল যে ভারতবর্ষ অত্যন্ত সমৃদ্ধিশালী দেশ; স্বর্ণ লাভের আশা তাঁহার মনে অত্যন্ত বলবতী হইয়া উঠিয়াছিল। এই দ্বীপের অধিবাসী

গণকে অত্যন্ত দরিদ্র দেখিয়া তিনি স্থির করিলেন যে পর্য্যটকগণ ভারতমাগরস্থ যে সকল দ্বীপের বর্ণন করিয়াছেন ইহা তাঁহারই একটা। তাহার এক প্রকারের স্বর্ণালঙ্কার পরিধান করে দেখিয়া তিনি তাহাদিগকে জিজ্ঞাসা করিলেন স্বর্ণ কোথায় পাওয়া যায়? তাহার দক্ষিণ দিকে অঙ্গুলি নির্দেশ করিয়া নানা

অল্প ভিক্ষা দ্বারা প্রকাশ করিল যে দক্ষিণ দিকস্থিত দেশ সমূহে প্রচুর পরিমাণে স্বর্ণ পাওয়া যায় । তিনি তদনুসারে দক্ষিণ দিকে যাত্রা করিতে মনস্থ করিলেন ; এবং এই মনে করিয়া বান নালবেডর হইতে জন কতক দেশীয় লোক সম্মে লইলেন যে তাহাদিগকে স্পেনীয় ভাষা শিক্ষা দিয়া তাহাদিগের দ্বারা অন্যঅন্য নিকটবর্তী দেশের লোকদিগের সহিত কথাবার্তার সুবিধা করিয়া লইবেন ।

এই রূপে কলম্বস্ সুবর্ণ লাভের প্রত্যাশায় একে একে তিনটা দ্বীপ আবিষ্কার করিয়া একটা প্রকাণ্ড দ্বীপে উপনীত হইলেন । এই দ্বীপের নাম কিউবা । ইহা অন্যান্য দ্বীপগুলি অপেক্ষা অধিক উর্বর এবং এখানে চামবানের আয়োজনও অধিক । এখানকার অধিবাসীগণও অপেক্ষাকৃত বুদ্ধিমান । তাহারাও স্প্যানিয়ার্ডদিগকে দেবতা বোধে তদনুরূপ ভক্তি প্রকাশ করিয়াছিল । কলম্বস এখানেও সুবর্ণলাভের বিশেষ সম্ভাবনা দেখিলেন না । স্বর্ণের জন্য অত্যন্ত আগ্রহ দেখিয়া অধিবাসীগণ তাঁহাকে বলিল পূর্বদিকে হেট্ট নামে একটা দ্বীপ আছে ; সেখানে প্রচুর পরিমাণে স্বর্ণ পাওয়া যায় । কিন্তু তিনি তথায় যাত্রা করিবার পূর্বেই পিণ্টার পোতাধক্ষ মার্টিন আলমো পিঞ্জন মর্রোগ্রে ভ্রাতৃত্ব ধনের অধিকারী হইবার প্রত্যাশায় কলম্বসের আজার বিরুদ্ধে

পোত খুলিয়া চলিয়া গেলেন । প্রতি-কূল বায়ুবশতঃ কলম্বসের হেট্টদ্বীপে পৌছিতে বিলম্ব হইল । সেখানে উপস্থিত হইয়া তিনি পিণ্টার কোন সংবাদ পাইলেন না । এখানে এক জন কাজিক (দেশীয় রাজা) তাঁহার সহিত সাক্ষাৎ করিয়া তাঁহাদের প্রতি যথেষ্ট সমাদর প্রকাশ করিয়াছিলেন । এখানেও তিনি অধিবাসীদিগকে স্বর্ণ কোথায় পাওয়া যায় ভিজ্ঞাসা করিতে লাগিলেন । তাহারা পূর্বদিকে একটা পার্শ্বতা প্রদেশের দিকে অঙ্গুলি নির্দেশ করিয়া বলিল “ঐ স্থানের নাম সিবাও ; এখানে স্বর্ণ পাওয়া যায় ।” কলম্বস শব্দ সাদৃশ্যে ভ্রান্ত হইয়া সিদ্ধান্ত করিলেন মার্কো পোলো এবং অন্যান্য পর্যটকগণ আনিয়ার পূর্বদিকস্থিত যে সিপাঙ্কো (জাপান) দ্বীপের কথা বলিয়া গিয়াছেন ইহা তাহাই হইবে । এই স্থির করিয়া তিনি পূর্বদিকে যাত্রা করিয়া গোয়া কানাহারি নামক একজন পরাক্রান্ত কাজিকের রাজ্যে উপনীত হইলেন । কলম্বসের আগমন বৃত্তান্ত শুনিয়া গোয়াকানাহারি তাঁহাকে সাক্ষাৎ করিতে নিমন্ত্রণ করিয়া দূত প্রেরণ করিলেন । কলম্বস তদনুসারে জাহাজ খুলিয়া চলিলেন । যাইতে যাইতে রাজ্যের অন্ধকারে মাজির দোষে জাহাজ পাছাড়ে লাগিয়া গেল । কলম্বস তখন নিজা যাইতেছিলেন । জাহাজে যে ধাক্কা লাগিয়াছিল, তাহাতেই তাঁহার নিদ্রাভঙ্গ হইল । উপরে গিয়া দেখেন

মহা হলস্থূল। তিনি অনেক চেষ্টা করিয়াও জাহাজ বাঁচাইতে পারিলেন না। নিগ্নানামক জাহাজ হইতে তাঁহাদের সাহায্যার্থ করেকথানি নৌকা প্রেরিত হইল। সকলে তাহাতে উঠিয়া প্রাণ রক্ষা করিলেন। তাঁহাদের বিপদের বার্তা শুনিয়া গোয়াকানাহারি অনেক প্রজা সমেত উপকূলে উপস্থিত হইয়া অত্যন্ত দুঃখ প্রকাশ করিতে লাগিলেন। পরে দ্বীপবাসীগণ অনেক সাহায্য লইয়া গিয়া ভয় জাহাজে যাহা কিছু দ্রব্য সামগ্রী ছিল লইয়া আসিল। গোয়াকানাহারি স্বয়ং সে সমুদয় রক্ষণাবেক্ষণের ভার লইলেন। পর দিন প্রাতে তিনি নিগ্নানামক পোতে যাইয়া কলঙ্গসের সহিত সাক্ষাৎ করিলেন ও তাঁহাকে নানা প্রকারে সাহায্য দিতে লাগিলেন।

কলঙ্গন অকূল চিন্তা সাগরে নিমগ্ন। পিণ্ডার কোন সংবাদ নাই। অবশিষ্ট দুইখানি জাহাজের মধ্যে যেখানি একটু দৃঢ় ছিল, সে খানিত নষ্ট হইয়া গেল। তাঁহার স্থিরবিশ্বাস হইয়াছিল যে আলকো গিজন তাঁহার পূর্বে স্পেনে উপস্থিত হইয়া তাঁহার নিম্না করিতে ও নিজের বাহাদুরী দেখাইয়া রাজার প্রতিশ্রুত পুরস্কার হইতে তাঁহাকে বঞ্চিত করিতে চেষ্টা করিবে। সুতরাং শীঘ্র শীঘ্র দেশে ফিরিয়া না গেলেও চলে না। কিন্তু জাহাজ সবেমাত্র একখানি, তাহাও জীর্ণ ও সর্বাপেক্ষা ক্ষুদ্র। এই জাহাজে এতলোক লইয়া প্রকাণ্ড মহা সাগর পার হইয়া দেশেই বা যান কি-রূপে? এই সকল বিষয় চিন্তাকরিতে করিতে কলঙ্গসের চিন্তা অত্যন্ত ব্যাকুল হইয়া উঠিল। কলঙ্গন বিষম সমস্যায় পড়িলেন।

নিশীথে বিহঙ্গকণ্ঠ শ্রবণ।

শাখীর ঝোণেতে পাখী স্ব শরীর ঢাকিয়ে,
বিনোহিছ কণ্ঠ মম মধুস্বরে গাইয়ে,
কামরি কি তৃপ্তিকর,
তোমার মধুর স্বর,
শুনিনি শুনিনি কভু এ হেন সঙ্গীত
সুধার আধার; প্রাণ হ'ল বিমোহিত।
এ নৈশ গগন ভেদি, তোমার স্তব্ধ
উঠিতেছে; পশিতেছে হিমাদ্রি গহবর;

নিশুরু বিজন বন! লয়ে প্রতিক্ষণি—
গাইছে সুদূর ব্যাপ্ত প্রান্তর অমনি!
ধরিছ মধুর তান,
জুড়াইল মন প্রাণ
ইচ্ছাকরে দিবানিশি শুনে তব গান,
জুড়াই সংসার-তপ্ত আমার পরাণ।
মধুমাথা বিভূষা গয়ে অবিরত,
বিচরি বিজন বনে সদা তোরা মত।

যদি কি স্বর্গীয় স্থখ ভূজিছ বিরলে ।
কোন চিন্তা নাহি মনে ; গগন মণ্ডলে
উড়িছ কখন, কিম্বা বদিতেছ ডালে !
ঘোষ কি বিভূষ নাম এ মহীমণ্ডলে ?
তাই যদি ওরে পাখী সন্নি কর ঘোরে
উড়ে ঘাই যথা তুই বাস' উড়ে উড়ে !
ঝোপের আড়ালে থাকি,
অমিষ্ট স্বরেতে ডাকি,
ঝাকুল করিয়ে তুমি তুল জিত্বন,
নহে সুধু উচাটন আমার এমন ।
হে পাখী, শুনিগে তব মধুর নিকণ,

অনন্ত জলধি, গিরি, এ বিজন বন
বিস্তীর্ণ প্রান্তর স্থির থাকে ততক্ষণ
মনসাধে স্নানস্নান করিতে শ্রবণ !
সুরভাল লয় করি
ইমন রাগিনী ধরি,
গাও তুমি গাও পাখী আনন্দে মাতিয়ে
বিতু গুণ-গান, শুনে জুড়াক এ হিয়ে ।
তোমার স্বরবে পাখী মুখিত মেদিনী,
অমুকারি এ গান গায় স্রোতস্বিনী ;
স্বন স্বনে সন্নিবরণ ঘোষে অবিরাম,
হে মানব ! কর সদা ব্রহ্ম গুণ গান ॥

উদ্ভাপ ও শীত ।

জগতে যাহা কিছু পদার্থ বলিয়া
পরিচিত, সকলই পরমাণু সমষ্টি । ইহার
মধ্যে কোথায়ও বা পরমাণুরাশি পরস্পর
আকর্ষণ বিশেষের গুণে পরস্পরের
সহিত দৃঢ়ভাবে কোথাও বা শ্লথ ভাবে
সম্বন্ধ, এবং কোথায়ও বা তাহার এমনি
ভাবে অবস্থিত, যে কাহারও সহিত
কাহারও কোন সম্বন্ধ আছে কিনা তাহা
বুঝিতে পারা যায় না । জগতের সমু-
দয় পদার্থই ইহার কোন না কোনও
অবস্থাপন্ন । যে পদার্থে পরমাণুরাশি
পরস্পরের সহিত দৃঢ়রূপে সম্বন্ধ তাহা
কঠিন, এবং যেখানে পরমাণুর যোগ
সহজে বিচ্ছেদ্য তাহা তরল পদার্থনামে
অভিহিত ; কিন্তু যে পদার্থে পরমাণু
গুলি একেবারে বিচ্ছিন্ন এবং স্বাধীন

ভাবে অবস্থিত, তাহা বায়বীয় সংজ্ঞায়
আখ্যাত । প্রত্যেক পদার্থই অংশ-
বিশেষে পতিত হইলে কঠিন, তরল,
বা বায়বীয় আকার ধারণ করিতে পারে ।
অনেকেই দেখিয়াছেন যে স্বর্ণ, রৌপ্য
প্রভৃতি কঠিন ধাতু গুলিয়া তরল হয়,
আবার ঐ তরল অংশের কিয়দংশ
ধূমরূপে পরিণত হইয়া থাকে । আর
এক দিকে দেখুন যে প্রবাহিত বাতা-
সের সহিত অদৃশ্যভাবে কোথায় একবিন্দু
জলকণা অবস্থিতি করিতেছিল, অবস্থা
বিশেষে পড়িয়া আবার তাহাকে জল
হইয়া পড়িতে হইল ; আবার ঐ জলকে
আমরা বরফ হইতে দেখিয়াছি । বাহাদের
গৃহে অতি পূর্বতন বামাবোধিনী গুলি
যত্নে রক্ষিত আছে, তাহার “জল বহ-

রূপী' শীর্ষক প্রস্তাবে এই বিষয়ের অনেক আলোচনা দেখিতে পাইবেন। কিন্তু আজ আমরা ক্ষুদ্র পদার্থ যে প্রাকৃতিক শক্তির প্রভাবে একরূপ রূপান্তরিত হইয়া থাকে, সেই বিষয়ের আলোচনা করিব।

ছইটি শক্তি প্রভাবে পদার্থ সমূহের এইরূপ রূপান্তর ঘটিয়া থাকে, একটা উত্তাপ, এবং অপরটা শীত। কঠিন পদার্থ তরল ও বায়বীয় হয়—উত্তাপে, এবং বায়বীয় পদার্থ তরল ও কঠিন হয়—শীতে। যখন কঠিন পদার্থ তরল হয়, তখন উহার অবয়ব বৃদ্ধি পায় এবং তরল পদার্থ কঠিন হইবার সময় সঙ্কুচিত হইয়া আইসে। সর্বদাই আমাদিগের চক্ষুর সমক্ষে এই সকল ঘটনা ঘটিয়া থাকে, আমরা বিশেষ অনুধাবন করি না বলিয়া প্রত্যক্ষ করিতে পারি না। সকলেই বোধ হয় তাপমান যন্ত্র দেখিয়া থাকিবেন, এই যন্ত্রে তাপ পরিমিত হইয়া থাকে। আমরা দেখিয়া থাকি যে ঐ যন্ত্রস্থিত পারদ কখন উঠে উঠে, কখন বা নামিয়া পড়ে। যন্ত্রের চতুর্দিকস্থ বায়ুর উষ্ণতা বা শৈত্যই ইহার একমাত্র কারণ। যখন বায়ু উষ্ণ হয়, তখন পারদ উপরে উঠিতে থাকে এবং যখন বায়ু শীতল হয়, তখন ঐ পারদ নিম্ন দিকে আসিয়া পড়ে। ছুই একটি সামান্য দৃষ্টান্ত দ্বারা এই কথাটি ভাল করিয়া বুঝাইয়া দিবার চেষ্টা করা যাউক। অনেকেই দেখিয়াছেন যে গাড়ির চাকায় একটা করিয়া লৌহ বেটন থাকে। ঐ

লৌহ বেটন তৈয়ারি করিবার সময়ে চাকার বেড় অপেক্ষা কম করিয়া নামিয়া লইতে হয়; তাহার পর আশ্রমে দিলে যখন খুব উত্তপ্ত হয়, তখন অনায়াসে ঐ বেটনটা চাকার চারিদিক দিয়া পরাইয়া দেওয়া যায়; তাহার পর শীতল হইয়া যখন সঙ্কুচিত হয়, তখন আশ্রনা আপনি ঐ চাকাটিকে শক্ত করিয়া চাপিয়া ধরে। এই স্থানে আর একটা কথা বলা যাউক; এক বার এক স্থানে একটা নূতন অট্টালিকার ছুই দিকের দেওয়াল হেলিয়া পড়িয়াছিল। গৃহস্থানী দেখিলেন যে দেওয়াল ছুটি সোজা করিতে হইলে, আবার ভাঙ্গিয়া গড়িতে হয়, অট্টালিকাটা বহু ব্যয়ে গঠিত হইয়াছিল, আবার এই সংস্কারে যে কত ব্যয়াদিকা হইবে তাহারও ইয়ত্তা নাই। তিনি এইরূপ ভাবিতেছেন, তখন তাহার একজন বিজ্ঞানবিৎ বন্ধু আগিয়া সমুদয় অবস্থা পর্যালোচনা করিয়া ছাদের কড়ি কাঠের সমান দীর্ঘ কতক খুলি লৌহ দণ্ড নির্মাণ করাইলেন। পরে পরস্পর সমুখীন দেওয়াল দ্বয়ে অনেক ছিদ্র করাইয়া লৌহদণ্ডগুলি খুব উত্তপ্ত করাইয়া ঐ বন্ধু পরাইয়া দিলেন। লৌহদণ্ডগুলি উত্তপ্ত হইয়া বদ্ধিতাৱতন হইয়াছিল বলিয়া দেওয়ালগুলিয়া পড়িলেও তাহাতে লাগিল। এবং পরে যখন ঐ লৌহদণ্ডগুলি শীতল হইল, তখন তাহার স্নায়তন কমিয়া কড়িকাঠের মত হইল এবং প্রবল আকর্ষণে দেওয়াল ছুই-

দীপ্ত বধাবধ রূপে দণ্ডায়মান হইল। জগতের সমুদয় পদার্থই উত্তাপ এবং শীতদ্বারা এইরূপ প্রসারিত এবং সংকুচিত হইয়া থাকে। কিন্তু এই সাধারণ নিয়ম জলের পক্ষে সকল সময় প্রযোজ্য নয় বলিয়া আমরা জলের সংকোচন এবং প্রসারণ সম্বন্ধে দুই একটি নিয়মের কথা বলিব।

ফারনাইটের তাপমানের ৩৯ ডিগ্রির অধিক উত্তপ্ত হইলে জলের পক্ষে উক্ত সাধারণ নিয়ম ঘটিয়া থাকে; কিন্তু নীচে জল শীতদ্বারা প্রসারিত এবং উত্তাপদ্বারা সংকুচিত হইতে থাকে। এক বাটী জল যদি ৩৯ ডিগ্রি পরিমাণে উত্তপ্ত করিয়া তাহার পর আরও অধিক উত্তপ্ত বা শীতল করা যায়, তাহাহইলে দেখা যাইবে যে ঐ উভয়বিধ অবস্থাতেই জল স্ফীত হইয়া উঠিবে। ইহার দ্বারা প্রতিপন্ন হইতেছে যে, এই ৩৯ ডিগ্রী পরিমাণে উত্তপ্ত হইলেই জলের আপেক্ষিক গুরুত্ব সর্বাপেক্ষা অধিক হয়; অর্থাৎ ৩৯ ডিগ্রি পরিমাণের উত্তপ্ত এক বাটী জল তদপেক্ষা অধিক বা অল্প উত্তপ্ত আর এক বাটী জল অপেক্ষা অধিক ভারী।

৩৯ ডিগ্রী হইতে ক্রমে শীতল হইতে হইতে জল যখন ৩২ ডিগ্রিতে আইসে, তখন জমিয়া বরফ হইয়া যায়। জল যখন এইরূপে জমিয়া বরফ হয়, তখন তাহার আয়তন বদ্ধিত হয়; অর্থাৎ একটি পাত্রে যতটুকু জল ধরে সেই জল

বরফ হইলে সেই পাত্রে আর ধরে না। এ কথাটা আপাততঃ শুনিতে একটু আশ্চর্য্য বলিয়া বোধ হয় বটে, কিন্তু ইহা প্রকৃত কথা। আমরা ইহা বুঝাইবার জন্য দুই একটি সহজদৃষ্টান্ত দিতেছি। একটি শূন্যগর্ভ বা কাঁপা লৌহ বর্জুল জলপূর্ণ করিয়া তাহার মুখ ছিপীদ্বারা বদ্ধ করিয়া দিয়া যদি বরফের মধ্যে ডুবাইয়া রাখা যায়, তাহাহইলে বর্জুল মধ্যস্থ জল যখন বরফ হইবে, তখন ঐ মুখের ছিপি খুলিয়া গিয়া বরফ বাহির হইয়া পড়িবে, অথবা যদি ছিপী দৃঢ় বদ্ধ থাকে, তবে ঐ লৌহবর্জুল একেবারে কাটিয়া যাইবে। ইহার কারণ এই যে বরফ হইয়া জলের আয়তন বৃদ্ধি পাইয়াছিল, কাজেই ঐ বর্জুল-গর্ভে তাহার স্থানান্তর হইল। আমাদের দেশে কৃষকেরা একবার চাষ করিয়া পরে আবার ভূমিতে উখিত চিল গুলিকে ভাদিয়া দিবার জন্য স্তব্ধ চেষ্টা পাইয়া থাকে। কিন্তু লাপলাণ্ড প্রভৃতি শীতপ্রধান দেশে ঐ উখিত চিল গুলি ভাদিবার পরিশ্রম হইতে কৃষকেরা অব্যাহতি পাইয়াছে। দিনমানে যে জল হয়, ঐ জল চিল গুলির মধ্যে প্রবেশ করিয়া থাকে; পরে যখন তাহা রাত্রিতে জমিয়া বরফ হয়, তখন চিল গুলি আপনা আপনি চূর্ণ হইয়া যায়। বরফের এই বৃহদায়তন প্রাপ্তির ফলে আমরা একটি আশ্চর্য্য উপকারিতা প্রত্যক্ষ করিলাম। ৩৯ ডিগ্রীর অপেক্ষা কম উত্তপ্ত জলের সম্বন্ধে বেরুপ কার্য্য

হয়, তাহা আমরা কতকটা দেখাইলাম
এখন তদপেক্ষা অধিক উত্তপ্ত জল
যে আবার সাধারণ নিয়ম অনুসরণ
করে অর্থাৎ উত্তাপে প্রসারিত এবং শীতে
সঙ্কুচিত হয় তাহা একটা দৃষ্টান্ত দ্বারা
দেখাইয়া দিব। আমরা একটা কাঁচের
হুগল নল কল্পনা করি, ঐ নলের এক প্রান্ত
ক্ষীত এবং অপর প্রান্ত খোলা ; মনে
করুন ঐ নলের কিয়দংশ লাল রঙে
রঞ্জিত জলে পূর্ণ আছে। এখন যদি
নলের ক্ষীত দেশ হাত দিয়া ধরা যায়,
তাহাইহলে দেখা যাইবে যে ঐ নলের মধ্য-
স্থিত জল কিয়দূর উর্দ্ধভাগে উঠিয়াছে।
ইহার কারণ এই যে হাতের উত্তাপে জল
উত্তপ্ত হয় এবং উষ্ণ হইয়া ক্ষীত হইয়া উঠে।
আবার হাত সরাইয়া লইলে বাতাসে
যাই নলটা শীতল হইবে, অমনি জল
নীচে আসিয়া পড়িবে। উত্তাপ এবং
শীত জলের উপর কিরূপ কার্য করিয়া
থাকে, তাহা আমরা সংক্ষেপত একরূপ
প্রদর্শন করিলাম।

আমরা উপরে ৩৯ ডিগ্রী পরিমাণ
উত্তপ্ত জলের আপেক্ষিক গুরুত্বের কথা
উল্লেখ করিয়াছি। এই প্রাকৃতিক নিয়ম
দ্বারা জগতে যে কি এক সুমহৎ উদ্দেশ্য
সাধিত হইয়াছে, সে বিষয়ের একটা
কথা নিম্নে বিবৃত করা গেল।

শীতপ্রধান দেশে সমুদ্র এবং অন্যান্য
জলাশয়ের উপরে বরফ পড়িয়া থাকে
এ কথা সকলেই জানিয়াছেন। পদার্থ
মাত্রই সকল অবস্থাতেই শীতে সঙ্কুচিত

হইবে, ইহাই যদি নিয়ম হইত, তাহা
হইলে এস্থলে একটা ভয়ঙ্কর অনিষ্ট
ঘটিত। সমুদ্রায় জল ভাগ একেবারে
বরফ হইয়া যাইত ; আর জলচর প্রাণি-
গণ কোনও রূপে জীবন ধারণ করিতে
পারিত না—একেবারে কত অসংখ্য
অসংখ্য প্রাণী মরিয়া যাইত। কিন্তু
সর্বজীবের সুখবিধাতা মঙ্গলময়ের রূপার
এখানে আর একটা প্রাকৃতিক নিয়ম
অসংখ্য জলচরের জীবন রক্ষা করিয়া
তাঁহারই মহিমা জগতে ঘোষণা করি-
তেছে। যখন উপরিস্থিত উত্তপ্ত জল-
ভাগ শীতল হয়, তখন ঐ জল অপেক্ষা-
কৃত ভারি হইয়া নীচে চলিয়া যায়
এবং নিম্নস্থ উত্তপ্ত জল ভাগ উপরে
আসিয়া আবার কিয়ৎপরিমাণে শীতল
হইয়া নিম্নে যায় ; এই রূপে ক্রমে ক্রমে
সমুদ্রায় জল ভাগ একেবারে এক সময়ে
৩৯ ডিগ্রী পর্যন্ত উত্তপ্ত থাকে। আমরা
বলিয়াছি যে এই পরিমাণে উত্তপ্ত জলে-
রই আপেক্ষিক গুরুত্ব সর্বাপেক্ষা অধিক।
তখন ঐ উপরিস্থ জলভাগ শীতল হইয়া
আর নীচে যাইতে পারে না। এক্ষণে
ক্রমে ঐ জল শীতল হইতে হইতে
৩২ ডিগ্রী পর্যন্ত যাইয়া বরফ হইয়া
পড়ে এবং উপরি ভাগেই ভাসিতে
থাকে। নিম্নস্থ জলভাগে মৎস্য প্রভৃতি
জীবজন্তুগণ অনায়াসে জীবন ধারণ
করিতে পারে। এই সমুদ্রায় কার্যের
অন্তরালে জগদীশ্বরের করুণাময় হস্তের
পরিচয় পাঠিয়া কোন পাবণ হৃদয়

ভক্তি রসে আপ্ত না হইয়া থাকিতে
পারে যতই পদার্থতত্ত্ব শিক্ষা করা যায়—
যতই অগনীথরের রচনা কোশলের দিকে

দৃষ্টি নিষ্ক্ষেপ করা যায় ততই তাহার অপার
জ্ঞান ও মহিমার পরিচয় পাটয়া তত-
জিজ্ঞাসু হৃদয় কৃতার্থ ও বন্দ্য হইয়া যায় ।

গৃহ-শ্রী ।

কিরূপে গৃহধর্ম সুচারুরূপে প্রতি-
পালন করিতে পারা যায়, গৃহের স্তম্ভ
সচ্ছন্দতা ও শ্রী বুদ্ধি করা যায়, অন্যান্য
শিক্ষার ন্যায় তাহাও সম্পূর্ণরূপে শিক্ষা-
সাধ্যক্ষ । এই শিক্ষার অপ্রতুলতা
আমাদিগের গৃহের শ্রী অনেক পরিমাণে
হানি করিয়াছে । কি উপায়ে স্বন্দর-
রূপে গৃহশ্রী সম্পাদন করিতে পারা যায়,
অনেক গৃহিনী তাহা অবগত নহেন ;
ইহা অবগত হওয়া যে কর্তব্য এ জ্ঞানও
অধিকাংশের নাই । অনেকে মনে
করেন, এ সামান্য বিষয়ও কি আবার
শিক্ষা করিতে হয়, এ শিক্ষা লাভ আপনা
হইতেই হইয়া থাকে । বিষয়টা সামান্য
হইতে পারে, কিন্তু ইহার শিক্ষা লাভ
যে আপনা হইতে হয় না, অনেক গৃহের
হৃদয় তাহা সম্পূর্ণরূপে সপ্রমাণ করিয়া
দিতোছে । আমরা বাহা বলিতে চাই,
তাহা বাক্যে সম্পূর্ণরূপে ব্যক্ত করা
কঠিন । দুইটা সমান গৃহ রহিয়াছে,
উভয় গৃহেই গৃহসজ্জার সামগ্রী তুল্যরূপ
আছে, অথচ এই দুইটা গৃহের একটাতে
প্রবেশ করিলে যেন কেমন এক প্রকার
আশ্চর্য্য শ্রী দেখিতে পাওয়া যায়, যে

দিকেই দৃকপাত করি, চক্ষু যেন সেই
দিকেই আকৃষ্ট হইয়া থাকে, আর
কিরিতে চাহে না ; একটা সামান্য বস্তু
এক স্থানে স্থাপিত আছে, অথচ তাহা
এমন সুন্দর ভাবে স্থাপিত যে তাহার
প্রশংসা না করিয়া ক্ষান্ত হওয়া যায়
না । সে গৃহে প্রবেশ করিলে প্রাণে
আরাম বোধ হয়, চক্ষু তৃপ্ত হয়, মনে
আনন্দের উদ্বেগ হইয়া থাকে । অপর
গৃহে প্রবেশ করিয়া দেখ, গৃহসজ্জার
দ্রব্য সামগ্রীর কোন অপ্রতুল নাই ;
কিন্তু এমন বিশৃঙ্খল ভাবে স্থাপিত
যে দেখিলেই বিরক্তি জন্মে, একদিক
হইতে অপর দিকে যত শীঘ্র চক্ষু
ফিরাইয়া লইতে পারা যায়, ততই যেন
শান্তি হইবে বলিয়া মনে হয় ; কিন্তু সে
শান্তি সে আরাম কোন দিকেই পাওয়া
যায় না, বিরক্তির পর অধিকতর বিরক্তি
ক্রমে উপস্থিত হইতে থাকে । যে দিকে
চাই সেই দিকেই নানা একার যুঁত
দেখিতে পাওয়া যায়, এবং গৃহ হইতে
বহির্গত হইতে পারিলে আরাম বোধ
হয় । যিনি এরূপ পুরস্কৃত বিকল্প
ভাব উৎপাদক হই খানি গৃহ

দেখিতে পাইয়াছেন, তিনি অন্যায়সে বৃষ্টিতে পারিবেন আমরা কি বলিতে চাহিতেছি। পাঠিকা, আপনারা কি এরূপ পরস্পরবিরুদ্ধ দৃশ্য দর্শন করেন নাই? যদি করিয়া থাকেন তবে অবশ্যই তাহার কারণও অনুভব করিয়া থাকিবেন। যে কারণ আর কিছু নহে, পরস্পরের শিক্ষা ও রুচিগত পার্থক্য। কিন্তু গৃহের শ্রীসাধন করিতে হয়, একজনে তাহা জানেন, অপরে তাহা জানেন না, এই কারণেই ছুই গৃহের শোভা সৌন্দর্যের এত পার্থক্য হইয়া থাকে।

অনেকের এরূপ সংস্কার আছে যে, গৃহের পারিপাট্য বিধান করিতে হইলে বিশেষ অর্থের প্রয়োজন। বস্তুতঃ একথা সম্পূর্ণরূপে ঠিক নহে। বহুমূল্য দ্রব্য সামগ্রীতে গৃহের সৌন্দর্য্য বৃদ্ধি করিবার অভিপ্রায় থাকিলে অবশ্যই অধিক অর্থের প্রয়োজন হইবে, তাহার সন্দেহ নাই। কিন্তু বহুমূল্য দ্রব্য ব্যতীত যে গৃহের সৌন্দর্য্য রক্ষা হয় না, তাহা নহে। অল্প পরিশ্রম, অথবা বিনা পরিশ্রমও এমন অনেক দ্রব্য পাওয়া যায়, সুকৃতি থাকিলে যদ্বারা গৃহের বিশেষ শোভা ও সৌন্দর্য্য বর্দ্ধন করা যাইতে পারে। আর শিক্ষা ও সুকৃতির অভাব হইলে বহু অর্থব্যয় করিয়াও গৃহের শ্রী রক্ষা করা যায় না। আমরা অনেক সময়ে আমাদের দেশের বড় লোকদিগের গৃহ বহুমূল্য চাকচিক্যময় দ্রব্যে সজ্জিত

দেখিয়া যে আনন্দ পাত না করিয়াছি, একজন সামান্য লোকের কুটীবে গবেশ করিয়া সেই গৃহের সুসজ্জিত অবস্থা দর্শন করিয়া তাহার শতগুণ সুখ লাভ করিয়াছি। তখন মনে হইয়াছে কেবল আমাদের দেশের কুলকন্যাগণের এরূপ শিক্ষা লাভ হইবে, বাহার বলে তাহারা আপনাদিগের গৃহকে অতি সামান্য ব্যয়ে এরূপ সুসজ্জায় সজ্জিত করিতে পারিবেন, বাহা দেখিলে নরন মন পরিতুষ্ট হইবে; গৃহ চির শান্তি ও সুখের আলয় বলিয়া বোধ হইবে।

এস্থলে ইহা স্বীকার করিতে হয় যে, প্রাচীনদিগের অপেক্ষা আধুনিক শিক্ষিতা কুলকন্যাগণের রুচি অনেক পরিমাণে সুসজ্জিত হইয়াছে; তাহার গৃহের শ্রী সাধন করিতে অনেকাংশে পটুতা লাভ করিয়াছেন। কিন্তু তথাপি ইউরোপীয় কুলকন্যাগণের সহিত তুলনা করিলে তাহাদিগের পটুতা অতি সামান্য বলিয়া বোধ হয়। গৃহকে কিন্তু সুসজ্জিত করিতে হয়, তাহা ইউরোপীয় কুলকন্যাগণ রীতি পূর্বক শিক্ষা করিয়া থাকেন; এ সম্বন্ধে ইংরাজি প্রভৃতি ভাষার অনেক গ্রন্থ বিদ্যমান আছে।

যে সকল সরিল গৃহের গৃহিণীগণের গৃহসজ্জায় পটুতা নাই, বাহাদিগের গৃহের মোহন মূর্তির অপ্ৰতুলতা বশতঃ গৃহস্বামিগণের মনকে গৃহে আবদ্ধ করিয়া রাখিতে সমর্থ নহে, তাহাদিগের

দ্বিতার্থে পরহিতব্রতা রমণীগণ তাহাদিগের গৃহকে সুসজ্জিত করিয়া দিবার ভার গ্রহণ করিয়াছেন। কুমারী অষ্টে-বিয়া ছিল প্রভৃতি মহিলাগণ এ বিষয়ের প্রধান উদ্যোগিনী। তাহাদিগের যজ্ঞ অনেক দরিদ্রের গৃহের বিকৃত মূর্ত্তি দূর হইয়াছে; যে স্থানে লোকে হঠাৎ এবিষ্ট হইলে তৎক্ষণাৎ সে স্থান হইতে বহির্গত হইবার চেষ্টা করিত, সে স্থানে এখন বসিতে আর অপ্রবৃত্তি হয় না, গৃহের প্রকৃত্য তাব শ্রী শোভা সন্দর্শন করিলে নন তৃপ্ত হইয়া থাকে! এই সকল সামান্য কুটিরের সহিত তুলনা করিলে আনাদিগের দেশের অনেক রাজপ্রাসাদকে ধিক্কার দিতে ইচ্ছা হয়। অথচ এই সকল সামান্য কুটিরের শোভা সৌন্দর্য্য বৃদ্ধি করিতে বহু অর্থ ব্যয় হয় নাই; অতি সামান্য ব্যয়ে এই সকল কার্য্য সুসম্পন্ন হইতেছে। তাহাদিগের আর ব্যয়ে গৃহ সুসজ্জিত করিবার ইচ্ছা আছে, এবং যে সকল কুলকন্যা

ইংরেজী জানেন তাহাদিগকে আমরা অনুরোধ করি যে তাহারা অষ্টেবিয়া দিলের রচিত এতৎসংক্রান্ত গ্রন্থ ক্রয় করিয়া পাঠ করিবেন। দরিদ্রদিগের গৃহ কি প্রকারে সুসজ্জিত করিতে পারা যায়, তিনি তৎসম্বন্ধে এক খানি সুন্দর গ্রন্থ লিখিয়াছেন। তাহা পাঠ করিলে আমাদের পাঠিকাগণ অনেক জ্ঞান লাভ করিতে পারিবেন। যাহারা ইংরেজী জানেন না, তাহারাও আত্মীয় পুরুষদিগের সাহায্যে তাহার মর্ম্ম অনায়াসে অবগত হইতে পারেন। বস্ত্ততঃ মূল কথা এই, আমাদের সমাজে বাহাতে গৃহ-শ্রী পরিবর্দ্ধনের উপযুক্ত জ্ঞান জন্মে, তাহার চেষ্টা করা অত্যন্ত আবশ্যিক হইয়া উঠিয়াছে। আমরা আশা করি, আমাদের দেশের সুশিক্ষিতা মহিলাগণ এই জ্ঞান বিত্বারের বিশেষ সাহায্য করিবেন। তাহাদিগের প্রদত্ত পরামর্শাদি বানাবোধিনীতে সাদরে পরিগৃহীত হইবে।

কৃষকামিনী ।

কৃষকামিনী একজন সামান্য লোকের স্ত্রী ছিলেন। তাহার পতির পদগৌরব বা ধনগৌরব ছিল না, সুতরাং তিনি বড় লোকের শ্রেণী গণ্য নন। বাল্যকালে দেশপ্রচলিত প্রথাহুসারে পরিনীতা হইয়া তাহাকে অপরাগর, কুলবধু-

দিগের ন্যায় স্বশুরকুলে বাস করিয়া গৃহকার্য্য সকল সম্পাদন করিতে এবং পতি পুত্রের শুশ্রূষা করিতে হইত, সুতরাং তিনি আশাহরুপ বিদ্যাশিক্ষাও করিতে পারেন নাই। অতএব আমরা তাহার বিদ্যা বুদ্ধির সুখ্যাতি করিতে

বাইতেছি না। আমরা তাঁহার কতকগুলি
সদৃশ্যের উল্লেখ করিব।

এ ছুভাগ্য দেশে কোন্ রমণী কোন্
দিন জন্মিয়াছে এবং বাল্যকালে ও
যৌবনে কিরূপে দিন বাপন করিয়াছে,
তাহা আবার কে লিখিয়া রাখে সুতরাং
কৃষ্ণকামিনীর জন্ম দিন, ও বাল্যলীলা
আমরা বর্ণন করিতে পারিব না। সে
সম্বন্ধে এই মাত্র বলিলেই যথেষ্ট হইবে
যে কৃষ্ণকামিনী বর্ধমান জেলার অন্তঃ-
পাতী কোন গ্রামে কায়স্থকুলে জন্মগ্রহণ
করিয়াছিলেন।

অপরূপ কুমারীগণ কিশোর বয়সে
যে সকল খেলাধেলা করিয়া থাকে,
খেলাঘর বাঁধিয়া থাকে, পুতুল লইয়া
ক্রীড়া করিয়া থাকে, কৃষ্ণকামিনীও
সে রূপে খেলা অনেক খেলিয়া থাকিবেন
তাহা বলা বাহুল্য মাত্র। পাঠক
পাঠিকাগণ সহজেই তাহা অনুমান
করিতে পারেন। কৃষ্ণকামিনী এইরূপে
নিশ্চিন্তমনে খেলাঘর ও পুতুল লইয়া
ব্যস্ত ছিলেন, এমন সময়ে তাঁহাকে
পরিণয়পাশে বন্ধ করা হইল। তিনি
নিজের সুখের ও ভালবাসার সামগ্রী
গুলি হইতে বিচ্ছিন্ন হইয়া পতিগৃহে
গমন করিলেন, এবং পতি ও শ্রদ্ধা
প্রভৃতি গুরুজনের সেবাতে রত হইলেন।

ক্রমে যৌবনকাল উপস্থিত হইল,
কৃষ্ণকামিনী স্বীয় পতির সহিত কন্যোপ-
লক্ষে নানাস্থানে ভ্রমণ করিতে লাগি-
লেন। তিনি যেখানে গমন করেন, যে

পল্লীতে বাস করেন, সেখানে তিন
দিনের মধ্যে সকলে জানিতে পারে,
যে একজন সদাশয় ও হৃদয়বতী নারী
সে দেশে ও সে পল্লীতে আসিয়াছেন।
তিনি যদিও দেশপ্রচলিত রীতি অঙ্ক-
সারে অন্তঃপুরের ছুর্ভেদ্য যবনিকার
মধ্যে বাস করিতেন, তথাপি তাঁহার
প্রীতি সম্ভাব সেই যবনিকা অভিক্রম
করিয়া চতুঃপার্শ্বের প্রতিবেশিবর্গের
প্রতি ধাবিত হইত। ক্রমে কৃষ্ণকামিনী
যথানুযায়্য একটা পুত্র লাভ করিলেন।
এই পুত্রটি ভিন্ন তাঁহার আর কোন
সন্তান জন্মে নাই।

কিয়ৎকাল পরে কৃষ্ণকামিনীর পতি
মহাশয়ের ব্রাহ্মধর্মের প্রতি অত্যাশ্রয়
জন্মিল। কৃষ্ণকামিনীও পতির নিরুপ-
দেষ্টোপদেশ প্রাপ্ত হইয়া সম্পূর্ণ হৃদয়
মনের সহিত ব্রাহ্মধর্মে বিশ্বাস স্থাপন
করিলেন। এই সময় অবধি কৃষ্ণকামিনী
সকল প্রকার সমাজ সংস্কার কার্যে
পতির সহচারিণী হইয়া তাহার বিশেষ
সাহায্য করিতে লাগিলেন। তাঁহাদের
গৃহ ব্রাহ্মদিগের একটা প্রধান গন্তব্য
স্থান হইল। কৃষ্ণকামিনী নিজের চরিত্র
ও হৃদয়ের সাধুতার গুণে ব্রাহ্মসমাজ
মধ্যে অনেকের পরিচিত এবং শ্রদ্ধা ও
ভালবাসার পাত্রী হইলেন। ধর্মচর্চাতে
তিনি এত তৃপ্তি লাভ করিতেন, এবং
তাঁহার দ্বারা যতটুকু সাহায্য হয় তাহা
করিতে এত উৎসুক ছিলেন, যে
তিনি সেই জন্য অনেক সময় কলি-

কাতার আসিয়া ব্রাহ্মদিগের আগরে ও আশ্রমে বাস করিতেন। তাঁহার পুত্রটা বড় হওয়াতে এবং অপর সন্তানাদি না থাকাতে তাঁহাকে আর সংসারের কার্যের জন্য ব্যস্ত থাকিতে হইত না, সুতরাং তাঁহার পতিমহাশয়ও তাঁহার এই অন্তরের বাসনা পূর্ণ হইবার পক্ষে কোন ব্যাধাত উপস্থিত করিতেন না। তাঁহার একরূপ শিক্ষা বা শক্তি ছিল না, যে তিনি কোন প্রকার দেশ-হিত-কর কার্যের অহুষ্ঠান করেন, জগদীশ্বর তাঁহাকে কেবল মাত্র হৃদয়-ধনে ধনী করিয়াছিলেন, তিনি সেই হৃদয়ের দ্বারা যথাশাধ্য অপরকে সুখী করা আপনার জীবনের লক্ষ্য বলিয়া মনে করিয়াছিলেন এবং সেই জন্যই অপরের সেবাতে সর্বদাই আপনাকে নিযুক্ত রাখিতেন। এই সময়ে এক বার কৃষ্ণকামিনী একজন ব্রাহ্মধর্ম প্রচারক ও তাঁহার পত্নীর সহিত বোম্বাই নগরে গমন করিয়াছিলেন। সেখানে অবস্থিতকালে মহারাজার অনেক পুরুষ ও রমণীর সহিত তাঁহার পরিচয় ও আশ্রয়তা হয়। অনেক বৎসর গত হইল, এখনও সেই সকল লোক তাঁহাকে বিস্মৃত হইতে পারেন নাই। এখনও তাঁহারা তাঁহার সন্দেশ ব্যবহার, তাঁহার পোজনা ও তাঁহার গুণাবলীর প্রশংসা করিয়া থাকেন। কৃষ্ণকামিনী বোম্বাই হইতে প্রতিনিবৃত্ত হইয়া আবার পতির কন্যাস্থানে গিয়া বাস করিতে লাগিলেন।

ইহার কিয়ৎ কাল পর হইতেই তাঁহাদের সাংসারিক অবস্থা অত্যন্ত হীন হইয়া পড়িল। এত দিন তাঁহার পতি যে কিছু উপার্জন করিতেন, তাহাতেই তাঁহাদের সাংসারবাজা যুখে নির্বাহ হইত, কিন্তু এক্ষণে তাঁহার পতির কন্ডটা গেল। তিনি নানা সিকে নানা প্রকার কষ্টের সন্ধান করিতে লাগিলেন, কিন্তু কোন চেষ্টাই সফল হইল না। ক্রমে সাংসারিক সঞ্চলতা দারিদ্র্যে পরিণত হইল; দিনবাজা নির্বাহ করা হ্রস্ব হইয়া পড়িতে লাগিল। পতিমহাশয় কষ্টের চেষ্টায় সর্বদাই ইতস্ততঃ ভ্রমণ করিতেন, কৃষ্ণকামিনী একাকিনী সমুদায় চিন্তা ও চর্চাবনার বোঝা মস্তকে লইয়া ধন-ভালে অভিভূত হইতে লাগিলেন। যে দাম্পত্য প্রণয় এক সময় তাঁহাদের জীবনকে মধুরভাস পূর্ণ করিত, যে প্রেম, নিশ্চিন্ত ও সপ্রেম ভাব এক সময়ে তাঁহাদিগের গৃহের প্রধান আকর্ষণ ছিল, যে সু-মধুর সুনির্ধ্ব ব্যবহারে সকলের প্রাণ আপ্যায়িত করিত, ছুগ্ধে পড়িয়া, দারিদ্র্যের বস্ত্রধায় নিপতিত হইয়া সেই মধুর ভাবও সময়ে সময়ে মেঘচ্ছন্ন হইতে লাগিল। পত্নীর বিরক্তি-সূচক বাক্য ও পতির কক্কশ ভাষা মধ্যে মধ্যে প্রকাশ পাইতে লাগিল। কৃষ্ণকামিনীর প্রসন্ন, প্রজ্ঞা, সদানন্দ যুগেও বিপদের কালিয়া পড়িতে লাগিল। এই রূপে কিয়ৎকাল যায়। কৃষ্ণ-

কামিনী হঠাৎ বসন্তরোগে আক্রান্ত হইলেন। তখন তাঁহার পতি উপা-
 র্জনের চেষ্টায় বিদেশে বাস করিতে
 ছিলেন। তিনি একাকিনী বোর রোগে
 আক্রান্ত হইয়া অনেক ক্লেশ পাইতে
 লাগিলেন। বসন্ত রোগে আক্রান্ত
 হইয়াই কৃষ্ণকামিনী বৃষ্টিতে পারিয়া-
 ছিলেন যে সে যাত্রা তাঁহার প্রাণ-
 রক্ষা হইবে না। তখন তিনি পতিকে
 আনাইবার জন্য বাকুল হইলেন এবং
 তাঁহার বিশেষ প্রীতি ও প্রকৃতাভাজন
 ব্রাহ্মসমাজের এক জন আচার্যকে বার
 বার ডাকিয়া পাঠাইতে লাগিলেন।
 পতি দূর দেশ হইতে সমাগত হইলেন।
 কিন্তু আসিয়া দেখেন সে মূর্তি আর
 নাই; সেই মুখ অস্তমিত হইতেছে,
 আর চিনিবার উপায় নাই। পতি
 পত্নীতে মৃত্যুশয্যায় এই ভাবে সাক্ষাৎ
 হইল। অবশেষে মৃত্যুর দিন, সেই
 নির্দারুণ ঘটনার অল্পকাল পূর্বে সেই
 আচার্য্যও আসিয়া উপস্থিত হইলেন।
 রাত্রি তখন দ্বিপ্রহর, তাঁহার রাত্রে
 টেপেই আসিয়াছেন। আর কয়েক
 দণ্ডের পরেই প্রাণবায়ু তাঁহার দেহ
 পরিত্যাগ করিবে। তিনি তখন দারুণ
 রোগযন্ত্রণায় অধীর হইয়া নির্মীলিত
 নেত্রে ভাবিতেছেন। আচার্য্য মহাশয়
 সমাগত হইবামাত্র তাঁহার পুত্র ডাকিয়া
 বলিল “মা অমুক আসিয়াছেন, তুমি যে
 ডেকেছিলে, এখন চেয়ে দেখ। কৃষ্ণ-
 কামিনী নাম শ্রবণ মাত্র সেই বসন্ত-

রোগ-বিকৃত চক্ষুদ্বয় উন্মীলন করিলেন
 এবং ইহাতে সমাগত জানাইলেন এবং
 সেই ক্ষীণস্বরে জিজ্ঞাসা করিলেন
 তাঁহাদের আহার হইয়াছে কি না;
 আচার্য্য ডাকিয়া বলিলেন আমাকে
 কি বলিবার আছে বলুন। তিনি
 ক্ষীণস্বরে বলিলেন “পরমেশ্বরের নিকট
 প্রার্থনা করুন”। তদনুসারে সংক্ষেপে
 প্রার্থনা করা হইল। যখন পরমেশ-
 বরের নাম ও সংগীত হইল, মৃত্যু
 ডাকিয়া জিজ্ঞাসা করিল “মা। উপা-
 সনাতে কি মন দিতে পারিতেছ?”
 কৃষ্ণকামিনী উত্তর করিলেন “হঁ।” উপা-
 সনা শেষ হইলে রোগজীর্ণ ও অবসন্ন
 হস্ত প্রসারিত করিয়া তিনি স্বীয়,
 আচার্য্য মহাশয়ের হস্ত ও তত্পরি
 নিজ পুত্রের হস্ত দিয়া ক্ষীণস্বরে
 বলিলেন “আমি চলিলাম, মস্তানটীকে
 দেখিবেন” এই বলিয়া নীরব হইলেন।
 আচার্য্য তখন বৃষ্টিতে পারিলেন যে মৃত্যু
 পর্য্যন্ত পরমেশ্বরের পবিত্র নাম শ্রবণ
 করিবার জন্য এবং আচার্য্যের হস্তে
 পুত্রটীকে সঁপিয়া দিবার জন্যই তিনি
 তাঁহাকে বার বার নিমন্ত্রণ করিয়া
 পাঠাইয়া ছিলেন। অল্পক্ষণ পরেই
 তাঁহার চৈতন্য মিলাইয়া আসিল
 এবং প্রাণবায়ু দেহ পরিত্যাগ করিয়া
 গেল! তাঁহার মৃত্যুর কয়েক দিন
 পরেই তাঁহার পতি মহাশয়ও ঐ রোগে
 মানবলীলা সম্বরণ করিলেন।

কৃষ্ণকামিনীর সংক্ষিপ্ত জীবন-চরিত

এই। ইহাতে আশ্চর্য্য ঘটনা কিছুই
নাষ্ট, তবে আমরা এই ক্ষুদ্র জীবন-
চরিত লিখিলাম কেন? আমরা পূর্বেই
বলিয়াছি যে কৃষ্ণকামিনীর কতকগুলি
সদগুণ ছিল যে জন্য তিনি সকলের
শ্রদ্ধার পাত্রী ছিলেন, সেই জন্যই তাঁহার
নামোল্লেক করিলাম। কৃষ্ণকামিনীর
একটা প্রধান সদগুণ সরলতা। স্বদেশে
বিদেশে যিনি যখন তাঁহাকে দেখিয়াছেন,
সকলেই তাঁহার ভগিনীর ন্যায় চরিত্র,
নিরবস্থার সরল, অমায়িক, ও পৌজন্য-
পূর্ণ ব্যবহার দেখিয়া মুগ্ধ হইয়াছেন।
এই সদগুণের জন্য তাঁহার গৃহ তাঁহার
পতির বন্ধুবান্ধবগণের পক্ষে বিশেষ
আকর্ষণের বস্তু হইয়াছিল। স্বর্ঘ্যের
উত্তাপে নক্ষ ও পৃথগ্নে ক্রান্ত হইয়া
সুস্মিদ্ধ জ্বায়ায়ুত স্থানে প্রবিষ্ট হইলে
মাহুয যেমন শীতলতা অহুভব করে,
তাঁহার গৃহে উপস্থিত হইলেও সেই
প্রকার ভাব অহুভব করা বাইত।
তাঁহার স্বদয়ে প্রেম এবং অধিক ছিল
এবং তিনি আতিথ্যের রীতি এমন উৎ-
কৃষ্ট রূপ জানিতেন, যে বাহির বাড়িতে
কোন পণ্ডিত লোক উপস্থিত হইলে
পাঁচ মিনিটের মধ্যে জানিতে পারিত যে
বাড়ীর মধ্যে বস্তু করিবার লোক একজন
আছেন। নবাগত অতিথির সেবার
জন্য যখন বেটার প্রয়োজন, তখন সেটা
উপস্থিত হইত। বোধ হইত গৃহিণী
যেন কাজ কর্তব্য পরিত্যাগ করিয়া অতি-
থির পরিচর্যাতেই নিযুক্ত হইয়াছেন।

স্বামী বন্ধুবান্ধব কেহ উপস্থিত হইলেও
কথাই নাই। অন্ধমণ্ডের মধ্যে লোকের
উপর লোক আসিয়া তাঁহাকে স্পর্শ
করিয়া তুলিত, আর বাহিরে থাকিতে
দিত না—মাঠাকুরাণ বাড়ীর মধ্যে
আসিতে বসিতেছেন। বাড়ীর মধ্যে
প্রবেশ হইত কৃষ্ণকামিনী ভগিনীর ন্যায়
আমরের বসিতে আসন দিয়া অল্প ব্যঞ্জন
সদগুণে প্রবৃত্ত হইতেন। গৃহে
পাচিকা থাকিলেও সে কয়দিন তাঁহাকে
কাঁচা হইতে অবগর দেওয়া হইত, তিনি
স্বস্থে অল্প ব্যঞ্জন প্রস্তুত করিয়া গৃহাগত
বন্ধুর পরিচর্যা প্রবৃত্ত হইতেন। অধিক
কি তাঁহার এই পবিত্র ভগিনী ভাবে,
এই সরল অমায়িকতাকে, এই মেহপূর্ণ
ব্যবহারে চিত্ত এমন মুগ্ধ হইত যে
একবার, তাঁহাদের গৃহে গেলে তৎপর
অবধি তাঁহাদের বাড়ীটা ভীষণত্বের
ন্যায় বোধ হইত। তাঁহার পাঁচ
কোশের মধ্যে গেলেও মন একবার
সেইদিকে বাইবার জন্য উৎসুক হইত।

কৃষ্ণকামিনীর নিজের সন্তান সন্ততি
অধিক ছিল না, কিন্তু তিনি সর্বদাই
পরীক্ষা বাগল বাগিকাগণে পরিবেষ্টিত
হইয়া থাকিতেন, তাহাদের জন্য নিত্য
অল্প ব্যঞ্জন প্রস্তুত করিতেন, খাদ্য সামগ্রী
সুক্ষিত রাখিতেন। পরের সন্তানকে
এমন করিয়া পাওয়াইতে চোয়াইতে,
কোড়ে গাইতে ও চুম্বন করিতে প্রায়
দেখি নাই। তিনি যদি দশটা স্ত্রী-
লোকের মধ্যে বাস করিতেন, সেই দশটা

স্রীলোকের পুত্রকন্যা তাঁহার পুত্রকন্যার
ন্যায় হইত। তিনি যেমন আদর
করিতেন, তেমনি অন্যায় করিলে মাজা
দিতেন। সম্ভানের অঙ্গে হস্ত নিজে
মাসের প্রাণে প্রায় সহ্য হয় না। কিন্তু
কৃষ্ণকামিনীর অকপট ভালবাসার প্রতি
মাতাদিগের এখন বিশ্বাস ছিল, যে তাঁহার
নিগ্রহে কোন জননীর কণ্ঠও অসন্তোষ
হইত না। তাঁহারা সম্ভানগুলিকে
সুসজ্জিত করিয়া কৃষ্ণকামিনীর নিকট
প্রেরণ করিতেন, কৃষ্ণকামিনী তাহাদিগকে
সইয়া বাস্ত থাকিতেন।

কৃষ্ণকামিনীর তৃতীয় একটা মহৎ
সদৃশ্য এই দেখা গিয়াছিল যে তাঁহার
বিলাস-বাসনা বা শারীরিক সৌন্দর্যের
দিকে কিছুমাত্র দৃষ্টি ছিল না। সর্ব-
দাই সামান্য বসন ভূষণ পরিধান করিয়া
থাকিতেন। স্বামীর অবস্থা যখন ভাল
ছিল, তখন অনেক বলিয়াও তাঁহাকে
একখানি উৎকৃষ্ট বা মূল্যবান অলঙ্কার
পরিধান করান বাইত না। সে দিকে
তাঁহার দৃষ্টিই ছিল না, তিনি মানসিক
সৌন্দর্য লাভ করিবার জন্য অধিক
উৎসুক ছিলেন।

কৃষ্ণকামিনী একজন উচ্চবরের বিদ্বতী
রমণী না হইলেও বিদ্যার প্রতি তাঁহার
বিশেষ অহুরণ ছিল এবং তিনি জ্ঞানো-
পার্জনে কণ্ঠও বিরত ছিলেন না। তিনি
নিজের গৃহে বালিকাবিদ্যালয় প্রতিষ্ঠিত
করিয়া পাড়ার বালিকাদিগকে স্বয়ং
যত্নের সহিত শিক্ষা দিয়া আসিয়াছেন।

অধিক বয়সেও ছাত্রীর যত স্বয়ং শিখিয়া
অন্যকে শিখাইতে লজ্জিত হইতেন না।
আমাদিগের বামাবোধিনী তাঁহার বিশেষ
আদরের বস্তু ছিল, তিনি প্রথম হইতে
ইহা গ্রহণ করিয়া অতি বয়স পূর্বক ইহা পাঠ
করিতেন, ইহার উন্নতি করে কিছুকাল
মাসিক কিছু কিছু অতিরিক্ত সাহায্যও
করিতেন। তাঁহার অবস্থা হীন হওয়াতে
অতি দুঃখের সহিত তাহা বন্ধ করিতে
বাধ্য হন।

কৃষ্ণকামিনীর হৃদয় কিরূপ ছিল
তাঁহার প্রেমাময়রূপ অধিক বলিবার
প্রয়োজন নাই। তাঁহার মৃত্যুর অব্যব-
হিত পূর্ব কালের যে দৃশ্যটা ইতিপূর্বে
বর্ণন করা গিয়াছে, পাঠিকাগণ তাহার
বিষয় একবার চিন্তা করিয়া দেখুন।
তিনি যখন রোগ যন্ত্রণায় বিচেতন-
প্রায় হইয়া আছেন, যখন মৃত্যুর পূর্ব-
কালীন দ্বন্দ্ব বহির্ভেদে বলিলেও হয় সে
সময়েও স্বামীর বন্ধুদিগকে দেখিবামাত্র
প্রথম প্রসন্ন এই করিলেন তাঁহাদের আশা-
রাহি হইয়াছে কি না? মৃত্যুকালে পরমে-
শ্বরের নাম হয় এই প্রার্থনাও জানাইলেন।

তাঁহার জীবনের শেষ দৃশ্যের মধ্যে
আর একটা ভাব কেমন মধুর! মাতৃ-
স্নেহ যে কি আশ্চর্য পদার্থ, তাহাও
আমরা জানিতে পারিতেছি। বসন্ত-
রোগের যাতনা কিরূপ তাহা সকলেই
সহজে কল্পনা করিতে পারেন, এবং
তখন শেবদশা—তাঁহার স্বর ভঙ্গ, দৃষ্টি
ক্লীণ, প্রভৃতি মৃত্যুর সমুদায় পূর্ব লক্ষণ

একে একে ঘটিতেছে, এমন সময়ে
মানুষের নিজের বাতনাতে নিজে অধীর
হওয়াই স্বাভাবিক। কিন্তু যাতুপ্রেমের
কি আশ্চর্য্য শক্তি, এমন সময়েও যত্না
বজ্ঞপাকে বিস্থত করাইল। নুর্মূৰু হৃদয়েও
সন্তানের জন্য চিন্তার উদয় হইল এবং
সন্তানের জন্য অহুরোধ করিতে ভুলি-
লেন না। এই নিঃস্বার্থ প্রীতির গুণেই
নারীজন্মের চিরকাল শ্রেষ্ঠ। এই সকল
ছবিই আমাদের এই কষ্ট দুঃখ পাপ তাপ-
পূর্ণ সংসারে প্রদান দর্শনীয় পদার্থ;
নারী-জন্মের এই সকল আশ্চর্য্য ভাব
ধাকাতেই আমাদের মানব সমাজ মিষ্ট
পদার্থ হইয়াছে। কিন্তু জগতে কি অবি-
চার চিরদিন চলিয়া আসিতেছে, যে

বাহাদের নিরপম মেহে আমরা অসহায়
শৈশবে রক্ষিত হইয়াছি, বাহাদের
কোমল হস্তে আমাদের স্নানস্নান দেহ
প্রতিপালিত হইয়াছে, বাহাদের নিঃস্বার্থ
প্রেম তরণ বয়সে আমাদের সঙ্গী ও
সহায় হইয়া দুঃখের ভার লবু করিতেছে,
বাহাদের মেহ ভালবাসা যত্নসময়েও
ছাড়ে না, সেই নারীজাতি চিরকাল
প্রদীপিত ও অত্যাচারিত হইয়া আসিতে-
ছেন। এই অবিচারেই জনসমাজের এত
ভ্রগতি। রমণীগণ যত সমাজ মধ্যে
সন্ত্রম ও আদর পাইবেন, যতই তাঁহারা
তাঁহাদের প্রাপ্য অধিকার লাভ করিবেন,
ততই জনসমাজের অবস্থার উন্নতি
হইবার সম্ভাবনা।

বসন্তের প্রতি শীতের সস্তাবণ।*

এসো দিদি রাজরাণি, এসো এসো কুশলে,
তোমার আমার আশে স্নেহে ভাসে সকলে।
রসবতী মধুমতী মধু ঢালো ভুবনে,
সস্তাবে তাইতে তোমা সকলে সবতনে।
শবাকার দেখে, সুখে আমার এ পরশে,
বিরস বিটগী লতা স্নেহে এবে সরসে।
আসিতেছে তব দূত মৃদুপদ চলনে,
মলয় নিলয় হতে এই বঙ্গ ভবনে।
তাতেই প্রকৃতি সতী বিকশিত হোচনে
হাসির তরঙ্গ হেরে বসুধার বদনে।
ছয় বোন ছয়গতু এক মার উদরে
জননি জীবন বাপি বাপ মার আদরে।

* রাণাবাট শ্রীপদ্মী মেসার ৪র্থ বার্ষিক উৎসবে তত্ত্বতা বালিকাগণ কর্তৃক সমন্বয়ে পঠিত।

কত রনে বালাধেনা খেলি, শেষে ঘোবনে
 আইলাম পত্নীভাবে স্বর্গরাজ ভবনে ।
 দ্রুপদবতী শৃগবতী রসবতী রমণী
 হয় সে পতির ঘরে আদরের ঘরনী ।
 সতিন পোড়ারদুখী হয় তার দাসী লো,
 শ্বশুরের ঘর করা গলে তার কানী লো ।
 আমাদের কর্তা যিনি এক চোকো নয় লো,
 সকল নারীর পর সমান বডন লো ।
 পেয়েছি দুমাস পালা পতির আদেশে লো,
 তাই যোরা আসি ঘাই বরষের ঘরে লো ।

কিন্তু সই এ সংসারে কিছু জুথ পাইনে,
 অভাগীর মুখে ছাই মরে কেন বাইনে ।
 কেবা আছে ভালবাসে মনে কই আসে না,
 সবে করে দূর দূর কেহ ভালবাসে না ।
 মুখপোড়া ফুলগুলা প্রায়ই ত হামি না,
 বাতাসের মুখে ছাই কেহ তায় রসে না ।
 কোকিলের বাকরোধ একবারো গায় না,
 ঘাটেপড়া ভ্রমরা সে ফিরেও ত চায় না ।
 দেখিলে আমার মুখ কারো জুথ হয় না,
 এ জুথ কাহারে কহি প্রাণে আর সয় না ।
 তুমি ছাড়া পাঁচ বোন সকলের এ দশা,
 ইহসংসারের জুথে নাহি কার ভরসা ।
 নিদাঘ পুড়িয়া মরে আপনার আগুনে,
 হাবুডুব খায় বর্ষা আপনার প্রাণে,
 শরৎ কতক জুথী শারদার প্রসাদে,
 হেমন্ত রোগের ঘর শ্রিয়মাণ বিষাদে ।
 আমার জুথের কথা আগেই ত বোলেছি,
 অনেক ছুৎথেতে আজ মনোদার খুলেছি ।
 দূর দূর করে সবে ঘরে বেতে দেয় না,
 মুখ ঢেকে মরে সদা যম মুখ দেখে না ।

তাই বলি এসো দিদি, এসো এসো কুশলে,
 দেবের বাহিত পদ রাখ এই ভূতলে ।
 তোমার সম্ভাব হেতু কত তাঁক হবে লো,
 পথে ঘাটে মধুছড়া সহকার দেবে লো ।
 মাধবী মনের সাধে জরমানা মারিবে,
 শোভাগ্রন দস্ত মেলি কত হাসি হাসিবে ।
 কিংসুক মনের স্রুথে রক্তবাস পরিবে,
 সুরঙ্গে বিহঙ্গকুল কত গান ধরিবে ।
 মধুভবা কুলকুল চারিদিকে ছুটিবে,
 কলারে রামন মত্ত মধুকর ছুটিবে ।
 স্বপ্ন স্বপ্ন হবে শিল্পী বাজনা বাজাইবে,
 দিগঙ্গনা দিব্যবেশে জগৎ মাতাইবে ।

* * *

তাই বলি স্নেহো রাণি, এসো এসো কুশলে,
 যাই চলি, ছড়াঝাট দিক এবে মকলে ।
 আমার জাগার সবে আশাতন হয়েছে,
 কতক্ষণে যাবো বলি সদা গালি পাড়িছে ।
 মরণ কামড় দিয়ে চলে যাই তবে লো,
 সোয়ামির ঘর কর মনের স্রুথে লো ।
 আসি তবে প্রিয়সখি, এই ভিক্ষা চাই দো,
 দেখি শ্রীপঞ্চমী মেলা বার বার যাই লো ।

নূতন সংবাদ ।

১। বঙ্গদেশ হইতে দুইটা বালিকা চিকিৎসা-বিদ্যা শিক্ষার্থ ইতিপূর্বে মাজাজে গমন করিয়াছেন। সম্প্রতি বিবী জোসিয়া নারী একটা রমণী এই উদ্দেশে ইংলণ্ড যাত্রা করিয়াছেন। কলিকাতা মেডিকাল কলেজে স্ত্রীলোকদিগের শিক্ষার বন্দোবস্ত কবে হইবে ?

২। ভারতবর্ষে স্ত্রী-চিকিৎসকদিগের সাহায্যার্থ যে ক্ষণ হইবার প্রস্তাব হইয়াছে, ইতিমধ্যে বোম্বাই হইতে তাহার জন্য ১৮ সহস্র টাকা টাঁদা স্বাক্ষরিত হইতেছে। আমরা আশা করি সকল প্রদেশ হইতে এবিষয়ে আত্মকৃত্য প্রদত্ত হইবে।

বামাগণের রচনা।*

চরিত্র সংগঠন।

মনুষ্য নিজের জীবন সুখপূর্ণ করিবার নিমিত্ত আপন বুদ্ধিবৃত্তি ও বিচারশক্তির চালনা দ্বারা পৃথিবীর সকল বস্তুকে নিজের ব্যবহারোপযোগী ও মনোরম করিয়া লইয়া থাকেন। তিনি সৌন্দর্য-প্রিয় জীব বলিয়া সকল পদার্থকেই চক্ষুর তৃপ্তিকর করিয়া লইতে সাধ্যানুসারে চেষ্টা করেন। তাঁহার জ্ঞান ও বুদ্ধির উন্মেষের সহিত শিল্পনৈপুণ্যও বর্দ্ধিত হইতেছে। তিনি বুদ্ধিজীবী ও বিবেক-সম্পন্ন হওয়াতে অপর সকল জীবের উপর শ্রেষ্ঠত্ব লাভ করিয়াছেন। মানব তাঁহার চতুর্দিকস্থ বস্তু সকলকে উন্নত অবস্থাতে আনয়ন করিবার জন্য সর্বদা ব্যাকুল। যিনি অল্প পদার্থ সকলকে বহু আয়াসে ব্যবহারোপযোগী ও নয়নতৃপ্তিকর করিতে নিরত ব্যক্ত, তিনি কি আপন হৃদয় ও চরিত্রকে সেই অনন্ত মহান্ পরমেশ্বরের কার্যোপযোগী ও তাঁহার নয়নতৃপ্তিকর করিতে অক্ষম? যিনি অরণ্য হইতে কাষ্ঠ খণ্ড সংগ্রহ করিয়া নিজের বুদ্ধি ও শিল্প-নিপুণতা গুণে বৃহৎ বৃহৎ অর্ণবিশান সমূহ প্রস্তুত করিয়া তৎসাহায্যে অসীম মহাসাগরের উত্তাল তরঙ্গোপরি গমনাগমন করিতে পায়েন; যিনি বন্ধুর প্রেতর খণ্ড দ্বারা গগনস্পর্শী চিত্তহারী দেবমন্দির সকল নির্মাণ

করিতে সক্ষম, যিনি বস্তুরূপার অভ্যন্তরে প্রবিষ্ট হইয়া বিমিশ্র ধাতুখণ্ড সকল সংগ্রহ পূর্বক বহু আয়াসে স্বর্ণ রৌপ্য ও লৌহ রাশিকে পরিকৃত ও বিগুহ করিয়া তদ্বারা কমনীয় অলঙ্কার ও বিবিধ প্রকার মূর্তি সকল নির্মাণ করিতে সমর্থ হইয়েন, যিনি সাগরগর্ভে নিমগ্ন হইয়া বহুমূল্য মুক্তারাশি সংগ্রহ পূর্বক রমণীয় ছাতি-মান অলঙ্কার প্রস্তুত করিতে নিপুণ, তিনি কি আপন হৃদয়কে গঠিত, পরিকৃত ও অলঙ্কৃত করিতে সমর্থ নহেন? মানব কেবল ভূগর্ভ হইতে খনিজ পদার্থ উত্তোলন করিয়া নিশ্চেষ্ট থাকিবেন? তিনি কি একবার তাঁহার নিজের হৃদয় অভ্যন্তরে প্রবিষ্ট হইয়া অন্তরস্থিত বহু-মূল্য রত্ন সমূহ বন্ধুরা পরমপাতা তাঁহার হৃদয় বিভূষিত করিয়া রাখিয়াছেন, তাহা মার্জিত ও পরিশুদ্ধ করিবেন না? যিনি মহারণ্যবাসী হৃদান্ত তিগ্রস্র বলিষ্ঠ জীব-লিগকে দমন করিতে সক্ষম, যিনি মহাসাগর-নিবাসী মকর-হালার প্রভৃতির হস্ত হইতে মুক্ত হইবার উপায় উদ্ভাবন করিতে সমর্থ, তিনি কি আপন হৃদয়বাসী হ্রস্ব রিপুকুলকে বশীভূত করিতে ও চিত্তের কুবাসনা ও কুপ্রবৃত্তি সমূহকে দমন করিবার উপায় স্থির করিতে একেবারে অক্ষম? যিনি সূকঠিন হীরক

খণ্ডকে ইচ্ছানুসারে কর্তন করিয়া উদ্ধার।
নানাবিধ অলঙ্কার ও শিরোভূষণ নিৰ্ম্মাণ
করিতে কৃতকাৰ্য্য হইলেন, যিনি লৌহ
রাশিকে উদ্ধাপ দ্বারা তরল করিতে
পারেন, তিনি কি নিজের চরিত্রকে
ভঙ্গ করিয়া পুনরায় ইচ্ছানুসারে পুনর্গঠন
করিতে ও বাসনা সকলকে বশীভূত
রাশিতে নিতান্ত অসমর্থ? মানবের বুদ্ধি
যদি সুব্রহ্মা অট্টালিকা, মনোহর রাস-
প্রাঙ্গণ ও অলঙ্কার দৃঢ়কায় পিরামিড
নিৰ্ম্মাণ করিতে কৃতকাৰ্য্য হইতে পারে,
তবে কি তাঁহার পক্ষে মানব-চরিত্রকে
দৃঢ়, বলিষ্ঠ ও মনোহর করা নিতান্ত
অসম্ভব? যিনি বুদ্ধিশক্তি ও বিবেকের
চালনা দ্বারা অত্যাশ্চর্য্য শিরচাতুরী
প্রদর্শন করিতেছেন, যিনি নিজ জ্ঞান-
প্রভাবে আকাশবাহী মেঘমালায় মধ্য-
স্থিত তাড়িতমালাকে আপন বয়সমধ্যে
আনয়ন পূর্বক তাহার সহিত জ্বীড়া
করিতেছেন, তাঁহার কি আপন হৃদয়কে
হৃবিমল, মনোহর ও কোমল না করিয়া
নিশ্চিত থাকি কৰ্ত্তব্য?

মানব যদি ইচ্ছা করেন, চেষ্টা করেন
ও ব্যাকুলতার সহিত তাঁহার চিত্তের
উন্নতি সাধনে ও চরিত্র গঠনে প্রবৃত্ত হন,
তবে নিঃসন্দেহ কৃতকাৰ্য্য হইতে
পারেন। তিনি দৃঢ়প্রতিজ্ঞ হইলে
নিশ্চয়ই সর্ব প্রকার হিতকর সমুদ্রষ্টানে
সফলকাম হইবেন। তিনি যেমন
বিনাশকে কাষ্ঠ পণ্ডকে অৰ্ণবধানে পরি-
ণত করিতে পারেন না, সেইরূপ অক্লেপে

ও বিনা পরিভ্রমে তিনি কখনও আপন
চিত্ত সংযমন ও চরিত্র গঠন করিতে
কৃতকাৰ্য্য হইবেন না। বিমিশ্র অৰ্ণ বে-
দ্রূপ অগ্নির উদ্ধাপ ভিন্ন বিগুহ্ব হয় না,
সংসারাসক্ত মানবচিত্তও সেইরূপ
পরীক্ষা ও বিপদে গতিত না হইলে
উন্নত ও বিগুহ্ব হয় না। ঈশ্বর যত
বিপদ, পরীক্ষা ও ক্লেশ প্রেরণ করেন,
সে সমস্তই আমাদের উপদেষ্টা। তাঁহার
মঙ্গলজনক নিয়ম লক্ষণ করিলে এবং
তাঁহার প্রদর্শিত পথ পরিত্যাগ করিয়া
পাপের দিকে অগ্রসর হইলেই এই
সমস্ত যাতনা ও ক্লেশরাশি আশিয়া
আমাদিগকে শিক্ষা প্রদান করিতে
থাকে। বহু আয়াসে আত্মা, হৃদয় ও
মন স্তব্ধ ও বিগুহ্ব হয়।

সেই পরম কল্পণাময়ী জননীকে
আমাদের গুরুত্বকপ জ্ঞান করিয়া যদি
আমরা কার্য্যক্ষেত্রে অগ্রসর হই, আমা-
দের হৃদয় মনকে উন্নত করিবার জন্য যদি
তাঁহার সাহায্য প্রার্থনা করি, তবে
নিশ্চয়ই আমরা কৃতকাৰ্য্য হইব। তিনি
আমাদের সম্মুখে বর্তমান থাকিয়া পথ
প্রদর্শন করিবেন এবং আমরা তাঁহার
রূপায় নিশ্চয়ই পরিশেষে সফলকাম
হইব। এক্ষণে যত প্রকার পরীক্ষা ও
বিপদ আশিয়া আমাদিগকে বিভীষিকা
প্রদর্শন করিতেছে, তদ্বারা আমাদের
হৃদয় বিনীত ও বিগুহ্ব হয়; এবং ইহা-
রাই আমাদের হৃদয়কে সমুদ্রে বিভূষিত
হইবার উপযুক্ত করিয়া থাকে।

পুস্তকাদি সমালোচনা স্থানভাবে প্রকাশিত হইল না।

বামাবোধিনী পত্রিকা ।

THE
BAMABODHINI PATRIKA.

“कन्याधैवं पालनीया शिक्षणीयातिथ्यतः ।”

কন্যাকে পালন করিবেক ও বহুর সহিত শিক্ষা দিবেক ।

১১৯
সংখ্যা ।

চৈত্র ১২৮৯—এপ্রেল ১৮৮৩ ।

২য় কল্প
৪র্থ ভাগ

সাময়িক প্রসঙ্গ ।

ভারতেতিহাসের সর্বপ্রথম মহানন্দকর
এই ঘটনাটি স্বর্ণাকরে ধোদিত হউক—
গত ১২ই মার্চ কলিকাতা বিশ্ববিদ্যালয়ের
উপাধিদান মহাসভায় কুমারী কাদম্বিনী
বসু ও কুমারী চন্দ্রমুখী বসু বি এ
উপাধি দ্বারা ভূষিত হইয়াছেন। এই
অভূতপূর্ব ঘটনা চর্চনার্থ বহুলোকের
জনতা হইয়াছিল, ইউরোপীয় এবং
দেশীয় অনেক মহিলাও সভায় অলঙ্কৃত
করিয়াছিলেন। চন্দ্রমুখী ও কাদম্বিনী এ
দেশের মুখ উজ্জ্বল করিয়াছেন এবং এ
দেশীয় নারীজাতির অগ্রদূত হইয়া তাহা-
নিগের উন্নতির পথ উন্মুক্ত করিয়া
দিয়াছেন। জগদীশ্বর আশীর্বাদ করুন
তাহারা আরও বিদ্যোদয়িত্রির পরিচয় দিয়া
আমাদিগের আশা ও আনন্দ বর্দ্ধন করুন।

গত ১২ই মার্চ সোমবার বেথুন-
বিদ্যালয়ের পারিভোষিক বিতরণ কার্য
সম্পন্ন হইয়াছে। ছোট জাটের সহ-
ধর্মিণী বিবী টমসন স্বহস্তে পারিভোষিক
বিতরণ করেন এবং হাইকোর্টের প্রধান
বিচারপতি গার্ব সাহেব একটা বক্তৃতা
করেন। বেথুনস্কুল যে উদ্দেশ্যে স্থাপিত
হইয়াছিল, এতদিনের পর তাহা সাংগক
হইয়াছে।

ভারতবর্ষে স্ত্রীচিকিৎসকদিগের সাধা-
ব্যর্থ যে ক্ষণ হইয়াছে বোঝাই হইতে
তজ্জন্য ইতিমধ্যে ৩৪০০০ টাকা উঠিয়াছে।
বঙ্গদেশে এ বিষয়ে কোন উদ্যোগ
হইতেছে না কেন?

আমরা ইতিপূর্বে উল্লেখ করিয়া-
ছিলাম, ডাক্তার খোবরশের পত্নী বিবী

ধোবরণ আমেরিকা হইতে ডাক্তারী পরীক্ষার উদ্বীর্ণ হইয়া ও উপাধি লাভ করিয়া এ দেশে আসিয়াছেন। ইনি অতি সুচিকিৎসক এবং যন্ত্রের সহিত চিকিৎসা করেন। ইহার দয়া ধর্ম ও যথেষ্ট আছে। ইনি কলিকাতার ধর্ম-তলায় ধোবরণ গির্জার সমুখস্থ বাটীতে থাকেন, পীড়াগ্রস্ত স্ত্রীলোকগণ তথায় গিয়া তাঁহাকে দেখাইতে পারেন। ইনি ভদ্রলোকদিগের বাটীতে গিয়াও চিকিৎসা করিয়া থাকেন।

বঙ্গদেশে হিন্দুসমাজে বিধবা বিবাহের তথা আর অনেকদিন স্তব্ধা যায় নাই। আমরা শুনিয়া মস্তক হইলাম সম্প্রতি সেরাজগঞ্জে সম্পূর্ণ হিন্দুপ্রণালীতে একটি বিধবা বিবাহ হইয়া গিয়াছে। বরকন্যা উভয়েই ব্রাহ্মণ জাতীয় এবং বয়সসিংহের অন্তঃপাতী টাঙ্গাইল নিবাসী। কন্যাটি ৮ বৎসর বয়সে বিধবা হন, এখন তাঁহার বয়স ২০ বৎসর; বরের বয়স ৩৩ বৎসর। স্থানীয় অনেক লোক এ কার্যে যোগ দান করিয়াছিলেন।

আমেরিকায় কোন্ মহারাত্রীর রমণী বাইবেন আমরা জানিবার জন্য উৎসুক ছিলাম, এক্ষণে অবগত হইলাম ইহার নাম শ্রীমতী আনন্দবাই জোশী, ইনি পণ্ডিতা রমাবাইর নিকট-সম্পর্কীণ।

ইহার স্বামীর নাম গোপাল রাও বিনায়ক জোশী। তিনি কিছুদিন পূর্বে কলিকাতায় ছিলেন, এক্ষণে শ্রীরামপুরের পোষ্টমাষ্টারের কার্য্য করেন। শ্রীরামপুরের কলেজ গৃহে একটি সভা হয়, তাহাতে অনেক মেস সাহেব ও কৃত-স্মিয় বাঙ্গালীর সমাগম হইয়াছিল। আনন্দবাই সর্বদমক্ষে ইংরাজী ভাষার অনর্গল বক্তৃতা করিয়া শ্রোতৃবর্গকে প্রীত ও চমৎকৃত করিয়াছেন। স্ত্রী-জাতির উন্নতির পথ আর অবরোধ করে কে?

বিলাতী বিলাসিনীগণ ক্রমে অসম্ভ্য-দিগের ন্যায় বিচিত্র চিত্র দ্বারা আপনা-দিগের অঙ্গশোভা প্রদর্শনে সচেতু হইতেছেন। নিউকাসেল বণিকদিগের এক নৃত্যোৎসব হয়, তাহাতে 'নিউকাসেল মরনিং হেরাল্ড' সংবাদপত্রের সম্পাদকের স্ত্রী উক্ত পত্রের কয়েকটি পত্র বিবিধ বর্ণে রঞ্জিত মাটিতে ছাপিয়া পরিচ্ছদের উপরে পরিধান করেন। নানাবিধ আষ্ট্রেলীর পতাকা শরীরের মধ্যস্থলে চিত্রিত ছিল, এবং মস্তকে গ্রীক সরস্বতী মিনার্বার পরিচ্ছদ পরিহিত হয়, তাহাতে ১৩ টি বিভিন্ন বর্ণে "The Press" এই কথাটি মুদ্রাঙ্কিত হয়। এই অদ্ভুত দৃশ্যে যে দর্শকবৃন্দ চমৎকৃত হইবে, তাহাতে আর আশ্চর্য্য কি?

স্ত্রীকবি ।

বুদ্ধি-বিষয়ে—

“বেগ্ বেগা আর চের্ চেরা ;

চের্ বেগা আর বেগ্ চেরা ।

চের্ বেগা বড় দার ;

পদে পদে কারা পায় ।”

বেগ্ = অতি শীঘ্র । চের = চির অর্থাৎ
বিলম্ব । কারা = ক্রন্দন ।

এই স্ত্রী-কবিটির ব্যাখ্যা অতি সুন্দর ও
কৌতুকাবহ । পূর্বকালের অনঙ্করা রমণীরা
কিরূপ কৌশলে মানব বুদ্ধির পরি-
চ্ছেদ কল্পনা করিতেন এবং বুদ্ধির দোষ
ও গুণ দেখাইয়া দিয়া বহুদিগকে উদ্বোধিত
করিতেন, তাহা এই কবিতাটির দ্বারা
জানা যায় । যথা—

বুদ্ধি চারি প্রকার । বেগ্ বেগা ১,
চের্ চেরা ২, চের্ বেগা ৩, ও বেগ
চেরা ৪ । বেগ্ বেগা বুদ্ধি কি ? তাহা
গুন । যে বুদ্ধি বেগে আইসে ও বেগে
নষ্ট হয়, তাহার নাম “বেগ্ বেগা” । যে
শীঘ্র বুঝে অথবা শীঘ্র শিখে, অথচ শিক্ষিত
বিষয় শীঘ্র ভুলিয়া যায়, তাহার তাদৃশী
বুদ্ধিকে “বেগবেগা” বলে । এই বেগ্
বেগা বুদ্ধির প্রশংসা নাই, কেননা উহার
দ্বারা বিশেষ উপকারিতা লাভ হয় না ।
“চের্ চেরা” শব্দের অর্থ এই যে, চিরে
অর্থাৎ বিলম্বে আইসে পরন্তু তাহা বিলম্বে
নষ্ট হয় । চের্ চেরা বুদ্ধিওয়াদিগকে
কষ্টেপ্রোষ্টে একবার শিখাইতে অথবা
বুঝাইতে পারিলেই কার্য হয় । কেন না

সে তাহা শীঘ্র ভুলেনা । অতএব, “চের্
চেরা” বুদ্ধিযুক্ত বালক বালিকা অপেক্ষা-
কৃত ভাল ।

“চের্ বেগা” শব্দের অর্থ কি ? তাহা
বলা যাইতেছে । বাহারা অতি বিলম্বে
বুঝে অথবা শিখে, অথচ বেগে অর্থাৎ
শীঘ্র বিস্মৃত হয়, তাহাদের বুদ্ধিকে “চের্
বেগা” আখ্যা দেওয়া হয় । এই চের
বেগা বুদ্ধির লোকেরা নিতান্ত অকর্মণ্য,
ইহাদিগকে যদিও কষ্টেপ্রোষ্টে শিখান যায়,
কিন্তু শিখাইলে কি হইবে ? তাহারা
এ কাণ দিয়া শুনে, ও কাণ দিয়া বাহির
হইয়া যায় । সুতরাং তাদৃশ গুরুদ-
ত্ত্বের পদ ও তাদৃশী গৃহিণী গৃহিণীপদ
উন্নত করিতে পারেন না । বাহার গৃহিণী
চের্ বেগা, কিম্বা বাহার স্বামী চেরবেগা
তাহার বড় বিপদ । পদে পদেই উহাকে
কাঁদিতে হয় । অবশেষে “বেগ্ চেরা” ।
এই বেগ্ চেরা বুদ্ধিই সর্বাপেক্ষা প্রশংস-
নীয় । “বেগ্ চেরা” শব্দের অর্থ এই
যে, শীঘ্র বুঝে বা শীঘ্র শেখে, অথচ
দীর্ঘকালেও ভুলেনা । যে ব্যক্তি শীঘ্র
বুঝিতে বা শিখিতে পারে, অথচ শিক্ষিত
বিষয় অনেক কাল অরণ রাখিতে পারে,
সে ব্যক্তি যে প্রশংসনীয় তাহা আর
কলিবার অপেক্ষা নাই । বেগ্ চেরা
বুদ্ধি যে বিষয়ে প্রযুক্ত হইবে, সেই
বিষয়েই সে উন্নতি করিবে ।

পাঠক পাঠিকা ! প্রাণিধান পূর্বক

দেখুন যে, আমাদের অনক্ষরা পূর্ব
পিতামহীরা কেমন মিষ্ট কথা বলিতে
জানিতেন ।

“আম্ব বুদ্ধি শুভকরী ;
পরের বুদ্ধি ভয়ঙ্করী ॥”

আপনার বোধশক্তি না থাকিলে শুভ
ফল পাওয়া যায় না । যে নিরন্তর পরের
বুদ্ধির অহুসরণ করে, সে ভয়ানক বিপদে
পড়ে । পরবুদ্ধি মনুষ্য হইতে সংসারের
নানা অনর্থ উৎপন্ন হইয়া থাকে । ইহা
দ্বারা এই বলা হইল যে, প্রত্যেক বিষয়েই
যথাসাধ্য নিজের বুদ্ধিসঞ্চালন করিতে
হইবে—বুঝিতে না পারিলে পরের পরা-
মর্শের সাহায্য লইবে, পরন্তু প্রাপ্ত পর-
বুদ্ধি ভাল কি মন্দ তাহা বিশেষরূপে
পরীক্ষা করিয়া দেখিবে ।

“অবুঝে বুঝাব কত বুঝ নাহি মানে
টেকিকে বুঝাব কত নিভা ধান ভানে ।”

যে ব্যক্তি নিরীকোণ অথচ যাহার বুঝি-
বার ইচ্ছা নাই, তাহাকে সহস্র উপদেশ
দেও, কোন কাজেরই হইবে না—সে যে
নির্বুদ্ধি, সেই নির্বুদ্ধির মত কাঁচা করিবে ।
অবুঝ ব্যক্তিকে টেকির সহিত তুলনা
করা হইয়াছে, টেকিকে বুঝান যেমন
মিথ্যা, সে আজিও ধান ভানে কালও
ধান ভানিবে, আর কিছুই করিতে পারে
না, অবোধ ব্যক্তিও আপনার স্বভাব ও
অভ্যাসের মত চলিয়া থাকে, তাহার
পরিবর্তন করিতে পারে না ।

“বুঝি না বুঝা বুদ্ধির কপ্প ;
ঘাট্‌না নানা মুখের ধর্ম ॥”

ঘাট্‌—না বুঝা স্বীকার ।

এই কথাটিতে সহস্র সহস্র ন্যায়
শাস্ত্রের কল নিহিত আছে । আমাদের
দেশের বুদ্ধিতত্ত্বানুসারী পণ্ডিতেরা
বলিয়া গিয়াছেন যে, “ন বুধ্যতে ইত্যপি
বুদ্ধিসাধ্যম্ ।” আমি বুঝিলাম না, ইহা
বুঝাই বুদ্ধির কার্য । যে ব্যক্তি আপনার
না বুঝা বুঝিতে পারে, সেই ব্যক্তিই
যথার্থ বুদ্ধিমান । কেন না না বুঝা
বুঝিতে পারিলে ভ্রমে পড়িতে হয় না,
অনায়াসেই অন্যের সাহায্য লইয়া স্মীয়
বুদ্ধি শক্তিকে উদ্বোধিত করিয়া লইতে
পারে, কিন্তু যে আপনার না বুঝা বুঝিতে
পারে না, সে নিশ্চয়ই ভ্রমে পড়িয়া
আপনার অজ্ঞতা স্বীকার করিতে চাহে
না ।* অতএব, যাঁহারা প্রকৃত বুদ্ধিমান
ও বুদ্ধিমতী তাঁহারা আপনার না বুঝা
বুঝিয়া ঘাট্‌ স্বীকার করেন ; অবশেষে
অন্যের সাহায্যে বুঝিবার চেষ্টা করেন ।
কিন্তু যে ব্যক্তি মুর্থ অর্থাৎ স্মীয় অজ্ঞতা
বোধগম্য করিতে অক্ষম, সে সেই না
বুঝাকেই বুঝিয়াছি ভাবিয়া কাহারও

*ভূতনাবখ্যাত জ্ঞানী সকেটসের বিষয়ে
বর্ণিত আছে যে একসময় দৈববাণী হইয়াছিল যে
তিনিই নরকোপেক্ষা জ্ঞানী । সকেটস আপনাকে
মুখের অগ্রাগণ্য বলিয়া জানিতেন । দৈববাণী
এরূপ হইল কেন জানিবার জন্য তিনি অত্যন্ত
বাকুল হইলেন । পরে তিনি গ্রীস দেশের
পণ্ডিতাভিমানীগণের সহিত বিচার করিয়া
দেখিলেন, তাহারও তাহার মত অজ্ঞ । অতএব
এই, তিনি আপনার অজ্ঞানতা বুঝিতে পারেন,
তাঁহারা তাহা পারেন না ।

নিকট আপনার নানতা স্বীকার করে না। তাদৃশ মূৰ্খ ব্যক্তি সংসারের কণ্টক স্বরূপ।

সহিষ্ণুতা ও প্রেম সম্বন্ধে—

“মে সময় সেই রয় ;

ভাল বাসায় কি না হয় ?”

সয় = সহ্য করে। রয় = নিরাপদে থাকে। যে সহ্য করে সে নিশ্চিত নিরাপদে থাকে এবং দাষ্টার হৃদয়ে ভালবাসা অর্থাৎ প্রেম আছে—তাহার নমস্ত সম্পদই আছে। প্রেমদ্বারাষ্ট মনুষ্য হৃদয় বিপদ সমুদ্রের ভীষণ গর্জন হইতে রক্ষা পায়।

আমাদের পূর্ব পিতামহীগণের এই উপদেশকে বংশমান্য্য মনে করিবেন না। ঋত্বিক প্রচারক মহাশয় জৈশর হিতোপদেশের সার এই। জৈশর পরিবর্তে প্রেম ও দয়া এবং ক্রোধের বা অম্মার পরিবর্তে সহিষ্ণুতা ও মমতা ;— এই গুণদ্বয় কি নর কি নারী উভয়ের ভূষণ ও হিতকর। এই দুই গুণ থাকিলেই মনুষ্য জীবন-যুদ্ধে জয়ী হইতে পারে সংশয় নাই। মমতা কি ? না আত্ম-পরিমার সম্পূর্ণ অপচয়। সহিষ্ণুতা কি ? না, গুরু অথবা প্রিয় ব্যক্তির অহরোধে আত্মাভিমান ত্যাগ করা। দয়া কি ? না অনুরাগ ও ছাঃখিত ব্যক্তিদিগের প্রতি অধিকতর অহুকুল হওয়া এবং সর্বসাধারণের উপকার করা। দ্বৌভাগ্য-কালে গর্ভিত না হওয়া প্রভৃতি অনেকবিধ সদগুণ উল্লিখিত গুণদ্বয়ের

অন্তর্ভূত এবং অপরের সহিত তুলনায় আপনাকে বড় মনে না করাও উহার এক অঙ্গ। অতএব এই দুই গুণ অর্থাৎ সহিষ্ণুতা ও প্রেমপরতা এই সংসার-যুদ্ধের মূলমন্ত্র। উক্ত গুণদ্বয় থাকিলে কেবল কুলবধু কেন—মকল মনুষ্যই সংসার জয় করিতে সমর্থ হয়। সুতরাং উপরোক্ত উপদেশের সারবত্তা যে কত অধিক—তাহা এই ক্ষুদ্রকায় প্রবন্ধে ব্যক্ত করা যায় না।

ভালবাসা, বশীকরণ বিদ্যা অপেক্ষাও অধিক শক্তিসম্পন্ন। ভালবাসার দ্বারা জয় না করা যায়—এমন প্রাণধান বস্তুই নাই। সেই জন্যই ক্রীকবির শেষাঙ্ক “ভালবাসায় কি না হয় ?” অতি রমণীয় এবং সারবান উপদেশ।

“যত কাপড় তত শীত ;

নিকাণ্ডেয় পাথর চিত।”

সহিষ্ণুতা অভ্যাস করিলে তাহা এত আরক্ত হয়, যে জর্নিবার শীত প্রায়াদিও সহ্য হইয়া যায়। ইহার দৃষ্টান্ত প্রত্যেক ব্যক্তিই ইচ্ছা করিলে অল্পভবন করিতে পারেন। শীতকালে আমরা বস্ত্র ব্যবহার অধিক পরিমাণে করি ; কিন্তু নির্ধন ব্যক্তির তত অধিক বস্ত্র ব্যবহার করিতে পারে না। তাই বলিয়া তাহারা কি অধিক কাতর হয় ? তাহা নহে। শীত তাহাদের সহ্য হইয়া গিয়াছে বলিয়া তাহারা আমাদের সহিত সমান কাতর হয়। আমরাও পরীক্ষা করিয়া দেখিয়াছি যে, সময়ে সময়ে অর্থাৎ যখন

আমাদের বস্ত্র স্থানান্তরে থাকে—তখন
যেদ্রুপ—এবং যখন আমরা বহু বস্ত্রাবৃত
হই, তখনও প্রায় সেইরূপ শীত অনুভব
হয়। ফল কথা এই যে, চিন্তে যদি
সহিষ্ণুতা ও সন্তোষ না থাকে—ভাগ্য
হইলে শত শত বস্ত্রাবরণ ধারণ করিলেও
শীত লাগিতেছে বলিয়া অনুভব হইবে।
মনে সন্তোষ থাকিলে বিনা কাপড়েও
মন পাথরের মত অটল ও দৃঢ় থাকে।

“যত হাঁসি তত কান্না ;

বলে গেছেন রাম শর্মা।”

অত্যন্ত আনন্দবেগ উপস্থিত হইলে
তাহা ধারণ করা বা সহ্য করা আবশ্যিক।
দুঃখবেগ সহ্য করা যেমন ভবিষ্যৎ
সুখের কারণ ; তেমনি সুখাবেগ ধারণ
করাও ভবিষ্যৎ সুখের কারণ। যিনি
তাহা না পারেন—তিনি নিশ্চয়ই পরি-
ণামে ক্লেশ পান। বিশেষ অনুভব
করিয়া দেখ, তোমরা কখন অতিশয়
হাস্য করিয়াছ কি না। যদি করিয়া
থাক, তবে অরণ করিয়া দেখ দেখে, সেই
অতিহাস্যের পর তোমাদের শরীর
অবসাদগ্রস্ত হইয়াছিল কি না। নিশ্চয়ই
হইয়াছিল। যে বৃত্তি যত পরিমাণে
উত্তেজিত হইবে—পরকণে তাহার তত
অবসন্নতা হইবে। হাস্যবেগ বা আনন্দ-
বেগও সহ্য করা কর্তব্য। যদি না কর
তবে তোমাকে সেই পরিমাণে কাদিতে
হইবে। আর একটা কথা এই, এ
পৃথিবীতে সুখ ও দুঃখ চক্রের ন্যায়
ঘুরিতেছে ফিরিতেছে, সুখের পর দুঃখ

আসিবেই আসিবে, অতএব অত্যন্ত
সৌভাগ্য হইলে উন্নত না হইয়া ভাবী
দুঃখের আশঙ্কায় ধীর ও নম্র হওয়া
কর্তব্য। অনেক জীকবি রামশর্মার
নামের দোহাই দিয়া আপনাদিগের
মনের ভার ব্যক্ত করিয়াছেন, বস্ত্রতঃ
ইহা তাহাদিগেরই কথা।

শরীরের নাম মহাশর,

যা সওয়াও, তাই সয়।

সহ্যগুণ বড় গুণ,

বাড়ালে বাড়ে তিন গুণ।

জীকবিগণ সহিষ্ণুতা গুণের শিক্ষা
দিবার জন্য যে বিধিমেতে চেষ্টা পাইয়া-
ছেন, তাহা উপরি উক্ত শ্লোকগুলি
দ্বারা ব্যক্ত হইতেছে। শরীরকে আমরা
সামান্য মনে করি এবং পাছে ইহার
একটু ক্লেশ হয় বলিয়া কত ভাবনা
করি। কিন্তু ঈশ্বর শরীরকে মহৎগুণ
দিয়া সৃষ্টি করিয়াছেন, এই শরীর
অভ্যান গুণে সকল কষ্টই সহ্য করিতে
পারে এবং অসম্ভব পরিশ্রমের কার্য
অনায়াসে সম্পন্ন করিতে পারে। এ
দেশের বাবু ভাই ও বিলাসিনীগণের
শরীর কত স্তম্ভপূর্ণে রক্ষা করিতে হয়,
তথাপি সর্বদাই অসুস্থ, কিন্তু বিধবা ও
শ্রমজীবীদিগের কষ্ট ও শ্রমের সীমা
পরিসীমা নাই, তথাপি তাহাদিগের
শরীর সকল সহ্য করিয়া সুস্থ ও বলিষ্ঠ
হয়। ফল কথা এই, যিনি সহ্য করেন,
তার সকলই সয়, যিনি সহ্য করিতে
অগ্রস্তুত, তার কিছুই সয় না। সহ্যগুণ

ক্রমশঃ অভ্যাগ দ্বারা যত বাড়াইবে ততই বাড়িবে। তিনগুণ বাড়িবে বলা হইয়াছে, কিন্তু তাহার অর্থ অনেক গুণ—দশগুণ, শতগুণও হইতে পারে। শরীরের সহিষ্ণুতা যেমন বাড়ে, মনের পক্ষেও সেইরূপ বলা যায়। যত জুখ

ক্রেস হউক না কেন, মনে সহিষ্ণুতা থাকিলে তাহা অক্রেসে বহন করা যায়। এই সহিষ্ণুতা হইতেই সম্ভাব্যরূপ স্পর্শমণি লাভ হয় এবং কি গৃহে কি বাহিরে সর্বত্র সুখ শান্তি সম্ভোগ করিবার উপায় পাওয়া যায়।

আমি তোমারই ।

গত শতাব্দীর শেষ ভাগে ফরাসিদেশে ধর্মীর গৃহে একজন রমণী জন্মগ্রহণ করিয়াছিলেন। চতুর্দশবর্ষ বয়ঃক্রম কালে লা ফাইট নামক একজন ধনি-সন্তানের সহিত ঐ রমণীর প্রণয়ের সন্ধার হয়। বিবাহ সম্বন্ধে বর ও কন্যা উভয় পক্ষীয় অভিভাবকগণের সম্মতি থাকাতে কন্যার সপ্তদশ বর্ষ বয়ঃক্রম কালে আনন্দের সহিত তাহাদের পরিণয়কার্য সম্পাদিত হইল। ইহার অল্পকাল পরেই আমেরিকা দেশের লোকেরা ইংলণ্ডের দাসত্ব পাশ হইতে মুক্ত হইবার জন্য যুদ্ধ আরম্ভ করিল। যুবক লাফাইট স্বাধীনতাকে এত ভাল বাসিতেন, যে ঐ সংবাদ শ্রবণ মাত্র আমেরিকাতে গমন করিবার জন্য এবং আমেরিকাবাসীগণের সৈন্যদলে প্রবেশ করিয়া যুদ্ধ করিবার জন্য ইচ্ছুক হইলেন। তাঁহার পত্নী তাঁহার এই সাধু ইচ্ছার প্রতিরোধ করিলেন না। লাফাইট আমেরিকা দেশে গমন করিলেন, এবং স্বাধীনতা লাভাকাঙ্ক্ষীদের সহিত এক-

প্রাণ একহৃদয় হইয়া যুদ্ধ করিতে লাগিলেন। মধ্যে তিনি একবার অদেশে ফিরিয়া আসিয়াছিলেন, কিন্তু কিয়দিন পরে আবার সেই দেশে গমন করিলেন। তাঁহাদের প্রথম বিচ্ছেদের সময় পতিপ্রাণা রমণীকে এত কুচিন্তা ও মানসিক যাতনায় কালযাপন করিতে হইয়াছিল যে দ্বিতীয় বার গমনের প্রস্তুতবে তিনি একবারে অধীর হইয়া পড়িলেন, এবং সেই মানসিক উদ্বেগে পীড়িতা ও শয্যাশায়িনী হইলেন। কিন্তু পতির প্রতি তাঁহার এমন অকৃত্রিম অমুরাগ ছিল যে তিনি যখন দেখিলেন, যে তাঁহার পতি পুনরায় আমেরিকা দেশে গিয়া স্বাধীনতাকাঙ্ক্ষীদের সাহায্য করিতে নিতান্ত উৎসুক, তখন তিনি নিজের ক্রেস নিবারণ করিয়া তাঁহার গমনে অনুমতি দিলেন। তদনুসারে লাফাইট পুনরায় আমেরিকা যাত্রা করিলেন। দীর্ঘরের কৃপায় আমেরিকাবাসীগণ সমুদ্র সমরে ইংরাজদিগকে পরাজিত করিয়া স্বাধীনতা লাভ করিলেন।

লাফাইট প্রসন্ন মনে স্বদেশে প্রতিনিবৃত্ত হইলেন। স্বদেশে আসিয়া তাঁহারা উভয়ে কিছুকাল পরম সুখে বাসন করিলেন। তাঁহাদের কয়েকটা পুত্র কন্যা জন্মিল। কিন্তু তাঁহাদের এই সুখ অধিক কাল স্থায়ী হইল না; কয়েক বৎসরের মধ্যেই করাসি দেশে বোর বিদ্রোহাগ্নি প্রজ্জ্বলিত হইয়া উঠিল। তখন সেখানে রাজার একছত্র রাজত্ব ছিল, দেশের লোকেরা রাজার বেজাচার হইতে আপনাদিগকে উদ্ধার করিবার জন্য তুমুল সংগ্রাম উপস্থিত করিল। লাফাইট চিরদিন স্বাধীনতার পক্ষপাতী, সুতরাং স্বাধীনতার পতাকা যখন উজ্জীন হইল তখন আর তিনি নিশ্চিন্ত মনে বাস করিতে পারিলেন না। স্বাধীনতা পক্ষের এক সেনাদলের অধিনায়ক হইয়া যুদ্ধক্ষেত্রে গমন করিলেন। ক্রমে সেই সময়-যজ্ঞে রাজা, রাণী, রাজপদ, প্রভৃতি আহুতি দিয়া প্রজাগণ আপনাদের রাজত্ব স্থাপন করিল। কিন্তু রাজার মন্তক ছেদন করিয়া বাঁহারা রাজ্যশাসনের ভার স্বহস্তে গ্রহণ করিলেন, তাঁহারা অশেষ প্রকার অত্যাচার করিতে আরম্ভ করিলেন। এই সকল কারণে তাঁহাদের রাজত্ব কাল ইতিবৃত্তে “রেইন অব টেরর” অর্থাৎ “ভীষণ রাজত্ব” নামে উক্ত হইয়াছে। লাফাইট যদিও অন্তরের সহিত স্বাধীনতাকে ভাল বাসিতেন, যদিও তিনি নিজেকে অনেক বার রাজার অত্যাচারের প্রতিবাদ করিয়াছিলেন, যদিও

তিনি স্বতঃপ্রসূত হইয়া প্রজাপক্ষীর লোকদিগের সেনাপতিত্ব ভার গ্রহণ করিয়াছিলেন, তথাপি যখন নূতন শাসনকর্তাদিগের অত্যাচার ও নৃশংস আচরণ সকলের বিষয় শ্রবণ করিলেন, তখন তাঁহাদের কার্যের প্রতিবাদ করিতে লাগিলেন। এই অপরাধে তিনি কর্তৃপক্ষের বিরাগভাজন হইয়া পড়িলেন। তাঁহার প্রতি দলপতিদিগের এত আক্রোশ উপস্থিত হইল যে তিনি আর করাসি দেশে বাস করিতে সাহসী হইলেন না, প্রাণভয়ে স্বদেশ ত্যাগ করিয়া গেলেন। কিন্তু ছুটদৈবের কি ঘটনা! অস্ট্রিয়া রাজ্যে গিয়া তিনি বন্দীকৃত হইলেন এবং অলম্জ নামক দুর্গের কারাগারে নিষ্কিপ্ত হইলেন।

লাফাইট কারাগারে বাস করিতে লাগিলেন। এদিকে তাঁহাকে স্বদেশের শত্রু ও স্বাধীনতা-বিরোধী বলিয়া ঘোষণা প্রচার করা হইল। তাঁহার পত্নী ম্যাজাম লাফাইট এতদিন পতির বিচ্ছেদে ও বিপৎপাতে ভ্রিয়মাণ হইয়া ছিলেন, কিন্তু যখন তাঁহারই আবাস নগরে সেই পতিকে স্বাধীনতার শত্রু ও রাজ্যের বিদ্রোহী বলিয়া ঘোষণা করা হইতে লাগিল, তখন আর তাঁহার প্রাণে সহ্য হইল না। সে সময়ে অনেক ভদ্রবংশীয় রমণী নিরাপদে স্বদেশে বাস করিবার জন্য পতির নাম পরিত্যাগ করিয়াছিলেন, কারণ পতির নামের সহিত যোগ থাকিলে লোকে দ্বন্দ্ব করে এবং লোকসমাজে

ক্লেপ পাটতে হয়। কিন্তু ম্যাডাম লাক্সাইট এরূপ আচরণের প্রতি ঘৃণা প্রদর্শন পূর্বক স্বীয় পতির নাম গৌরবের সহিত ধারণ করিতে লাগিলেন। এই সময় হইতে তিনি স্বীয় পতিকে কারাগার হইতে মুক্ত করিবার জন্য কৃতসংকল্প হইলেন। তখন ফ্রান্সের ক্তি ভয়ানক অবস্থা। কাহারও প্রাণ কখন যায়, কাহার ধনমানের উপর কখন হস্ত পড়ে, কে কখন বন্দীকৃত হয়, কাহার গৃহের ধনরত্ন কখন লুপ্তিত হয়, তাহার স্থিরতা নাই। দলে দলে লোক আমেরিকা প্রভৃতি দেশে পলায়ন করিতেছে। এক এক দিন যাইতেছে এবং এক এক বিপ্লবের তরঙ্গ ফ্রান্সের উপর দিয়া প্রবাহিত হইতেছে। এরূপ সংকট এবং ভয়ের সময়েও “ম্যাডাম লাক্সাইট” অবিচলিত চিত্তে আপনার জ্যেষ্ঠ পুত্রের আমেরিকা গমনের আয়োজন করিতেছেন, বিষয় সম্পত্তি রক্ষার বন্দোবস্ত করিতেছেন, এবং স্বামীর উদ্দেশ্যে অষ্ট্রিয়া যাত্রার আয়োজন করিতেছেন। পুত্রটী আমেরিকা যাত্রা করিল, বিষয় সম্পত্তির বন্দোবস্ত হইল, ম্যাডাম লাক্সাইট সপরিবারে অষ্ট্রিয়া যাত্রার অনুমতি পত্র প্রাপ্তির আশায় পারিস নগরে গমন করিলেন। পারিস নগরে তখন ভয়ানক বিশৃঙ্খলতা; অনুমতি পত্র পাইতে তাঁহার অনেক ক্লেপ হইল।

যাহাহউক অবশেষে অনুমতি প্রাপ্ত হইয়া তিনি অবশিষ্ট সন্তানগুলি সমভি-

বাহারে অষ্ট্রিয়াতে উপস্থিত হইলেন। সেখানে উপস্থিত হইয়া অষ্ট্রিয়ার সম্রাটের সহিত লাক্সাইট করিলেন। সম্রাট মৌখিক তাঁহাকে বিশেষ অভ্যর্থনা করিলেন এবং তাঁহার আবেদন গ্রাহ্য করিবার আশা মিলেন, কিন্তু কার্য্য কালে কিছুই করিলেন না। লাক্সাইট পূর্বের ন্যায় বন্দী দশাধ বাস করিতে লাগিলেন। অবশেষে ম্যাডাম লাক্সাইট নিরুপায় হইয়া কারাগারে পতির পার্শ্বে বাস করিবার অনুমতি প্রার্থনা করিলেন। তাঁহাকে যে অনুমতি দেওয়া হইল, তদনুসারে একদিন তিনি সন্তানগুলি লইয়া কারাগারে গমন করিলেন।

ওদিকে তাঁহার পতি এসকল ব্যাপারের কিছুই জানেন না, ফ্রান্সের অবস্থা কি, তাঁহার জ্যেষ্ঠপুত্র যে আমেরিকাতে প্রেরিত হইয়াছে, তাঁহার পত্নী যে তাহার উদ্ধারের জন্য এত চেষ্টা পাইতেছেন এ সকল সংবাদের কিছুই তিনি জ্ঞাত ছিলেন না। একদিন তিনি একাকী সেই নিষ্কর্ম কারাগারে বসিয়া নিজের দুর্ভাগ্যের বিষয় চিন্তা করিতেছেন, এমন সময়ে হঠাৎ তাঁহার গৃহের দ্বার উন্মুক্ত হইল। সে দ্বার এরূপ ভাবে বহুদিন উন্মুক্ত হয় নাই। তিনি বিস্মিত ভাবে চাহিয়া বাহ্য দেখিলেন, তাহা তিনি কখনও স্বপ্নেও সম্ভব বলিয়া মনে করেন নাই। তিনি দেখিলেন যে তাঁহার পতিব্রতা নারী সন্তানগুলির হস্ত ধারণ করিয়া গৃহে প্রবেশ করিতেছেন।

ফল কালের জন্য লাফাইট এ জগতে
আছেন, কি কোন অপ্ররাজ্যে গিয়াছেন
তাহা বুঝিতে পারিলেন না। কিন্তু অল্প-
ক্ষণ পরেই প্রকৃত ঘটনা সমুদায়
জানিতে পারিলেন। পাঠিকা একবার
সেই দিনের চিত্রটী স্মরণ করুন। সেই
মিলনের সময় সেই পরিবারটীর কিরূপ
ভাব হইয়াছিল, তাহা একবার কল্পনাতে
অনুভব করিবার চেষ্টা করুন। ম্যাডাম
লাফাইট নিজ পতির কঠোরালঙ্ঘন করিয়া
তদীয় বক্ষঃস্থল নৈত্রজলে দ্রাবিত করিয়া
দিলেন। লাফাইটও বহুদিনের পর
সন্তানগুলিকে কোড়ে লইয়া শত শত
বার তাহাদের মুখচুখন করিতে লাগি-
লেন।

ইহার পর তাঁহারা সকলেই সেই
কারাগারে বাস করিতে লাগিলেন।
ম্যাডাম লাফাইটের একটা কন্যা
লিবিয়াছেন যে এই কারাগারের মধ্যে
তাঁহার মাতা এত স্নেহে ছিলেন যে সে
জন্য তিনি আপনাকে সর্বদা নিম্না করি-
তেন। বলিতেন “আমি কিরূপ লোক;
আমার পতি বন্ধন দশাতে বাস করিতে-
ছেন, আমার সেদিকে দৃষ্টি নাই, আর
আমি অতুল স্নেহ সচ্ছন্দ ভোগ করিতেছি।
বাস্তবিক পতির প্রতি তাঁহার এরূপ
আশ্চর্য্য প্রেম ছিল যে কারাবাদের দুঃখ
তাঁহার মনে থাকিত না। তাহাকে তিনি

চতুর্দশ বর্ষ বয়ঃক্রম হইতে মনে মনে
পূজা করিয়া আসিতেছিলেন, তাহার
বিচ্ছেদে তিনি কতদিন অশ্রুজলে
ভাসিয়াছেন, তাহার জন্য তিনি প্রাণ-
ভয়কে ভয় বলিয়া গণ্য করেন নাই,
তাঁহার সহিত মিলিত হইবার জন্য এত
ক্লেশ স্বীকার করিলেন, সেই পতির
পার্শ্বে থাকিয়া তাঁহার আবার কষ্ট কি ?
তিনি জগৎসংসারকে ভুলিয়া সেই কারা-
গারেই স্বর্ণমুখ ভোগ করিতে লাগিলেন।

এইরূপে কয়েক বৎসর অতিবাহিত
হইল। অবশেষে নেপোলিয়ানের সহিত
অষ্ট্রিয়ারাজের যে সন্ধি হইল সেই সন্ধি-
পত্রের একটা নিয়ম ছিল যে করাসি বন্দী-
দিগকে কারামুক্ত করা হইবে। তদনুসারে
লাফাইট পরিবার কারামুক্ত হইলেন।
কারামুক্ত হইয়া তাঁহারা পুনরায় ফরাসি-
দেশে আগমন করিলেন। তাঁহাদের
পুত্র আমেরিকা হইতে প্রত্যাগমন করি-
লেন এবং তাঁহারা নিরুপদ্রবে স্বীয়
বিষয় সম্পত্তি ভোগ করিতে লাগিলেন।
লাফাইট সাহেব বলিয়াছেন যে এই
৩২বর্ষ প্রেম জীবনের শেষ দিন পর্য্যন্ত
সম্মান ছিল। মৃত্যুর অব্যবহিত পূর্বে
তাঁহার শেষ কথা এই ছিল ‘আমি
তোমারই’। স্বামীর হস্তে হস্ত দিয়া এই
কথা বলিয়া তিনি জন্মের মত পতির
নিকট বিদায় লইলেন।

উত্তর হিমমণ্ডল আবিষ্কার।

(২১৬ সংখ্যা ২৭০ পৃষ্ঠার পর।)

১৫৮৬ সালে ডেবিস পুনরায় স্বর্ঘ্যালোক ও চন্দ্রালোক এবং অন্য দুই খানি জাহাজ সজ্জিত করিয়া পশ্চিমোক্ত পথ আবিষ্কারার্থ যাত্রা করেন। ২৯ শে জুন তারিখে তিনি গ্রীণলণ্ডের তীরে উপস্থিত হইয়া দেখিলেন বৃহৎ বৃহৎ ভাসমান ভূবারগিরি দ্বারা তাঁহার পথ অবরুদ্ধ রহিয়াছে। এই সকল পর্বত বাফিন সাগর হইতে ভাসিয়া আসিয়াছে। তিনি কি করেন, কিছু দিন সেই ভাসমান দ্বীপ সকলের তটে তটে ভ্রমণ করিতে লাগিলেন। ইতিমধ্যে কুজুটিকার সহিত ঘোরতর শীতাগম হইল, তাহাতে জাহাজের দড়ী পাইল প্রভৃতি সকলি বরকে প্রস্তরের ন্যায় কঠিন হইয়া গেল। জাহাজের মারিগণ নিরাশ ও বিরক্ত চিত্তে অধ্যক্ষকে বলিতে লাগিল “তোমার হুঃসাহসে আমরা মরিলাম, আমাদিগের বিধবাগণ ও অনাথ বালক বালিকারা তোমাকে অভিশপ্ত করিবে।”

ডেবিস নাবিকদিগের বোধনে দয়াদ্র হইয়া দুই খানি জাহাজকে দেশে ফিরিয়া যাইতে অনুমতি করিলেন এবং স্বয়ং কয়েকটী সাহসী অনুচরের সহিত চন্দ্রালোক নামক জাহাজেরোহণে ৬৭ অক্ষাংশের নিকটবর্তী আমেরিকার উপকূলে উপনীত হইলেন। লাব্রাডোরের আদিম নিবাসীরা তাঁহার দুই জন

নাবিককে বধ করিল। তখন সেপ্টেম্বর মাস, প্রবল ঝড়ার বহিতে আরম্ভ হইয়াছে দেখিয়া আর অগ্রগমনের আশা পরিত্যাগ পূর্বক তিনি ইংলণ্ডে প্রত্যাগত হইলেন।

১৫৮৭ সালের ১৬ই জুন ডেবিস পুনরায় গ্রীণলণ্ডে আসিয়া উপনীত হন। এবার ৭২ অক্ষাংশ পর্যন্ত অগ্রসর হইয়া বাফিন সাগরে প্রবেশ করিলেন এবং তাঁহার প্রধান উৎসাহদাতার নামে এই স্থানকে ‘সাওয়ার্নের আশা’ বলিয়া অভিহিত করিলেন। তৎপরে ক্রমাগত পশ্চিমাভিমুখে অগ্রসর হইয়া পূর্বের ন্যায় ভূবার পর্বত সকলের সম্মুখীন হইলেন। পরিক্রম ও অধ্যবসায় সহকারে সকল বাধা অতিক্রম পূর্বক ১১এ জুলাই তারিখে স্বনামধ্যাত প্রণালীর বিপরীত দিকে উপস্থিত হইলেন। আর দুই দিন জাহাজ চালাইয়া কন্সার্ডও প্রণালী অতিক্রম করিলেন। এই প্রণালী তাঁহার প্রথম যাত্রাতেই আবিষ্কার করিয়াছিলেন, কিন্তু ইহাকে একটা সাগরের অংশ মনে করিয়া তিনি পুনরায় হডসন সাগরে প্রবেশ করেন। তাঁহার সাহায্যার্থে দুই খানি মৎস্য ধরিবার বড় জাহাজ তাঁহার সহিত আসিয়াছিল, কিন্তু অধিক দূর অগ্রসর হইতে সীকৃত না হইয়া পথে অগেফা করিয়া থাকিবে বলিয়াছিল। ডেবিস নির্দিষ্ট স্থানে

ফিরিয়া আসিয়া তাহাদিগকে দেখিতে পাইলেন না, ইহাতে যার পর নাই আশ্চর্য্য ও শঙ্কিত হইলেন, কারণ তিনি এক খানি ক্ষুদ্র পানসি চড়িয়া ছিলেন এবং তাহা ভয়প্রায় হইয়াছিল। বাহা হউক সেই তথ্য তরীযোগে কঠে ত্রোষ্ঠে স্বদেশে ফিরিয়া আসিলেন। এই তাঁহার উত্তর পশ্চিম পথ আবিষ্কারের শেষ বাহা। তিনি নিজে নিরুদ্যম হন নাই, আর একবার নৌ-বাহার প্রস্তাব করেন, কিন্তু বার বার তিন বার তাঁহার চেষ্টা বিফল হওয়াতে তাঁহার স্বজাতীয়গণের উৎসাহ ভয় হইয়াছিল, সুতরাং আর তাহারা তাঁহাকে সাহায্য করিল না। ডেবিস অতঃপর পুরাতন পথ দিয়া পাঁচ বার পূর্বে ভারতবর্ষে বাহা করেন, এবং পঞ্চম বারে মালাকার উপকূলে মালয়-দিগের সহিত যুদ্ধে (১৮০৫ সালের ২৭এ ডিসেম্বর) হত হন।

ডেবিসের শেষ হিন্দুগণ যাত্রার ৭ বৎসর পরে ওলন্দাজেরা উত্তর দিক দিয়া ভারতবর্ষের পথ আবিষ্কারে প্রবৃত্ত হইল। এই জাতি অতিশয় অধ্যবসায়শীল। ইহারা স্পেনীয়দিগের অধীনতা শৃঙ্খল হইতে মুক্ত হইয়া প্রধান জাতি সকলের মধ্যে গণ্য হইবার জন্য উৎসাহিত হইয়া উঠিয়াছিল। তাহাদিগের রাজ্য অতিশয় ক্ষুদ্র, এজন্য বৈদেশিক বাণিজ্যের উপরেই তাহাদিগের সমুদায় আশা ভরসা স্থাপিত হইয়াছিল। কিন্তু দক্ষিণ দিকের পথ স্পেনীয় ও পর্তুগিজদিগের

অর্ণবপোত দ্বারা একপ্রকার অধিকৃত হইয়াছিল যে তথ্যের অনায়াসেই প্রতি-বোধিতার আশা ছিল না। তাহারা মনে করিল যদি অদৃষ্ট প্রসন্ন হয়, উত্তর দিকের পথ আবিষ্কৃত করিয়া ভারতবর্ষে উপনীত হইতে পারিবে এবং বাণিজ্য দ্বারা প্রচুর সুখ সমৃদ্ধি লাভ করিবে।

এই উচ্চ আশায় উৎসাহিত হইয়া আগষ্টার্ডম ও অন্যান্য নগরস্থ বণিকগণ ১৫৯৪ সালে পূর্বোক্ত পথ আবিষ্কারার্থ কতকগুলি জাহাজ সজ্জিত করিলেন এবং কর্ণবেলিস, নেত্রান্টা এবং উইলিয়ম বারেন্ট এই কয়েক ব্যক্তির উপর অধ্যক্ষতাবার অর্পণ করিলেন। ৬ই জুন টেঞ্জেল হইতে জাহাজ তিনখানি ছাড়িয়া একত্রে লাপলগের উপকূল পর্য্যন্ত অগ্রসর হইল। তৎপরে তাহারা দুই ভাগে বিভক্ত হইল। বারেন্ট অধিক সাহসিকতার পরিচয় দানার্থ নবাজেমলা অতিক্রম করিয়া উত্তরাভিমুখে গমনে উৎসুক হইলেন। তাঁহার অন্যান্য সঙ্গিগণ কৃষিয়ার উপকূল দিয়া ওয়েগাট প্রণালীতে আসিয়া পৌঁছিলেন। তাহারা এই প্রণালীর নাম বাহু-কন্দর রাখিলেন, তৎক্ষণাৎ তুবান-গিরি সকল ভেদ করিয়া কারা সাগরে উপনীত হইলেন এবং যতদূর দৃষ্টি যায় পরিষ্কার নীল বর্ণজল রাশি অবলোকন করিতে লাগিলেন। গ্রীক পণ্ডিত স্ট্রাবো টেরিন নামক এক অন্তরীপের কথা উল্লেখ করিয়া গিয়াছেন। তিনি বলেন তাহা পার হইয়া আসিয়ার পূর্ব ও

দক্ষিণ ভাগে সহজে উপনীত হওয়া যায়। ওলন্দাজেরা তাঁহার জাহাজ সিদ্ধান্তের উপর নির্ভর করিয়া মনে করিল, আসিয়ার শেষ সীমান উপনীত হইরাছে। আসিয়া যে ১২০ অক্ষাংশ পর্যন্ত পূর্ব-দিকে প্রসারিত, তাহা তাহার জ্ঞাত ছিল না। তাহার আগনাদিগের সিদ্ধি-লাভের সংবাদ স্বদেশবাসিগণকে জ্ঞাপন করিবার নিমিত্ত দ্বারা স্বর স্বদেশের দিকে ফিরিল। লাপল্যাণ্ডের নিকট বারেণ্টের সহিত সাক্ষাৎ হইল। ইনি নবা জেমলার উত্তর সীমা পর্যন্ত গিয়া প্রবল বায়ুদ্বারা প্রতিহত হইয়া ফিরিতে বাধ্য হন। এখন ৩ খানি জাহাজ একত্র হইয়া পুনরায় টেক্সেলে আসিয়া পৌঁছিল।

মিনির করিত টেবিন অন্তরীপ আবিস্কৃত হইয়াছে, এই বিশ্বাসে আম-উর্ডম ও অন্যান্য নগরের বণিকগণ নানা

বিধ পণ্য জব্যো ৬ খানি জাহাজ সজ্জিত করিয়া ভারতবর্ষের সহিত বাণিজ্যার্থ প্রেরণ করিলেন। সঙ্গে একখানি ক্ষুদ্র তরী সংযুক্ত করিয়া দিলেন যে জাহাজ গুলি আসিয়ার পূর্ব সীমা পার হইয়া নিরাপদে ভারতবর্ষের দিকে যাত্রা করিল তদ্বারা এই সুসংবাদ অবগত হইবেন। কিন্তু করনার উপর যে অট্টালিকা নির্মিত হয়, তাহা নিশ্চয়ই ভূমিসাৎ হইয়া থাকে, ওলন্দাজদিগকে উচ্চ আশায় নিরাশ হইতে হইল। তাহার যে প্রণালীকে বায়ু-কন্দর বলিয়া অভিহিত করিয়াছিল, তাহাতে এরূপ প্রবল ঝটিকা প্রবাহিত হইতে লাগিল এবং বরফ গিরি সকল আসিয়া পথ অবরুদ্ধ করিতে লাগিল, যে তাহার আর অগ্রসর হইতে পারিল না এবং নিতান্ত ক্লিষ্ট, বিপন্ন ও ভয়-মনোরথ হইয়া স্বদেশে প্রত্যাগত হইতে বাধ্য হইল।

নারীচরিত ।

ফিলিসিয়া হিমাল্য ।

এই সুপ্রসিদ্ধ লীকবি ১৭৯০ খ্রীষ্টাব্দের ২৫ এ সেপ্টেম্বর ইংলণ্ডের অক্সফোর্ড শিবিরপুল নগরে জন্মগ্রহণ করেন। ইহার পূর্ণ নাম ফিলিসিয়া ডোরোথিয়া হিমাল্য। ইহার পিতা ব্রাউন আয়ার্স-বাসী একজন বণিক, ইহার মাতা ওয়াস্‌নার বিনিমীয় বংশীয়। হিমাল্য

তাঁহাদিগের ছয় সন্তানের মধ্যে চতুর্থ এবং তিন কন্যার মধ্যে দ্বিতীয়। তিনি বাল্যকালে অতি সুন্দরী বলিয়া প্রশংসিত হন এবং কবিত্ব শক্তির পরিচয় দেন। তাঁহার মাতা অতি গুণবতী ছিলেন, তিনি এ বিষয়ে তাঁহাকে উৎসাহ দান করিতেন। কুমারীর বয়স যখন

১৮৭২ সন, তখন তাঁহার পিতা বাণিজ্য বাবসায়ের ক্ষতিগ্রস্ত হইয়া ইংলণ্ডে পরিভ্রমণ পূর্বক ওয়েলসে গিয়া বাস করেন। এই বাস পরিবর্তন ফিলিসিয়ার মানসিক বিকাশের পক্ষে অত্যন্ত সমৃদ্ধকূল হইল। ওয়েলস পূর্বতময় দেশ, প্রভাবের ক্রীড়াভূমি এবং প্রাচীন গায়কদিগের অজ্ঞান, তাহার দৃশ্য সন্দর্শনে তাঁহার স্বকুমার হৃদয় যে মহৎভাবে পূর্ণ এবং স্বদেশহিতৈষণা ও ঈশ্বরাত্মরূপে উত্তেজিত হইবে তাহা বলা বাহুল্য। এই দৃশ্যদর্শনে যে ভাব তাঁহার হৃদয়ে উদ্ভূত হইত, তাহা তিনি কবিতা দ্বারা ব্যক্ত করিতে প্রয়াস পাঠিতেন। এইরূপে তিনি যে কবিতাগুলি প্রণয়ন করেন, তাহা (Early Blossoms.) প্রভাত-প্রহ্নন নামে পুস্তকাকারে মুদ্রিত হয়। তাঁহার রচিত এই প্রথম পুস্তক ১৮৮৮ সালে প্রকাশিত হয়, তখন তাঁহার বয়স চতুর্দশ বর্ষ মাত্র।

১৮৮৯ সালে ব্রাউন পরিবার ফ্লিণ্ট নগরের অন্তর্গত ব্রনউইলকা নামক স্থানে নূতন বাসস্থাপন করেন। ফিলিসিয়া তথায় ১৬ বৎসর বাস করেন এবং অনেক পুস্তক রচনা করেন। ১৮৯৯ সালে কাপ্তেন হিমান্সের সহিত তাঁহার পরিচয় হয় এবং উজ্জয়ে পরস্পরের প্রতি অত্মরোগনিদর্শন প্রদর্শন করেন। কিন্তু কাপ্তেনকে অবিলম্বে একদল মৈন্যা লইয়া স্পেনে যাইতে হয়। ১৮১২ সালে তিনি প্রকৃতিগত হইয়া ফিলিসিয়ার সহিত

পরিণয়পাশে বদ্ধ হন। এই সালেই 'পারিবারিক স্নেহ' ও অন্যান্য কয়েকখানি কাব্য প্রচারিত হয়। স্কটল্যান্ডনিবাসী কোন স্বদেশাত্মরাগী ব্যক্তির উইলিয়ম ওয়ালেসের স্বরণার্থ সর্বোৎকৃষ্ট কবিতা রচনার জন্য ৫০০ টাকার পুরস্কার ঘোষণা করেন, ফিলিসিয়া অতি হৃদয় এক কবিতা লিখিয়া উক্ত পুরস্কার লাভ করেন। পরবৎসর "The Sceptic" সংশয়ী নামক কাব্য পুস্তক প্রকাশিত হয়।

বিবী হিমান্সের জ্ঞানাত্মক অসাধারণ। তিনি সর্বত্র নানা ভাষার নানাবিধ পুস্তক দাখিলে বেষ্টিত থাকিতেন এবং কালাকাল বিচার না করিয়া সর্বত্রই পুস্তকপাঠে অতিনিবিষ্ট থাকিতেন। শয়ন, উপবেশন, ভ্রমণে সজন নির্বনে, হৃদয় ও পীড়িত অবস্থায় কখনও পুস্তকছাড়া থাকিতেন না। স্বামী নিকটে এবং সম্মানগণ চারিদিক ঘেরিয়া থাকিলেও তাঁহার পাঠাত্মরূপের পরিবর্তন হইত না।

১৮১৮ সালে কাপ্তেন হিমান্সের স্বাস্থ্য ভঙ্গ হওয়াতে তিনি ইউরোপ ভ্রমণে যাত্রা করেন এবং অবশেষে রোমে বাসস্থান নির্দেশ করেন, আর স্বদেশে ফিরিয়া আসিলেন না। ফিলিসিয়া তখন ৫১ পুত্র সম্ভানের মাতা। তিনি পুত্রগণকে লইয়া আপনার মাতার সহিত ব্রনউইলকাতে বাস করিতে লাগিলেন। স্বামী জীবনমধ্যে প্রথম প্রথম সম্মান-

দিগের শিক্ষা প্রভৃতি বিষয়ে পত্রালাপ চলিত, কিন্তু পরে তাঁহাদিগের মধ্যে আর কোন প্রকার যোগ লক্ষিত হয় নাই। তাঁহাদিগের কৃতি, প্রবৃত্তি ও কার্য-প্রণালীর বিভিন্নতাই এই বিচ্ছেদের কারণ বলিয়া অনুমিত হইয়া থাকে।

স্বামীর সহিত এইরূপ শোচনীয় বিচ্ছেদে বিবী হিমালয় একদিকে অতি কষ্টের অবস্থায় পতিত হইলেন বটে, কিন্তু অন্যদিকে তাঁহার অসাধারণ মানসিক ক্ষমতা, তাঁহার অমায়িকতা এবং রচনা-শক্তির আকর্ষণ দ্বারা তিনি বিশপ লক্ষ্মুর, বিশপ হিবার প্রভৃতি অনেকগুলি প্রসিদ্ধ লোকের অমুরাগভাজন হইয়াছিলেন। সাহিত্যাহুরাগী পণ্ডিতদিগের মধ্যে বিশপ হিবারের সহিত তাঁহার প্রথম পরিচয় হয় এবং তিনি তাঁহার সহিত বন্ধুত্ব-সূত্রে বদ্ধ হন। ইহারই উৎসাহে হিমালয় ১৮২১ সালে 'বেম্পার্স অব্ পালার্মো' নামক সুন্দর শোকসূচক কাব্য রচনা সম্পন্ন করিয়া অভিনয়ার্থ অর্পণ করেন। ১৮২৩ সালে কবেন্ট উদ্যানের নাট্যশালায় ইয়ং, কেঞ্চল প্রভৃতি সুবোধ্য অভিনেতাдиগের দ্বারা অভিনীত হইলেও ইহা সাধারণের নিকট তাদৃশ সমাদৃত হইল না। বাহাহউক ইহা দ্বারা কবি মিলম্যানের সহিত তাঁহার পরিচয় হইল। অতঃপর এই নাটক এডিনবার্গে অভিনীত হয়, সার ওয়ালটার স্কট তাহার উপসংহার লিখিয়া দেন। এবার অভিনয় সর্বসাধারণের হৃদয়গ্রাহী

হয়। ১৮২১ সালে তিনি রয়েল সোসাইটী হইতে সাহিত্যের এক পুরস্কার প্রাপ্ত হন। ১৮২৬ সালে (Forest Sanctuary) অর্থাৎ বনমন্দির নামে এক উৎকৃষ্ট কাব্য প্রচার করেন।

১৮২৭ সালে বিবি হিমালয়ের মাতার মৃত্যু হয়, ইহাতে তিনি নিতান্ত নিঃস্বপায় ও অবসন্ন হইয়া পড়েন। এতকাল গৃহকাণ্ডের জন্য তাঁহাকে কোন চিন্তা করিতে হইত না, সে সমুদায় জননীই নির্বাহ করিতেন এবং তিনি নিশ্চিন্তমনে কাব্যালোচনার সমস্ত সময় অতিবাহিত করিতেন। কিন্তু এখন গৃহস্থ্য সকল ভারই তাঁহার মস্তকে পতিত হইল। ওয়েলস্ তাঁহার নিজের হৃদয়ের নিতান্ত প্রীতিকর হইলেও তথায় সম্মানগণের শিক্ষার সুবিধা হইবে না বলিয়া তিনি লিবারপুল নগরের নিকটে ওয়েবারট্, নামক গ্রামে আসিয়া বাস করিতে লাগিলেন। এইরূপ অবস্থাপন্ন হইয়াও তিনি লেখনীকে বিশ্রাম দান করিলেন না। ১৮২৮ সালে নারীগণের বৃত্তান্ত, অবকাশ কালীন সঙ্গীত প্রভৃতি কয়েকখানি পুস্তক প্রকাশ করিলেন।

১৮২৯ সালের গ্রীষ্মকালে তিনি স্কটলণ্ড ভ্রমণ করিতে যান। তথায় অনেক বিখ্যাত পণ্ডিত তাঁহাকে সমাদরে গ্রহণ করেন, সার ওয়ালটার স্কট ইহাদিগের মধ্যে একজন। স্কটের সহিত দুই তিন সপ্তাহ কাল তিনি সদালাপে অতি আনন্দে যাপন করেন। স্কট তাঁহাকে

বিদায় দিবসের সময় বলেন “এমন লোকের সহিত সময় সময় সাক্ষাৎ হয় যে তাহা-দিগকে আপনার জন বলিয়া চিরকাল আদর করিতে ইচ্ছা হয়, আপনি সেই রূপ প্রকৃতির লোক।” ঝুট আর এক সময় বলেন “বিবি হিমান্স! আপনার এত গুণ যে তাহা অতিরিক্ত বলিয়া বোধ হইতে পারিত, কিন্তু আপনি সেই গুণাবলি দ্বারা প্রতিবাসিগণকে সুখী করিতে আনেন।”

১৮৩০ সালে তাঁহার রচিত ভাব সঙ্গীত (Songs of the Affections) প্রচারিত হয়। এই বৎসর তিনি কবি-বর ওয়ার্ডসওয়ার্থের সহিত সাক্ষাৎ করিতে বান। উক্ত কবি পর্বতবেষ্টিত হ্রদ সকলের নিকটে বাস করিতেন। এই স্বাভাবিক দৃশ্যে হিমান্সের চিত্ত একরূপ বিমুগ্ধ হয় যে তিনি তথায় একটা বাটা ভাড়া করিয়া বাস করিবার অভি-লাষ করেন।

১৮৩১ সালে বিবি হিমান্স সস্তান-গণের সহিত ডব্লিন নগরে তাঁহার সহোদরের নিকট গমন করেন এবং জীবনের অবশিষ্ট ভাগ সেই স্থানে ক্ষেপণ করেন। পুস্তক রচনার তাঁহার বিশ্রাম ছিল না এবং তিনি সর্বক্ষণই কার্যে নিযুক্ত থাকিয়া সুখানুভব করিতেন। কিন্তু তাঁহার স্বাস্থ্য ক্রমশঃ ভগ্ন হইয়া আসিল। ১৮৩৪ সালের শেষ ভাগে তাঁহার শরীর একরূপ ক্ষীণ হইল যে মৃত্যু নিকটবর্তী বলিয়া বোধ হইতে

লাগিল। তিনি কোন প্রকারে আর পাঁচ ছয় মাস জীবন ধারণ করিয়াছিলেন। তাঁহার এক বন্ধু তাঁহার চরম অবস্থার এই রূপ বর্ণন করিয়াছেন :—

বিবি হিমান্স এক্ষণে একরূপ পীড়া-ক্রান্ত যে সমস্ত দিন গৃহে বদ্ধ ও শয্যাস্থ হইয়া থাকিতেন। কিন্তু তিনি ধৈর্য্যাবলম্বন ও ঈশ্বরের উপর নির্ভর করিয়া সকল ক্লেশ বহন করিতেন। পুস্তক পাঠের শ্রম তাঁহার সহ্য হইত না, তিনি বাইবেলের অধ্যায় সকল এবং মিল্টন ও ওয়ার্ডসওয়ার্থের কাব্য সকল একাদিক্রমে স্মৃতি হইতে আবৃত্তি করিতেন। তিনি তাঁহার বাল্য জীবনের ঘটনা সকল চিন্তা করিয়া সুখানুভব করিতেন—সেই সমুদ্র তীরের পুরাতন গৃহ, পর্বত দেশে বৃক্ষাভ্রমণ, নির্জন বাস ও পুস্তক সকলের সহবাস—তাঁহার স্মৃতিপথে কত আনন্দ আনিয়া দিত। তাহার তাঁহার অবস্থার জন্য দুঃখ প্রকাশ করিত, তিনি তাহাদিগকে বলিতেন “আমার জন্য দুঃখিত হইও না, আমি আপনার মানসিক স্মৃতিস্তা ও সুখরাজ্যে সর্বক্ষণ অবস্থিত করি।” তাঁহার ভগিনী বলিয়াছেন, সময় সময় বোধ হইত যেন তাঁহার আত্মা শরীরের বন্ধন হইতে মুক্ত হইয়া অনির্বচনীয় গভীর পবিত্র চিন্তায় নিমগ্ন হইয়াছে। তিনি নির্জনে অদ্বকারে একাকী থাকিতে ভাল বাসিতেন এবং আত্মসম্ভাষণ করিতেন।

এপ্রেল মাসের শেষে তাঁহার পীড়ার

কিঞ্চিৎ উপশম বোধ হয় এবং তিনি 'রবিবাসরীর পাখা' নামে তাহার শেষ রচনা জাহার নামে উৎসর্গ করেন। কিন্তু পুনরায় পীড়াক্রান্ত হইয়া ১৮৩৫ সালের ২৫শে মে রাত্রি ৯ টার সময় মর্ত্যদেহ পরিত্যাগ করিয়া যান। মৃত্যু-সময়ে জাহার একটু অঙ্গবিকৃতি লক্ষিত হয় নাই, তিনি সমস্ত দিন যেন শান্তিময় মিজার ক্রোড়ে বিশ্রাম

করিতেছিলেন, অবশেষে তাহাতেই নিমগ্ন হইয়া গেলেন।

বিবী হিমাল একজন অতি মধুর কবি। জাহার রচনা সকল অতি সুস্বাদু ও সুভাষপূর্ণ। তিনি গৃহ, মানবীয় মধুর মনোভাব এবং প্রাকৃতিক দৃশ্য বিষয়ে অনেক কবিতা লেখেন। জাহার ভগিনী জাহার জীবনচরিত সহিত রচনাবলী ছয় খণ্ড পুস্তকে প্রকাশ করিয়াছেন।

নিশীথ চিন্তা।

চতুর্থ প্রস্তাব।

এই তো ঝড় বহিল—সৈকত ভূমির শান্তি স্থখ আর উজ্জল-শোভা ভগ্ন করিয়া বহিল। লঘুভার বালুকণা সকল আর কত কাল সংযুক্ত থাকিবে বল,—কেহ বা উঠে উঠিল কেহ বা নিম্নে নামিল আর কেহ বা ঘুরিতে ঘুরিতে কোথায় চলিয়া গেল। যে দলিলাংশ সংযোজক হইয়া এতকাল বাঁধিয়া রাখিয়াছিল, প্রথম উত্তাপে সে টুকুও শুকাইয়া গিয়াছে; তবে আর হতভাগ্য বালুকাকণা কোন বন্ধনীতে বদ্ধ থাকিবে, আর কাহাকে অবলম্বন করিয়া এই প্রবল শব্দর স্রোত হইতে উদ্ধার পাইবে? এক কোটায়, দুই কোটায়, শত সহস্র কোটায় বৃষ্টি নামিতে আরম্ভ হইল; কিন্তু প্রবল বাতায় নামিতে দিবে কেন? আকাশের মেঘ আকাশেই

বহিয়া গর্জন করিতে লাগিল—বালুকণা তাহাতে আবদ্ধ হইল না, শিথিল ভাবে চারিদিকে উড়িতে লাগিল।

উড় তবে উড়, তোমরা শত সহস্র লাখে লাখে ঐ শূন্যে উড়িতে থাক—আঘাতে প্রতিবাক্যে খণ্ডে খণ্ডে বিভক্ত হইয়া প্রতি আবর্তে মিশিরা মিশিয়া ঘুরিতে থাক। তোমাদের ঐ দুর্বল এখন অতীব মনোহর বলিয়া প্রতীয়মান হইবে বটে, কিন্তু বুঝিতে পার কি ঐ ঝড়ের প্রশমনান্তে কোথায় তোমাদের স্থিতি হইবে?

এই সংসারেও লঘুমধ্যপ্রকৃতি অনেকা—নেক লোক বিষয়-চিন্তায় গুদ-বদর হইয়া কাম ক্রোধ লোভ মোহ মদ ও মাৎস্যর্য ঝটিকায় উড়িয়া থাকে, তোমাদেরই ন্যায় আবর্তে আবর্তে ঘুরি

থাকেন। পিতামাতা, ভাই, বন্ধু, আত্মীয় ও
পুত্রন উপদেশ দৃষ্টি সেতন করুন, তাহাদের
বিকৃত মনে তাহা স্থান পাইবে কেন?—
তাহারা যুরিতেই থাকিবে, পরিণাম-ফল-
বিমূঢ় হইয়া পাশাবর্ত্তের প্রতিচক্রে
বুধিত হইয়া, উহারই আপাত মনোহর
রূপে মুগ্ধ হইয়া হাসিতে হাসিতে
খেলিতে থাকিবে—জানে না অবশেষে
কোথায় গিয়া পড়িবে।

ঐ প্রান্তর মধ্যে একটা মাত্র গাছ
শাখায় আর প্রশাখায়, পত্রে আর
পত্রে শোভিত হইয়া কতই না সুন্দর
দেখাইতেছিল। বিহঙ্গমগণ আতপতাপে
তাগিত হইয়া পরিশ্রমে ক্লান্ত হইয়া
উহারই সুশীতল ছায়ায় শরীর জুড়াইতে
জুড়াইতে মনের আনন্দে কতই না
অক্ষুট মধুর ধ্বনি আকাশে নিশাইত।
এতদিন ঐ প্রকাণ্ড বৃক্ষ কত শত ছোট
ছোট নানাবিধ কীট পতঙ্গের এক মাত্র
জীবনের অবলম্বন ছিল, পথিকগণও
ক্লান্তকলেবর হইয়া উহারই ছায়ায়
বসিয়া শান্তিভোগ করিত। কিন্তু হায় !
বড় উন্নতশির মহাকায় বৃক্ষকেও অব্যা-
হতি দিল না; বরং প্রবৃত্ত রেবে
আক্রমণ করিতে আরম্ভ করিল, ক্রমে এক
খানা জুখানা তিনখানা করিয়া ভাঙ্গিয়া
পড়িয়া গেল, মূলদেশ দৃঢ় ছিল বলিয়া
বৃক্ষটী কাণ্ডমাত্রশেষ হইয়া স্পন্দহীন
ভাবে দাঁড়াইয়া রহিল, কিন্তু হায় উহার
শাচনীয় অবস্থা কর জনকে শিক্ষা
দান করিল ?

শাখা প্রশাখাদি সম্পন্ন বড় বড়
গাছের উপরই যেমন ঝড়ের আক্রমণের
আধিক্য লক্ষিত হয়, হায় ! সেইরূপই
আবার ঐশ্বর্যবান ও ক্ষমতামালী বড়
বড় সংসারের উপরেও পাপ বাত্যার
সরোষ আক্রমণ দেখিতে পাওয়া যায়।
না জানি সে দিন কতদূর যে দিন ঐশ্বর্য
পাপ কার্যের সহচর না হইয়া কেবল
পুণ্য কার্যেই নিয়োজিত হইতে থাকিবে,
যে দিন ধনীগণ আলোকস্তম্ভের ন্যায়
দাঁড়াইয়া চতুর্দিকে আলোক বিতরণ
করিতে থাকিবে, তাহাদের পুণ্যালোকে
আলোকিত হইয়া কি বালক কি বৃদ্ধ
কি কিশোর, কি যুবক, কি ধনী, কি
ভিক্ষারী, নির্বাণোন্মুখ অথবা মানসিক
জ্যোতিকে পুনরায় পূর্ণকলার হাসাইয়া
পরিজ মনে আহ্বান প্রেম শান্তি ও সুখ-
সাগরে ভাসিতে থাকিবে।

আঘাতের পর যেমন তাহার প্রতি-
ঘাত, ঝড়ের অবসানে যেমন কণকাল
স্তরে নিস্তব্ধতা, সেইরূপ আবার পাপ
কার্যের অবসানেও একান্তে আত্মধিকার,
কিন্তু—হায় ! সেই অহুতাগ ও আত্ম-
ধিকার কতক্ষণ স্থায়ী হয় ?

কোনও প্রসিক পণ্ডিত বলিয়া গিয়া-
ছেন পাপ দৈত্যের আকৃতি এতদূর
জঘন্য যে দৃষ্টি, মাজেই উহার উপর
বৃণার উজ্জেক হয়, কিন্তু যদি সন্দেহাই সে
পৈশাচিক মূর্তি অরলোকন করা যায়,
তাহা হইলে ক্রমে ক্রমে অভ্যাগাস বলে
উহার সেই বৃণিত আকৃতিও সহ্য হইয়া

বায় এবং যতই আমরা উহার নিকট থাকি, ততই আমাদের ধর্মবন্ধনী শিথিল হইতে থাকে এবং সর্বশেষে আমরা উহাকে আলিঙ্গন করিতে প্রলুব্ধ হই। কিন্তু আলিঙ্গন করিলে আর রক্ষা নাই। এ জগতে কর জন লোক একবার পাপ সাগরে ডুবিয়া অমৃতাপ ও বিবেক বলে পুনরায় মস্তক উত্তোলন করিতে সক্ষম হইয়াছে? যতই পাপের সহিত মিশিতে থাকিবে, ততই পাপ তোমাকে গাঢ়

আলিঙ্গন প্রদান করিবে এবং ততই তোমার আপন মনুষ্যত্ব ও বুদ্ধিবৃত্তির লোপ হইতে থাকিবে। হায়! এমন দিন কবে হবে যে দিন মোহে অন্ধ মানবাত্মা পাপ বন্ধন ছিন্ন করিয়া পরম দয়াল পরমেশ্বরের অনির্বচনীয় কৃপা ও মহাত্মা হৃদয়দ্বন্দ্ব করিয়া তাঁহারই গুণ গান করিতে করিতে তাঁহার চরণে আশ্রয় সমর্পণ করিতে সমর্থ হইবে।

সাধনা ।

১ম কল্প—গৃহতাগ ।

“সাধনার মন্ত্র জপিব বাসনা,
দেখিব কেমন পারি কি পারি না
পূরাতে প্রাণের গভীর কামনা,
শরীর পতন করিব স্বীকার—

“জগতে পাইয়া মানব জীবন,
বিধাতা প্রদত্ত অমূল্য রতন,
যাপিব কেমনে পুণ্ডর সতন ?
পারিব না ইহা প্রতিজ্ঞা আমার ॥—

তরঙ্গিণীতীরসন্নিধ কাননে,
বসন্ত মারুত দেবিত বিজনে,
কতদিন হ'ল সন্ধ্যা আগমনে
বসিয়া থাকিতে দেখেছি কাহারে ।—

কান্তিমতী নিশি তারার মালায়,
আপনার দেহ আপনি সাজায়,
সুধাকর পাশে প্রেম আকাজক্ষায়,
ধীর সমীরণে জাগায় কুলেরে ॥—

সেই সে মধুর সন্ধ্যার সময়,
পরিজ্ঞ অন্তরে থলিয়া হৃদয়
পূণ্যতীর্থ শত স্মৃতিনিগর,
করঘোড় করি জনেক রমণী—

যামিনী সম্মুখে, উদ্দেশি দ্বিধারে
মৃদু ধীর পূত মধু কণ্ঠস্বরে,
সুদীপ্তা নয়ন ভঙ্জি অশ্রু বারে
পূজিয়া প্রথমে, পরেতে কি জানি—

কণেকের তরে নীরব থাকিয়া
উৎসুক নয়নে তটিনী চাহিয়া
চিন্তা ধনে চাকর বদন চাকিয়া
সাহসের কর্ণে বলিলা কামিনী—

“সাধনার মন্ত্র জপিব বাসনা
দেখিব কেমন পারি কি পারি না,
যদিও অভাগী বন্ধের ললনা,
ভগবান ওহে সহায় হইও ;

জুটুটা করিয়া 'সাহারা' অপার
সম্মুখে জলন্ত বালুকা কান্তার,
বতন গতিব এ আশা বাহার,
তাঁর কিবা ভর মরণ যদিও ?

মাগরের গর্ভে থাকে বাদোগণ,
দেখে মনে হয় নিশ্চয় মরণ,
মকুতার আশা তা বলে কখন
তাজিতে কি পারে সাহসী হৃদয় ?

কিন্তু এক কথা ওলো প্রবাহিনী !
চিরদিন মোর ছুৎখের ছুৎখিনী,
জিজ্ঞাসিব তোমা স্বরূপ কাহিনী,
দয়া করে দেবি ! বলহ আমার—

কত উষ্ণ ধারা এই নেত্র হতে,
হায় এবে কিণো নাহিক মনেতে,
মিশিয়ে গিয়াছে তোমার স্রোতেতে
চিরদিন তরে, সাহার কারণে।—

সেই জন যদি ধরার উপরে
ভাগ্যবশে মোর আঁক(ও) প্রাণ ধরে,
যে সকল কথা বলেছি তোমারে ;
দেখা যদি পাও ধরিয়া চরণে

'নিষ্ঠুর' বলিয়া সম্ভাষি তাঁহার,
মনে কষ্ট কিন্তু বেন না জন্মায়,
কোন্ অপরাধে অবস্থা কাঁদায়,
ভাল করে তাঁরে বলিও এ কথা—

বীর নিজে তিনি মাতৃভূমি তরে
করেছেন পণ, জীবন অসারে
কটকরুপিণী ভাবিছেন মোরে,
এ বড় অসহ্য মরমের বাথা—

ভ্রাজি হতে আমি করিলাম পণ,
বায় যদি বাবে ছুৎখের জীবন,
যত দিন ব্রত না হয় সাধন,
সন্ধ্যাসিনী হয়ে তাজিব সংসার।

পট্ট বস্ত্র ছাড়ি গাছের বাকল,
মিষ্ট দ্রব্য ছাড়ি বন জাত ফল,
ত্যাগিনী হইয়া আশারে নখল
করিয়া ফিরিব কানন মাঝারে।

বীণা এক শুধু ধরি স্বকোপনে,
ধীরে ধীরে মুছ অজলী প্রহারে,
নগরে নগরে ঘরে ঘরে ঘরে,
বাজারে গাইয়ে ফিরিব সঁদা।

ঈশগুণ গান পবিত্র বারতা,
বিভোরা হইয়া গাব যথা তথা,
ঘুচাব মনের নিদারুণ বাথা,
যন্ত্রণার কথা ঘাইব ভুলিয়া।

দেখিব যখন ভূধর সাগরে,
নদ নদী হ্রদ কানন কান্তারে,
সপ্তমে ভুলিয়া বীণার স্রুতারে,
গাইব তখন ভরিয়া হৃদয়—

গাহিতে গাহিতে নাচিব ভগন,
তখন করিব মন্ত্রের সাধন,
অথবা করিব শরীর পতন,
বীর-জায়া আমি কারেইবা ভয় ?

এত বলি বামা সহসা উঠিয়া
গগনের পানে চকিতে চাহিয়া,
দেখিল বিন্দুমে অক্ষর ভেদিয়া
চতুর্থী চন্দ্রমা হাসিছে সুন্দর।

জোছনা বসনা কুসুমকুন্ডলা
প্রকৃতি তখন প্রণয়বিহ্বলা,
যেন কোন এক শোভনা সরলা,
মরোবরে হাসে নলিনী নিকর।

“চলিলাম তবে ওহে শশধর,
জীবনের তরি ভাগিল আমার,

আজি হতে কভু ফিরিবেনা আর,
না হলে সমাধা সাধনার ব্রত।”

চলিলা তখন উদাসীনী প্রায়,
বীণা করে বামা একাকিনী হায়,
ফেলিয়া পশ্চাতে সংসার মায়ার,
বীর মন্য নাদ করি অবিরত।

বাহ্যবস্তুর জ্ঞানলাভ।

আমি এই প্রবন্ধটি লিখিতেছি ও আমার সম্মুখে একটি দোয়াভ রহিয়াছে, একটি কলম রহিয়াছে, এক খণ্ড কাগজ রহিয়াছে, ও আরও কত কি রহিয়াছে। ইহাদের প্রত্যেকটিকে বাহ্যবস্তু কহে। চক্ষু কর্ণ নাসা প্রভৃতি ইন্দ্রিয় দ্বারা আমরা বাহ্য বাহ্য জানিতে পারি, সে সমুদয়ই বাহ্যবস্তু। একটি ফুল ফুটিয়াছে, হয়ত তুমি তাহা দেখিতেছ না, কিন্তু তাহার গন্ধ পাইতেছ। এতদ্বারা তুমি ঘ্রাণেন্দ্রিয় দ্বারা ফুলরূপ বাহ্যবস্তুর একটি জ্ঞান লাভ করিলে। কিন্তু ফুলের গন্ধ পাইলেই কি তৎসম্বন্ধে বাহ্য কিছু জানিবার আছে সব জানা হইল? ফুলটি শীতল কি রাস্তা জানিবার ইচ্ছা হইলে তাহা দেখা আবশ্যক; ফুলটির আশ্রয় কিরূপ জানিবার ইচ্ছা হইলে তাহাকে স্পর্শের সংস্পর্শে আনা আবশ্যক; ইত্যাদি। তবে বুঝিতে পারিলে যে প্রত্যেক বাহ্য বস্তুর অনেক গুলি আছে, এবং একটি ইন্দ্রিয়ের দ্বারা সে সমুদয়ের

জ্ঞানলাভ অসম্ভব। এটি খুব দোজা কথা। মনে কর একটি বাহ্যবস্তু বাজিতেছে, ও তাহার সম্মুখে একজন বধির দাঁড়াইয়া আছে। বধির ব্যক্তি বস্তুটি দেখিতেছে বটে, কিন্তু তদ্ব্যবহিত সঙ্গীতের কি কিছু জানিতে পারিতেছে?

এখন আর একটি কথা ভাল করিয়া বুঝা চাই। মনে কর তোমার সম্মুখে একটি পদার্থ রহিয়াছে। তুমি তাহা দেখিতে পাইতেছ। কিন্তু পদার্থটি শীতল কি উষ্ণ বলিতে পার? ইহা বলিতে হইলে তাহাকে স্পর্শ করা আবশ্যক। যে ইন্দ্রিয়ের দ্বারা আমরা স্পর্শ জ্ঞান লাভ করিতে সক্ষম, তাহা শরীরের সর্বত্রই বিদ্যমান; সুতরাং সেই পদার্থটিকে শরীরের কোন না কোন অংশের সংস্পর্শে না আনিলে তাহা শীতল কি উষ্ণ কখনই বলিতে পারিবে না। এই ‘সংস্পর্শ’ শব্দটি ভাল করিয়া মনে রাখা উচিত। ইহার অর্থ অবশ্য খুব সামান্য। সংস্পর্শ বলিলে চলিত ভাষায়

ছোয়া অর্থাৎ একটি পদার্থের সহিত আর একটি পদার্থ ঠিকিয়া থাকা বুঝায়। এই সংস্পর্শ ব্যতীত কোন প্রকার ইন্দ্রিয়-জ্ঞান লাভ হয় না।

বরফ কাহাকে বলে যে ব্যক্তি জানে না, ইহা শীতল কি না জানিতে হইলে একটু বরফ তাহার শরীরের সংস্পর্শে আনিতে হইবে—অর্থাৎ একটু বরফ তাহাকে ছুঁইয়া দেখিতে হইবে। ইহার তাৎপর্য্য এই যে শরীরে সর্কজই যে স্পর্শেন্দ্রিয় বিদ্যমান রহিয়াছে, বরফটিকে সেই ইন্দ্রিয়ের সংস্পর্শে লইয়া আসিতে হইবে। স্পর্শেন্দ্রিয় সম্বন্ধে একথাটা তত কঠিন নহে; কিন্তু অন্যান্য ইন্দ্রিয় সম্বন্ধেও কি ইহা সত্য? চক্ষু কণ্ঠ প্রভৃতি ইন্দ্রিয় দ্বারা যে জ্ঞানলাভ হয় তাহাতেও কি এইরূপ সংস্পর্শ ঘটয়া থাকে? মনে কর তুমি ঘরের ভিতরে বসিয়া আছ ও বাহিরে একটি ফুল ফুটিয়া রহিয়াছে। ফুলটা তুমি বেশ দেখিতে পাইতেছ; হয়ত তাহার গন্ধও অন্ন অন্ন পাইতেছ। কোথায় ফুল কোথায় তুমি, অথচ তুমি তাহা দেখিতেছ এবং তাহার গন্ধও অনুভব করিতেছ। এতলেও কি তোমার দর্শন ও স্রাণেন্দ্রিয়ের সহিত ফুলরূপ বাহ্যবস্তুর সংস্পর্শ হইয়াছে?—সংস্পর্শ ব্যতীত বাহ্যবস্তুর জ্ঞান লাভ অসম্ভব। ইন্দ্রিয়গণের সহিত সংস্পর্শ না হইলে তুমি এ জগতে কিছুই দেখিতে, শুনিতে, কি স্রাণ, স্পর্শ ও আশ্বাদন করিতে পারিতে না।

আমরা স্পর্শের কথা পূর্বে বলিয়াছি। এক্ষণে স্রাণ প্রভৃতি ইন্দ্রিয়গণের বিষয় বিবেচনা করা যাউক।

একটি বস্তু যেখানেই থাকুক না কেন, তুমি তাহার স্রাণ পাইলেই বুঝিতে হইবে যে বস্তুটির কোন না কোন অংশ তোমার স্রাণেন্দ্রিয়ের সংস্পর্শে আসিয়াছে। তুমি হয়ত বলিবে বস্তুটি কিছু আমার নাসিকার সহিত লাগিয়া নাই, তবে সংস্পর্শ হইল কেমন করিয়া?—বস্তুটি তোমার স্রাণেন্দ্রিয়ের সহিত লাগিয়া নাই সত্য, কিন্তু তথাপি সংস্পর্শ হইতেছে। সংস্পর্শ না হইলে তুমি কখনই তাহার স্রাণলাভ করিতে সক্ষম হইতে না। এই সংস্পর্শ কিরূপ তাহা বলিতেছি। প্রত্যেক পদার্থ হইতে অলুক্ষণ পরমাণু সমূহ উখিত হইতেছে। এই সকল পরমাণু এত ক্ষুদ্র যে তুমি তাহাদিগকে দেখিতে পাইতেছ না, অথচ তাহারা বায়ু কর্তৃক বাহিত হইয়া তোমার নাসিকাকে প্রবেশ করিতেছে ও সেই পদার্থের গন্ধ কিরূপ তোমাকে জানাইয়া দিতেছে। অতরাং যেখানকার বস্তু সেইখানেই রহিল, অথচ তাহা হইতে পরমাণু উখিত হইয়া তোমার নাসিকার মধ্যে প্রবিষ্ট হইতেছে। ঠিক করিয়া বলিতে হইলে তুমি সমুদয় বস্তুটির স্রাণ লাভ না করিয়া শুদ্ধ তাহার ক্রীতকণ্ঠি পরমাণুর স্রাণ লাভ করিতেছ। কিন্তু একটি পদার্থের স্রাণ লাভ ও তাহার কতকগুলি পরমাণুর স্রাণ লাভ কি একই কথা নহে? তবে

এখন বুঝিলে যে স্পর্শে যেমন সংস্পর্শ আবশ্যক, ভ্রাণ ক্রিয়াতেও ঠিক তজ্ঞপ। বস্তুর স্বাদ গ্রহণ সম্বন্ধেও যে এই নিয়ম তাহা বলিয়া দিবার প্রয়োজন নাই। শরকরা যে মিষ্ট তাহা তুমি কেমন করিয়া জানিলে? দেখিয়া না স্পর্শ করিয়া? শরকরাকে তুমি তোমার জিহবার সংস্পর্শে আনিয়াছ; তাই বলিতে পার যে ইহার আশ্বাদ মিষ্ট।

পূর্বোক্ত ইন্দ্রিয়গণের সহিত বাহ্য বস্তুর যেক্রপ সংস্পর্শ হইয়া থাকে, দর্শন ও শ্রবণ ক্রিয়ায়ও ঠিক তজ্ঞপই। কিন্তু এই শেষোক্ত ইন্দ্রিয়দ্বয় সম্বন্ধে একটু গোল আছে। আমরা এক এক করিয়া নিজে ইহাদের কথা বলিতেছি।

আলোকের সহিত দর্শন ক্রিয়ার কত নিকট সম্পর্ক তাহা বুঝাইয়া দিবার প্রয়োজন নাই। আলোক না থাকিলে জগতে কি কিছু দেখিতে পাইতে? আমরা বাহ্য কিছু দেখিতে পাই, হয় তাহারা স্বতঃ জ্যোতির্ময়, না হয় পরের জ্যোতিতে আলোকিত। সূর্য ও অগ্নির নিজের জ্যোতি আছে আমরা তাহা দিগকে দেখিতে পাই। মৃত্তিকা, কাষ্ঠ, প্রস্তর, ফল, ফুল লতা, ইত্যাদির নিজের জ্যোতি নাই বটে, কিন্তু তাহারা সূর্য্য অগ্নি প্রভৃতি স্বতঃ জ্যোতির্ময় পদার্থের জ্যোতিতে আলোকিত হইলে অনায়াসে দৃষ্ট হইয়া থাকে। দৃষ্টির প্রধান কারণ তবে আলোক। যে পদার্থ স্বতঃ জ্যোতির্ময়, অথবা পরের জ্যোতিতে আলো-

কিত, তাহা হইতে সর্বদাই রশ্মি সূত্র নির্গত হইয়া থাকে। একটি বস্তু যতই ক্ষুদ্র হউক না কেন, তাহার দেহ হইতে সরল রেখাকৃতি সংখ্যাভীত রশ্মিসূত্র নির্গত হইয়া চারিদিকে ধাবিত হইতেছে। এই রশ্মি সূত্রগুলিই দৃষ্টির মূল কারণ। আমি দিনের বেলা লিখিতেছি ও আমার সম্মুখে দোয়াত রখিয়াছে। দোয়াতের নিজের জ্যোতি নাই বটে, কিন্তু তাহা সূর্য্যের রশ্মিতে আলোকিত। ইহা হইতে যে সংখ্যাভীত রশ্মিসূত্র নির্গত হইতেছে, তাহাঙ্গ কতকগুলি আমার চক্ষুতে, কতকগুলি আমার পার্শ্বে যাহারা আছেন তাহাদের চক্ষুতে, আমিরা পড়িতেছে। সুতরাং রশ্মি সূত্রগুলি দর্শনেন্দ্রিয়ের সংস্পর্শে আসিতেছে, এবং যে রশ্মিসূত্রগুলি আমার চক্ষুর সংস্পর্শে আসিতেছে, সে গুলি আর এক জনের চক্ষুর সংস্পর্শে কখনই আসিতে পারে না। এই কয়েকটি কথা বেশ করিয়া মনে করিয়া রাখ।

দর্শন ক্রিয়াতেও তবে সংস্পর্শ আছে। তুমি যে পদার্থটি দেখিতেছ, তাহা হইতে কতকগুলি রশ্মিসূত্র আসিয়া তোমার চক্ষুর উপরে পড়িতেছে। সুতরাং সেই রশ্মি সূত্রগুলির সহিত তোমার দর্শনেন্দ্রিয়ের সংস্পর্শ হইতেছে। অধিকন্তু কোন বস্তু দর্শন কালে তোমার বাহাই বোধ হউক না কেন, তুমি রশ্মিসূত্র ব্যতীত আর কিছুই দেখিতে পাও না। তুমি যে বস্তুটি দেখিতেছ মনে কর, ঠিক করিয়া বলিতে গেলে সে বস্তুটির সহিত

তোমার কোন সম্বন্ধ নাই। তাহা হইতে বিনির্গত রশ্মিস্ত্র সমূহের সহিতই তোমার দর্শন ক্রিয়ার সমুদয় সম্বন্ধ। কিন্তু এ বিষয়ে বলিবার এখনও অনেক কথা আছে। কোন শব্দ শুনিবার সময় শ্রবণক্রিয়ার সহিত বাহ্য বস্তুর কিরূপ সংস্পর্শ হয় অগ্রে তাহা বলিব।

আপনা হইতে কোন বস্তুরই শব্দ হয় না। যেপর্যন্ত কোন বস্তুতে আঘাত না লাগে, ততক্ষণ তাহা হইতে শব্দ উদ্ভিত হওয়া একেবারে অসম্ভব। এ সম্বন্ধে অধিক উদাহরণ দিবার প্রয়োজন নাই। তোমার সম্মুখে একটি গেলাস রহিয়াছে। গেলাসটতে টোকা দাও, তবে শব্দ হইবে। একটি বাদ্য যন্ত্র রহিয়াছে। যন্ত্রটি বাজাও, তবে তাহার শব্দ শুনিতে পাইবে। আঘাত লাগিবা মাত্র বস্তুর পরমাণু সমূহ কম্পিত হইতে থাকে। ইহার একটি সুন্দর উদাহরণ আছে। অধিক পূর না হয় এমন একটি কাঁশার কি পিড়লের বাটার অধিকাংশ জলে পরিপূর্ণ করিয়া তাহাতে একটি টোকা মার। দেখিবে যে বেই শব্দ হইবে, অমনি বাটির জলের চারিদিকে দ্রুততর কুজ কুজ চেউ খেলিতে থাকিবে। আঘাত প্রাপ্ত হওয়ার বাটির পরমাণু কাঁপিতে থাকে বলিয়া এই চেউ উৎপন্ন হয়। কিন্তু বাটির পরমাণু সমূহের প্রকল্পনে জলে যেমন চেউ খেলিতে থাকে, বায়ুতে ঠিক তজ্রপ হয়। বায়ুর এই চেউ শব্দের একটি প্রধান

কারণ। যেমন পুকুরিবাঁতে একটি ঢিল ফেলিলে পুকুরিবীর জল বুজাকারে কাঁপিতে থাকে, এবং সেই বুজ ক্রমশঃ বিস্তীর্ণ হইয়া পড়ে, তজ্রপ কোন বস্তু যে কারণে হটক আঘাত প্রাপ্ত হইলে তাহার পরমাণু সমূহের প্রকল্পন বশতঃ বায়ুমাগরে চতুর্দিকে বুজাকারে চেউ উঠিতে থাকে ও সেই চেউ ক্রমশঃ ঘূর্ণ-ব্যাপী হইয়া পড়ে এবং আমাদের কর্ণে প্রবেশ করিয়া শব্দ জ্ঞান জন্মাইয়া দেয়। তবে বুঝিবে যে শ্রবণক্রিয়াতেও সংস্পর্শ আছে। যে বস্তুর শব্দ শুনিতে পাওয়া যায়, সেটি নিজে অবশ্য শ্রবণক্রিয়ার সংস্পর্শে আইসে না। তাহার প্রকল্পন বশতঃ বায়ু মাগরে যে চেউ খেলিতে থাকে, তাহাই শুধু আমাদের ইন্দ্রিয়ের সংস্পর্শে আইসে। যেমন দর্শন ক্রিয়াতে যে বস্তুটি আমি দেখিয়াছি মনে করি তাহার সহিত আমার কোন সম্বন্ধ নাই, শ্রবণ ক্রিয়াতেও ঠিক তজ্রপ। আমি একটি বাদ্য শব্দ শুনিতেছি। যন্ত্রের প্রকল্পনে বায়ুমাগরে যে চেউ উঠিতেছে, তাহারই সহিত আমার কর্ণের সংস্পর্শ। সেই চেউ আমার কর্ণের সংস্পর্শে আসিতেছে, এবং আমি তাহাই শুধু শুনিতেছি।

তবে দেখিবে যে ইন্দ্রিয়গণের সহিত কোন না কোন রূপ সংস্পর্শ ব্যতীত বাহ্য বস্তুর কোন প্রকার জ্ঞান লাভ একবারে অসম্ভব। এই সংস্পর্শ হইলে তাহার পরে কি হয় জানা নিতান্ত আবশ্যক। এ সম্বন্ধে বলিবার অনেক কথা রহিল।

নূতন সংবাদ।

১। টাকারী মহারানী পাকাবাড়ী স্বল্প এক ঋণ ভূমি দান করিয়াছেন, ইহা বিক্রয় করিয়া বে লাভ হইবে তাহা পাটনার একটি হাসপাতালের সাহায্যার্থ প্রদত্ত হইবে।

২। পণ্ডিতা রমাবাই এক্ষণে আমেরাবাদ ভ্রমণ করিতেছেন। স্বীকৃতির মঙ্গলোদ্দেশ্যে তিনি ভ্রমণ কয়েকটি বক্তৃতা দিয়াছিলেন।

৩। রাজ প্রতিনিধি লর্ড রিপণ মঞ্জিবর্গ সহ ইতিমধ্যেই সিমলা পাহাড় গমন করিয়াছেন।

৪। মুক্তিকোজের অধ্যক্ষ মেজর টকার ধর্ম প্রচার অপরাধে বোম্বের কারাগারে নিষ্কৃত হইয়াছেন। ওদিকে কোজের প্রধান সেনাপতির কন্যা কুমারী বৃথ জেনিভা নগরে ধর্ম প্রচার করিতে ছিলেন, কিন্তু তদ্রত্যা গবর্ণমেন্টের আদেশে তথা হইতে বহিষ্কৃত হইয়াছেন।

পুস্তকাদি সমালোচনা।

১। বোঠাকুরাণীর হাট—শ্রী রবীন্দ্রনাথ ঠাকুর প্রণীত, মূল্য ১।০ টাকা। যশোহররাজ প্রতাপাদিত্য সম্বন্ধীয় ঐতিহাসিক উপন্যাস এই গ্রন্থে বর্ণিত হইয়াছে। ইহাঃ রচনা সরল ও স্থানের স্থানের চিত্র অতি উৎকৃষ্ট হইয়াছে। এতৎ পাঠে পাঠক পাঠিকাগণ সন্তোষ লাভ করিতে পারিবেন বলা বাহুল্য। কিন্তু কাব্যের ন্যায় উপন্যাস ক্ষেত্র রবীন্দ্র বাবুর প্রতিভা প্রকাশের তাৎক্ষণিক স্থল বলিয়া আমাদের লক্ষিত হয় না। আমরা তাঁহার কবিকল-কণ্ঠ স্বনি শ্রুতিতে অধিক ভাল বাসি।

২। নীতিকুসুম প্রথম ভাগ—শ্রীভবনাথ চট্টোপাধ্যায় সম্বলিত, মূল্য ৮০ আনা। অল্প অল্প বালক বালিকাদিগকে নীতি-শিক্ষা দান পক্ষে এই পুস্তক খানি বিশেষ

উপযোগী হইয়াছে। ইহাতে কতকগুলি সুন্দর সুন্দর আখ্যানিক সংক্ষেপে ও সরল ভাষায় লিখিত হইয়াছে। এই রূপ পুস্তক বিদ্যালয়ের পাঠ্যমধ্যে পরি-গণিত হওয়া উচিত।

৩। মথুরা—এই নামে একখানি নূতন ধরণের মাসিক পত্রিকা প্রচারিত হইতেছে। ইহা বালকদিগের জন্য লিখিত হইতেছে এবং ইহার ভাষা ও বিষয় সকলও তদুপযোগী হইতেছে দেখিয়া আমরা আশ্বাসিত হইয়াছি। ইহাতে অতি সুন্দর সুন্দর ছবি থাকে, ইহার কাগজ ছাপা প্রভৃতি সকলই অতি উৎকৃষ্ট। ইহাকে সম্পূর্ণরূপে ছাত্রদিগের আমোদকর ও উপকারজনক করিবার জন্য সম্পাদকে বিশেষ আগ্রহ ও যত্ন

লক্ষিত হয়। ইহার বার্ষিক মূল্য ১ টাকা মাত্র। আমরা সর্বাস্তঃকরণে এই পত্রের উন্নতি কামনা করি।

৪। শরীর রক্ষণ-ভাঙ্গার অঙ্গদাচরণ কাতমিরি প্রণীত। শারীরিক কার্য, স্বাস্থ্য রক্ষার উপায় এবং গৃহচিকিৎসা ইহাতে এই সকল বিষয় সরল ভাষায় বুঝাইয়া দেওয়া হইয়াছে। গৃহচিকিৎসার

অনেকগুলি মুষ্টিযোগেরও উল্লেখ আছে। এই পুস্তক বানি হইতে অস্তঃপুরিকাগণ বিশেষ উপকার লাভ করিতে পারিবেন।

৫। উৎসর্গ—ঐশ্বর্যোৎসর্গে প্রণীত, মূল্য ১০ আনা। ইহা গত ভারতোৎসবোপলক্ষে লিখিত এবং ইহার কবিতাগুলি সুভাবসম্পন্ন ও উদ্দীপনাপূর্ণ হইয়াছে।

বামাগণের রচনা ।

বাল্যবিবাহ ও অবরোধ প্রথা সম্বন্ধে সমালোচনা ।

বাল্যবিবাহ সম্বন্ধে অনেক দিবস যাবৎ আন্দোলন চলিতেছে, এই মঙ্গলময় আন্দোলনে অনেক ফল ফলিয়াছে এবং অনতিদীর্ঘ কাল মধ্যেই এই কুপ্রথা বেশ হইতে বিরূপিত হইবে আশা করা যাইতে পারে।

বাল্যবিবাহের ন্যায় অনিষ্টজনক কুপ্রথা কোন সভ্যদেশেই প্রচলিত নাই, আমাদের দেশেও যে অতি পূর্বকাল হইতেই বাল্যবিবাহ প্রচলিত আছে, এমন কোন প্রমাণ প্রাপ্ত হওয়া যায় না; বরং তৎসময়ে বাল্যবিবাহ প্রচলিত ছিল না এক্ষণেই প্রমাণ দৃষ্ট হয়।

পূর্বকালের লোকেরা প্রথম বয়সে বিদ্যোপার্জন, দ্বিতীয় বয়সে দার পরিগ্রহ পূর্বক সংসারধর্ম প্রতিপালন এবং তৃতীয় বয়সে ধর্মকার্য সাধনে জীবন সমর্পণ করিতেন। কন্যাগণও পিতৃগৃহে নানা শাস্ত্র ও কলা বিদ্যাশিক্ষা করিয়া উপযুক্ত বয়সে বিবাহিত হইতেন।

বাল্য বিবাহ ঘন্যশিও শাস্ত্রানুমেদিত বলিয়াই কখনোশীঘ্র হিন্দু মাত্রেয় অপরিহার্য হইয়া উঠিয়াছে এবং লোকে চক্ষের উপর শত শত সর্বনাশ প্রত্যক্ষ করিয়াও শাস্ত্রের আদেশ বলিয়াই এই কুপ্রথা দেশ হইতে দূর করিতেছেন না, কিন্তু অহুসন্ধান করিয়া দেখিলে জন কত মুনির বাক্য ভিন্ন কোন শাস্ত্রেই কন্যার বাল্য বিবাহ না দিলে পাণ বলিয়া উক্ত নাই।

জানিনা কি কৃষ্ণে অজিরা মুনির মুখ হইতে এই শ্লোকটি—“অষ্টবর্ষা ভবেৎ গৌরী নববর্ষাতু দোহিণী। দশমে কন্যাকা প্রোক্তা তত উর্দ্ধং রজস্বলা।” বাহির হইয়াছিল। এই শ্লোকটির দোহাই দিয়াই জন সমূহ বালিকা কন্যাকে বাল্য বিবাহ রাক্ষসীর মুখে প্রদান করিয়া থাকে। বশিষ্ঠ ইত্যাদি আরও কয়েকটি মুনি বাল্য বিবাহে মত দিয়াছেন বটে, কিন্তু পূর্বকালে বাল্য বিবাহের দৃষ্টান্ত অতি বিরল

এবং অন্যত্র দৃষ্টি করিলে দেখা যায় যে মহা বলিয়াছেন “কামদামরপতিষ্টে মৃগে কন্যাসুতাপি। নচৈবৈনাং ঐক্যেচ্ছন্তু গুণহীনায় কহিঁ চিৎ।” অর্থাৎ কন্যা গুণমতী হইয়া মৃত্যু পর্যন্ত বরং পিতৃগৃহে বাস করিবে তথাচ গুণহীন পাতে সন্নিপতি হইবেন না।

আর অঙ্গিরা কি বশিষ্ঠ যে মুনিই বল না কেন, তাঁহারাও মহাব্য ভিন্ন কখনও দেবতা ছিলেন না, যে দেবতাকে কিরূপে লঙ্ঘন হইতে পারে? মহর্ষিগণ জ্ঞানী বলিয়াই তাঁহাদের বাণী আদরণীয়, যদি কোন মুনি ভ্রান্ত হইয়া ভ্রম পূর্বক প্রচার করিয়া গিয়া থাকেন, তবে তাহা অবশ্যই বিবেচনা শক্তিসম্পন্ন মহামোহের পরিত্যাগ করা কর্তব্য।

এই সমস্ত শাস্ত্রের কথা উত্থাপন করা বৃথা, কেননা আধুনিক হিন্দুগণ শাস্ত্র সঙ্কলনে অবহেলা করিতে পারেন, কিন্তু

দেশাচারের বচন তাঁহারা কোন প্রকারেই গ্রহণ করিতে সাহসী হইবেন না।

যদি তাঁহারা শাস্ত্রই মান্য করিবেন তবে দশম বর্ষের ন্যূন বয়সেই কন্যা সম্প্রদান করিতে পারেন, কিন্তু অনেক স্থলে দেখা যায় কন্যাকে ত্রয়োদশ চতুর্দশ বর্ষ বয়সকালে বিবাহ দেওয়া হয়, সুতরাং বলিতে হইবে যে তাঁহারা শাস্ত্রা-পেক্ষা লোকাচারের দাস।

দ্রুৎ ও দুর্গার জ্বর বড় হইয়া যায় যে সকল শিক্ষিত ব্যক্তিগণ শাস্ত্র অমান্য করিয়া স্বচ্ছন্দে গোপনে কুকুট এবং গোম্পদ সেবন করিতে পারেন; দেশের অনেক সুনিরমল বাহারা নিজ সুখার্থ কুনিয়ম বলিয়া পরিত্যাগ করিতে পারেন, তাঁহারাও এই মহা পাপ শৃঙ্খলে আপনাপন শিশুসন্তানদিগকে বদ্ধন করেন।

ক্রমশঃ

২য় ভাগ ৪র্থ কম্প বামাবোধিনীর

সংখ্যানুসারে সূচিপত্র।

বৈশাখ—২০৮ সংখ্যা।		৮। দূরবীক্ষণ ও অণুবীক্ষণ ... ২৩	
১। সাময়িক প্রসঙ্গ ... ১		৮। নীতার বনবাগ ... ২৪	
২। নববর্ষ ... ৩		১০। নূতন সংবাদ ... ২৭	
৩। গার্হস্থ-শিক্ষা ... ১০		১১। পুস্তক সমালোচনা ... ৩১	
৪। স্থানীয় বাত্যা ... ১৩		১২। বামাগণের রচনা ... ২৮	
৫। সুখসাম্রাজ্য (উপন্যাস) ... ১৬		১৩। Windsor Castle ... ৩০	
৬। আনেরিকা আবিষ্কার ... ১৮		জ্যৈষ্ঠ—২০৯ সংখ্যা।	
৭। প্রকৃত দয়া ও কুনারী ... ২০		১। সাময়িক প্রসঙ্গ ... ৩০	

২৭। নিশীথ চিন্তা ...	৩৬
৩০। সীতার বনবাস ...	৩৮
৪১। অকোম্পা ও ফেডারান ...	৪১
৫১। গৃহ লাগ্নী ...	৪৩
৬১। স্থানীয় বাত্যা ...	৪৭
৭৭। কেন অতী কুজ তলে আমার	
হৃদয় নাচে (পদ্য) ...	৫০
৮১। সুপনামিগন ...	৫১
৯১। আমেরিকা আবিষ্কার ...	৫৪
১০১। জীজ্ঞাতির সদ্গুণ বিষয়ে	
কথোপকথন ...	৫৭
১১১। নূতন সংবাদ ...	৬২
১২১। পুস্তক সমালোচনা ...	৬৩
১৩১। বামাগণের রচনা (নিশীথে	
কৃত) ...	৬৪

আমাত—২১০ সংখ্যা ।

১। সাময়িক প্রসঙ্গ ...	৬৫
২। নারী-চরিত (মেরিয়া	
এজওয়ার্থ) ...	৬৮
৩। গাঢ়তা যুগ ...	৭০
৪। বৈজ্ঞানিক আশ্চর্য ঘটনা...	৭৩
৫। অশান্তির প্রসংগ ...	৭৬
৬। অমূল্যধন বিক্রয় ...	৮০
৭। বিষম সমস্যা ...	৮১
৮। জীজ্ঞাতির সদ্গুণবিষয়ে	
কথোপকথন ...	৮৫
৯। খোস গল্প ...	৮৮
১০। আমেরিকা আবিষ্কার ...	৮৯
১১। মুহূর্ত (পদ্য) ...	৯২
১২। নূতন সংবাদ ...	৯৩

১৩১। বামাগণের রচনা ...	
(বসন্ত উৎসব) ...	৯৫
১৪১। পুস্তক সমালোচনা ...	৯৬
প্রাবণ—২১১ সংখ্যা ।	

১। সাময়িক প্রসঙ্গ ...	৯৭
২। গার্হস্থ-শিক্ষা ...	১০১
৩। জীজ্ঞাতির সদ্গুণবিষয়ে	
কথোপকথন ...	১০৪
৪। সামাজিক শিষ্টাচার ...	১০৬
৫। নারী-চরিত (ননিকা) ...	১১০
৬। সেন্ট অগস্তিনের দেশত্যাগ	
(পদ্য) ...	১১৬
৭। আমেরিকা আবিষ্কার ...	১১৭
৮। বৈজ্ঞানিক আশ্চর্য ঘটনা ...	১১৯
৯। গার্হস্থ্য স্তব ...	১২১
১০। মধুসূক্ত ...	১২২
১১। বিজ্ঞান রহস্য ...	১২৪
১২। নূতন সংবাদ ...	১২৫
১৩। পুস্তক সমালোচনা ...	১২৬
১৪১। বামাগণের রচনা ...	
(প্রাবুট-বর্ণনা) ...	১২৭

ভাদ্র—২১২ সংখ্যা ।

১। সাময়িক প্রসঙ্গ ...	১২৯
২। বামাবোধিনীর বিশ	
জন্মোৎসব ...	১৩১
৩। বিবী ফাই ...	১৩২
৪। প্রভাতে চাঁদের প্রতি (পদ্য) ...	১৩৬
৫। গার্হস্থ-শিক্ষা ...	১৩৭
৬। অনাথা ও পতিতা রমণীগণের	
উদ্ধার চেষ্টা ...	১৩৮

৭। নেপোলিয়ন বোনাপার্টির মাতা ... ১৪১	১৪। বামাগণের রচনা (গৃহিণী) ... ১৪১
৮। ভাষতে নারীহতা ... ১৪৬	১৫। A day in the country ... ১৪১
৯। দেশ সন্মণ ... ১৪৬	কার্তিক—২১৪ সংখ্যা।
১০। জীজাতির সদগুণ বিষয়ে কথোপকথন ... ১৪৮	১। সাময়িক প্রসঙ্গ ... ১৪৩
১১। সুখের মিলন (পদ্য) ... ১৫২	২। গার্হস্থ-শিক্ষা ... ১৪৫
১২। বঙ্গমহিলা সমাজের তৃতীয় বাসরিক মহোৎসব ... ১৫৪	৩। জীজাতির সদগুণবিষয়ে কথোপকথন ... ১৪৩
১৩। নূতন সংবাদ ... ১৫৭	৪। বিদ্যা ও বিনয় ... ১৪৩
১৪। বামাগণের রচনা (নারী-জীবনের উদ্দেশ্য) ... ১৫৭	৫। গ্রীনল্ড ... ১৪৫
আশ্বিন—২১৩ সংখ্যা।	৬। অহুতাপের অশ্রু (পদ্য) ... ১৪৭
১। সাময়িক প্রসঙ্গ ... ১৬১	৭। ধূমকেতু ... ১৪৮
২। প্রকৃত শিক্ষা কি ও তাহার প্রধান সহায় কে? ... ১৬৩	৮। জীজাতির সংকীর্ণ ... ১৪২
৩। নারী-চরিত্র ... ১৬৬	৯। দাম্পত্য প্রেমের সুন্দর ফল ... ১৪৪
৪। জীজাতির সদগুণবিষয়ে কথোপকথন ... ১৬৮	১০। আমেরিকা আবিষ্কার ... ১৪৬
৫। বৈজ্ঞানিক আশ্চর্য ঘটনা ... ১৭১	১১। মুসলমান কুলবালাগণের অবস্থার একটি চিত্র ... ১৪৯
৬। নেপোলিয়ন বোনাপার্টির মাতা ... ১৭৪	১২। নূতন সংবাদ ... ১৪১
৭। কামল-কুসুম (পদ্য) ... ১৭৬	১৩। পুস্তকাদি সমালোচনা ... ১৪২
৮। আমি তোমাদের চাঁদ (সচিত্র) ... ১৭৮	১৪। বামাগণের রচনা (মাতৃস্নেহ) ... ১৪৪
৯। প্রণয় ও বৈধব্য ... ১৮১	অগ্রহায়ণ—২১৫ সংখ্যা।
১০। অত্যাশ্চর্য প্রণয়দ্বয় ... ১৮৪	১। সাময়িক প্রসঙ্গ ... ১৪৫
১১। আমেরিকা আবিষ্কার... ১৮৭	২। শিশু-জীবন ... ১৪৮
১২। নূতন সংবাদ ... ১৮৮	৩। আনা একিন বারবল্ড... ১৪২
১৩। পুস্তক সমালোচনা ... ১৮৯	৪। পতিহিতব্রতা রমণীগণ ... ১৪৫
	৫। হারালী (উপন্যাস) ... ১৪৭
	৬। সংযুক্ত-হরণ (পদ্য) ... ১৪৩
	৭। নেপোলিয়ন বোনাপার্টির মাতা ... ১৪৫

৮। আমেরিকা আবিষ্কার ...	১৪৮
৯। ব্রহ্মাণ্ডের অসীমত্ব ...	২৫১
১০। নূতন সংবাদ ...	২৫৪
১১। বামাগণের রচনা	
আশা-মরীচিকা ...	২৫৫

পৌষ— ১১৬ সংখ্যা

১। সাময়িক প্রসঙ্গ ...	২৫৮
২। নারীচরিত (বিক্টোরিয়া)	২৫৯
৩। ক্রীকবি ...	২৬০
৪। আশ্চর্য্য বৈজ্ঞানিক ঘটনা	২৬৪
৫। উত্তর হিমবাল আবিষ্কার	২৬৭
৬। সম্ভানের উপর মাতার	
প্রভাব ...	২৭০
৭। হারাবী (উপন্যাস) ...	২৭৩
৮। নিশীথচিত্তা ...	২৭৬
৯। স্থনীতি ও স্মৃতি ...	২৭৯
১০। একটা ক্ষুদ্র জীবনী ...	২৮৩
১১। নূতন সংবাদ ...	২৮৫
১২। পুস্তকাদি সমালোচনা	২৮৬
১৩। বামাগণের রচনা	
সীমিতা ও স্বাধীনতা	২৮৭

মাঘ— ২১৭ সংখ্যা ।

১। সাময়িক প্রসঙ্গ ...	২৮৯
২। নশিরামের বিপদ ...	২৯০
৩। নিশীথচিত্তা ...	২৯৬
৪। নারীচরিত ...	২৯৯
৫। ঋষিপত্নীদ্বয়ের প্রেমোত্তর	৩০২
৬। সংযুক্তাহরণ ...	৩০৮
৭। সুখসম্মিলন ...	৩১০
৮। বঙ্গমহিলা সমাজের উৎসব	৩১৫

৯। বঙ্গমহিলা সমাজের	
বার্ষিক কার্য-বিবরণ ...	৩১৬
১০। নূতন সংবাদ ...	৩১৯
১১। পুস্তকাদি সমালোচনা ...	৩২০
ফাল্গুন— ২১৮ সংখ্যা ।	

১। সাময়িক প্রসঙ্গ ...	৩২১
২। ক্রীকবিতির সহ স্তম্ভবিষয়ে	
কথোপকথন ...	৩২৩
৩। বঙ্গসংস্কৃতি ...	৩২৭
৪। এক খানি চিত্র ...	৩৩০
৫। আমেরিকা আবিষ্কার ...	৩৩৩
৬। নিশীথে বিহঙ্গ কণ্ঠ প্রবণ	৩৩৫
৭। উত্তাপ ও শীত ...	৩৩৬
৮। গৃহ-ক্রী ...	৩৪০
৯। কৃষ্ণকামিনী ...	৩৪৩
১০। বঙ্গস্তরের প্রতি শীতের	
সম্ভাষণ ...	৩৪৮
১১। নূতন সংবাদ ...	৩৫০
১২। বামাগণের রচনা	
চরিত্র সংগঠন ...	৩৫১
চৈত্র— ২১৯ সংখ্যা ।	

১। সাময়িক প্রসঙ্গ ...	১৫৩
২। ক্রীকবি ...	৩৫৫
৩। আমি তোমারই ...	৩৫৯
৪। উত্তর হিমবাল আবিষ্কার	৩৬৩
৫। নারীচরিত ...	৩৬৫
৬। নিশীথ চিত্তা ...	৩৬৯
৭। সাধনা ...	৩৭১
৮। বাহ্যবস্তুর জ্ঞানলাভ ...	৩৭৩
৯। নূতন সংবাদ ...	৩৭৭